

A II
3767



TÜRK TARİH KURUMU
KÜTÜPHANESİ

KAYIT No. 31431

YER No. AH/3763

خليل خالد



جزائر خاطراتندن



مصر

مطبعة اجتهاد

١٩٠٦

OSMAN FERİT SAĞLAM'I
TÜRK TARİH KURUMU'NA
ARMAĞANIDIR

بر افاده

شو اوفق کتابک موضوعی تشکیل ایدن موادک
قسم اعظمی مصرده چیقان « ترک » جریده معتبره سنده
بوندن بر سنه اول مقالات صورتنده نشر اولمشیدی .
مذکور مقالات منتشره نك بعدالتصحیح و بر خیلی
علاوه لر ایله کتاب شکلنه وضعی آرزو ایتدم . وطن
معزز مزده مع التأسف حکمفرما اولان تضییقات حکومت
سببیه صحایف جراندده غائب اولوب کیدن بونجه مقالات
عاجزانه کي بو جزایر مقالاتنک دخی نابود اولوب
کیده چکی قورقوسی او آرزوی حصوله کتوردی .



31431
AY. 3762
1

١١

دله ارج

١٢

سج

١٣

کتابمیزك ايلك صحيفه سنی تزین ایدن ، قهرمان مشار
اليهك بو رسمی ۱۶۴۵ تاریخ میلادی سنده «تهودوردو بری
Théodore de Bry» نام ذاتك مجموعه تصاویرنده
بولنشدرد .

بابا اوروجك و برادر صغیری مرحوم خیر الدین پاشا
مرحومك همت قهارانه لری سبق ایتمه مش اولسیدی ازمان
اخیره ده آفریقای شمالی اوزرینه وقوعه كن تعديات غدارانه
نصارایه اهل اسلام بوندن دها دورت یوز بوقدر سنه
اول معروض اولمش بولنوردی .
روح علویلری شادا ولسون!



رئيس البحر مرحوم بابا اوروج

محرر عاجزك انگليزجه آثاری:

THE DIARY OF A TURK

روزنامه ذاتی یولو بر اردرکه ممالک عثمانیه نك احوال
اجتماعیه واداریه و سیاسیه سندن وامور مذهبییه سی ایله
مؤسسات علمیة قدیمه و جدیده سندن بحث ایدر . انگلیزجه
ده عثمانیلق عالنه دائر تمامیه عثمانی نقطه نظرندن یازلمش
ایلك اردو . (۱۹۰۳) سنه سنده (لوندیره) ده نشر اولمش
و محمد حسن خان نام هندی بر مسلمان طرفندن اردو
لسانه ترجمه ایدلمش و بو ترجمه (ترکونکی معاشرت)
عنوانی آلتده اخیراً (کلکته) شهرنده میدان انتشاره
قونیلمشدر . انگلیزجه سی ۳۰۰ صحیفه یه قریبدر .

A STUDY IN ENGLISH TURCOPHOBIA.

مفصل بر رساله سیاسیه در . (۱۹۰۴) سنه سنده
انکاترده خصمای سیاسیه عثمانیه یه قارشو یازلمش در .
سیاسیون مومی الیه م انسانیت و مدنیت برده سی آلتده کی
مسلك ساخته کاوانه لرینی استهزا ایله تنقید ایدر . محررک
اسمعی حاوی اولماق شرطیه لوندیره ده بولنان بر جمعیت
مسلمه یه برای نشر اهدا ایدلمشدر . بو رساله قسماً عربجه یه
ترجمه اولنه رق (اللواء) غزه سنده مقالات شکلنده
نشر اولمشدر . کذلک « محمد شعیب آروی » افندی
طرفندن [هیئت ترکی] نامیه اردو لسانه ده ترجمه
اولنه رق کلکته بلده سنده موقع انتشاره وضع ایدلمشدر .

Cross Versus Crescent

بو اثر مدنیت خرسیتیانه نك عالم اسلامیت نقطه نظرندن
تنقیدینی حاویدر . تمامیه حاضر لنوب الیوم اسباب طبع
و انتشارینک تحریمی ایله اوغراشلمقده در .

جزائر خاطر اتندن

۱

مدید بر موسم شتا ظرفنده ایکی دفعه عالم سیندن
ذوق آلمق بلاد بارده مکنه سندن پک آزینه نصیب
اوله بیلان موفقیتلردندر . مع مافیه شرک ضیاء منیر و
مسخنی براقوبده انکلتزه کی صوغوقندن زیاده نمی
و سیسی ایله انسانی معذب ایدن بر اقلیمه موسم صیفک
حلولندن اول عودته مجبور اولمق ده هر کسک غبطه
ایده جکی موفقیتلردن دکلدر

— ۱۹۰۴ سنه میلادیسی کانون اولنک طقوزنجی
کونی ایدی که انکلتزه ده کی مشغولیتمدن آزاده قالمش
ایدم : همان پیرنی طیولایوب دیار مصره متوجهاً یوله
روان اولدم . مصر ، وصولم زمانسده کی صیجانگی سنه
لردن بری ناجائمه ایشلمش اولان رطوبت و برودتی کویا
وجوددن تخییر و اخراجه کافی دکلش کی صوکره ده
قالقمش سودانه قدر کیتیمش ایدم

— ۱۹۰۵ سنه سی شباتنك اون آلتنجی كونی سوق
وظیفه ایله انكلتره عودت ایتدیكم زمان بلای شتا حالا
حکمرما ایدی . آره سی چوق کچمدی برده جزایره
کیتیمکلم احتمالی کوروندی .

§ مستشرقین مؤتمرنك هر چند سنه بر محله
اجتماع ایتدیكى معلومدر . بوسنه کی اجتماع ، جزایره
وقوع بوله جفتدن (که میبریچ) دارالفنون بوقونفریه
اشترک ایچون بر قاچ مرخص انتخابه و بونلری
جزایره کوندرمکه قرار ویرمش . نامزدلر آره سنده
اسممک ظهورینه ، دارالفنونك مجلس کیرنده بولنان
بعض اعضا ، نظر خشنودی ایله باقامشیلر . بونی
صکره دن خبر آلم . انتخاب اولنان دیگر درت
مرخصدن ایکینك بئم قدر اولسون اصول و
معارف شرقیه واقف اولمالری و دارالفنونك ارسال
ایده جکی مرخصلره مصارف راهیه اولمق اوزه فضله
بر ایچه اعطاسنه مجبور بولنامسی دیگر طرفدن ایسه
دارالفنونده کی موقعمک انتخابه استحقاق بخش ایتسی
کی احوال ملاحظه اولندقدده اسممک مرخصلر

آره سنده ظهورینه هیچ بر طرفدن اعتراض ایدلماک
لازم کلوردی . انکلزلر اجنبی نی سومزلر علی الخصوص
بر انکلزک یایه بیله جکی مصلحته ییالچینك مشارکتی هیچ
چکه مزلر . بونده ده تمامیه حقلیدرلر . بز مسلمانلرک
اغتناب جانبیدن نه قدر متضرر اولدیغمز معلومدر .
فقط بئم انتخابده کیمسه ایچون داعی رقابت بر حال
یوق ایدی ؛ عهده مده کی وظیفه نی ایسه اجرا ایده جک
بر انکلز بولمق مشکل . بناءً علیه اعتراض سالف العرض
تعصب دینیدن متولد بر سوء ظن اثریدر . مسلمان
اولمق و هله شمعدی یه قدر لواء محمدی نی محافظه و
مدافعه یه اقتدار کویترن ترک قومنه منسوب بولمق
بر چوق اعیاد نصاراجه عفو اولنه ماز بر قصوردر .

بو عدم انتخاب مسئله سنه ابتدا اهمیت ویرمه مک
و واقعیه ده تعصب موروث نصاریه بر مثال اولمق
اوزره تلقی ایله متسلی اولمغه قرار ویرمش ایدم ؛ فقط بعض
احبانك الحاح و التماسی اوزرینه انتخابم بر کره دها تحت
تذکره آلتش . بناءً علیه دارالفنونك مدیر عمومیسی
مرخص تعیین ایدلدیکی نزاکتلی بر مکتوب ایله

بیلدیردی . بزده قالقدیق مرخص اولدیغمزه
سونمکنن زیاده اوصره ده ممدایا یاغان یاغمورلر دن
وقسوتلی بولوطلردن بو وسیاه ایله قورتلدیغمزه منون
اوله رق انکاتر دن مفارقت ایتدک . بئندیکمز قطارلرک
وکیلرک نصل حرکت ایتدکلرینی تعریف و تفصیل مثللو
احمد مدحت افندی مقلدلکنه ذاهب اولیه جغمه اعتماد
بیورلسون . مبحثه آنجق جزایر ایالتنه وصولدن
باشلیه جغم .

مارسلیان حرکتمدن یکرمی سکیز ساعت صکره
جزایرک « فلیپ ویل » شهر جدیدینه واردق . بوراده
هواء یابسک حیاتتی و حرارت شمسک اعتدال اطیی
طبیعی بزده یک خوش کلدیکندن و آرقداشمک بالق طومتق
هوسنه دکرک سکوتتی بر وسیله تشویق اولدیغندن
« فلیپ ویل » ده ایکی کیجه قالدق . یوقسه بو شهرده
وقت صرفه دکر مواقع تماشا همان مفقود کییدر .
شهرک شکل عمومیسنده شرقی آکیرر بر حال یوق؛
آپارتمانلری : میخانهلری و سائرینی حاوی عادی برفرنک
بلده سندن عبارتدر . کوزل بر کوزفز داخلنده کیلیاننک

تجارتی ده غیر مهم . ذاتاً اصول حمایه یی رقابت عمومیجه
ظهوره کلکنه اولان عجزلری ایچون بر چاره مدافعه عد
ایدن فرانسزلر جزایر لیمانلرینه اوغرایه جق مراکب
بحریه اجنبیه یی بر چوق قیودات تصعیبیه دوچار
ایدیورلر ؛ بو ایسه تجارت محلیه نک کسبت اهمیه ایتسنه
بر مانع اولیور . قیودات اصول حمایه بعض فرانسز
شرکتلری ، فرانسز سرمایه دارلری و فرانسز مأمورلری
ایچون فائده بخش اوله بیلور . فقط اکثریت ناسی تشکیل
ایدن اصل بریلر ایچون جداً بر مانع کسب و رفاهدر .
عربلر آره سنده کوریلان ذلت احتیاج ممالک محروسه
شاهانه ده موجود اولان فقر عمومیدن اهون بر درکده
دکلدر . اراضی مفتوحه اسلامییه به ادخال سعادت
ایتدکلرندن دم اورن متمدن فرانسزلرک اوباده کی سفسطه
کارلقلرینی جزایره کیوبده آکلاملی . جزایر لیمانلرینه
یولجی طاشیان سفینه لر عمومیتله فرانسز شرکتلرینه
عائدر . مملکتک لطافتی هر سنه بیکلرجه فضله زوار
جلبنه مستعد اولدینی حاله وسائط موارداتده کی نقایص
یک چوق کیسه لر ایچون مانع سیاحتدر ؛ بناء علیه

مملکت هر سنه يوز بيكر چه فضله ياره جذبندن محروم
قاليور . فرانسر واپورلرينك پك چوغى انسانه عادتاً
اداره مخصوصه واپورلرينى آكديرييور ؛ بنا برين اومقوله
كميلره جاتى تسليم ايله يولجيلغه چيغمق هر كسه نصيب
اولان فضائل توكلدن دكلدر .

« فليپ ويل » ك بر عرب بلده سى اولديغنى يوقاريده
اشراب ايتمشك . قسطنطين بلده قديمه سنك ضبطندن
صكره فرانسلر بلده مذكوره و ماحقاي مواردا
واخراجا ايجون بر مرسا اولقى اوزره فليپ ويل انشا
ايتمشلر . شهرده موجود اولان آثار قديمه نه نظراً
روماليلركينه بومر ساده مهم بر شهرلرى موجود ايمش .

اشغال عسكريلرينى متعاقب فرانسلر بلده حاضر نه
حاوى اولان اراضى واسعه قىيل ديدكلرى طائفة
اسلاميه دن يوزاللى فرانق كى آز بر آچه مقابلنده صاتون
آلمشلر . بوراده كوريلان برقاج عرب اوتنه دن برودن كمش
خدمتكار مقولاسى آدملردر . زوليلر بر مسجدده مالك
ايسه لرده آثار معارفدن كلياً مجر دورلر . « فليپ ويل » ده
« آمفيتها تر » دينيلان صحنه كير لعب خرابه سى ايله اوفق

بر موزه خانه دن ماعدا شاين تماشا بر محل كورده مدم . يقين
وقتله قدر فرنك متوطنلرى بو صحنه كير ايله سائر روما
خرابه لرينك طاشلرينى آلوب كسرك مبانى جديده
انشاسنده قوللا نيورلرايمش ؛ بوكى براهين موجود ايكن
بعض آوروپالى محررلر ك آثار قديمه نك قدرينى بيلمه
مزلكى واستعداد تحريبي يالكر اهل اسلامه اسناد ايتلرى -
بر تعبير انجلى وجهله - كندى كوزلرنده كى مرآتى
كورمه مك قينانددر .

« فليپ ويل » موزه خانه سنده مصادف نظرم اولان
ايكى عددستون بز، جه شاين ذ كر در ظن ايدرم : بونلرك
بريسى بر رومالى هيكليدر . آفريقاى شمالى عربلرينك
بوروندكلرى برنوسك يعنى بياض قناتك روماليلر زماننده
مستعمل اولان بر نوع عبايه مشابهى اولديغنى بر برده
اوقومش ايدم . لىكن بو هيكلده كى كسوة خارجى شكلنك
اليوم تابىس ولتان جزاير برنوسلرينه تماميله مشابه اولسنه
تعجب ايتدم . قيافت اسلاميه نامنه بر چوق ارباب جهل
وريانك ايتدكلرى تعريضات متعصبانه نك ماهيتسزلىكنه
بوده بر دليل دكللى ؟ شاين ذ كر عايتديكم ديكر شى مزار

طاشی شکندده بر اوفق ستوندرکه لاتینجه کتابه سنک
اوزرنده آی ویلدر علائمی محکوکدر . هلال ونجم
اشارتنک رومالیلر طرفندن مستعمل اولدینی عثمانیلر
بونى علامت علم ملی اولمق اوزره بیزانتینلردن اخذایتدکلری
بوکی آثارماتقطه قدیمه ایله مثبت اولدینی حالده هلالی
کویا بر اثر معبود ایش کی محررین نصارانک صلیب
مقاباندده تلقی ایتلری و بناء عاییه آمال غرضکارانه لرینک
جریانیه بو وسیله ایله ده بر موضوع بولملری اختراع سوء
صنیه ده کی مهارت لرینه دلالت ایدن احوال دندر .

۲

فرنک مسئولیلری طرفندن ضبط ایدیلان اراضی
اسلامیه اوزرنده مجدد آتاسیس اولمش و فرنک مهاجرلریله
اسکان ایدلمش بر بلده ده بر لطافت بولنده بیله آکاده طویمق
چوق وقته توقف ایتیمور . بوندن طولاییدرکه « فلیب ویل »
شهرینه وصولزک دها ایکنجی کونی متبادیا اسنه مک ایله
چکه مزک آغریمسندن روحزده کی اوصانج حسنک شتداد
ایلدیکنی آ کلامغه باشلادق ؟ معلوم یا . حدود مملکتلری

داخلندده بین الملل مؤتمرلر اجتماعی دعوت ایدن حکومتلر
مرخصین اجنبیه تسهیلات مسافر پروری ده بولورلر .
بوقیل آثار مهمانسوازیدن اولمق اوزره فرانسزلرده بزه
بر ورقة امراریه کوندر مشلردی که بونلری ارائه ایدنجه
اعضای مؤتمر جزایر تیمور یوللرنده نصف اجرتله سیاحت
ایده یوردی . فرانسز واپور شرکتلری ایله فرانسه ده کی
تیمور یوللر اداره لری ده بر مقدار تنزیلات اجراسنه
موافقت ایتشلر ایدی ؛ فقط بیز آنلرک اکرانه افقارده
بولمقد . چونکه « قوق » نام انکلز شرکت سیاحیه سنک
جزایر اسکله لرندن بریسنه قدر اوج آی مدتی اصدار
ایلدیکی عزیمت و عودت بیلیق بزی بوتنزیلات عالیجنابه دن
مستغنی ایدجک درجه ده اهون ایدی . برده مؤتمر ورقة
امراریه می ایله سیاحت ایدنجه فلان و فلان کون حرکت
ایتمک . فلان و فلان موقف واسکله لرده اینوب بو ورقة نک
ارائه سی اوزرینه یکیدن بیلتلر آلمق کلفتی اختیار لازم
کلیوردی . بناء عاییه بو ورقة اکرانیه مؤتمری یالکیز
جزایر تیمور یوللرنده استعمال ایتمکه باشلقد . بو ورقة نک
نصف اجرتله بر سفر معینی تأمین ایلدیکنی عرض ایتشیدم .

حال بوکه « قوق » شرکتک مذکور اوچ آیلق بیلقی
جزایر خطایینسک موقفلارنده آرائه اولنجه بوزده قرق
مقدارنده تنزیلاته تیموریول بیلتری آله بیلور . تیموریول
اداره لری جزایره انکلتزهدن ده ازیاده زوار جلب ایده
بیلیمسی ایچون قوق شرکته بوتنزیلاتی تعهد ایشدر .
بناء علیه فرانسه لرک انکلتزهدن کلن اعضای مؤتمره
بو بایده کی اکراملری حقیقه ده نصف درجه سنده دکل
بلکه بوزده اون مقدارنده ایدی . بویه اسلوبی تدابیری
ایجاد ایدنلرک مسالکفی تعریف ایچون استانبول کاخان بکی
لساننده مستعمل « اورورستوبوللق » - وزدن دهامناس
بر تعیربوللق مشکلدن . حال بومرکزده ایکن بعض غافل
مستشرقینک « اکراملی بیات آلدق . اوچوز سیاحت ایتدک »
دیه سونملرینه نه دیملی؟

هر نه حال ایسه ، بز فلیب ویل تیموریولی موقفنده ورقه
امتیازیه مزى کوسترردک بیلتمزى تنزیلات معینه ایلدق .
صکره صاحبک پک ایرکن بر زماننده قسطنطنین شهرینه
متوجهاً حرکت ایلدک؟ بیلیم نه درلو مقصده مبنی درکه
یتون جزایر سرعت قطارلری صاحبک غایت مناسبستزجه سنه

ایرکن بر آننده حرکت ایدیورلر . بونده ده بر مقصد
اقتصاد بولندیخی مرویدر . فرانسه لر هر درلو تدابیری
ابتدای امرده اقتصاد نقطه نظرندن تلقی ایتدکن صکره
اتخاذه میال کورینورلر . قاعده تصرفه رعایتده کی مدو حیثک
تمایل اسراف عادتنده کی مقبوحیت نسبتنده بیوک اولدیغی
هر کس بیلور . فقط تصرف ، تصرف دیه ایشی چنکانه لک
درجه سنه واردیر مق ده هیچ خوشمه کیمیان حالتندرن .
فکر بجه « صیجاق صوبولدم » دییه صابون ایشتراسندن
استغنا ایدن افندیدن بر فرانسه ، « لا یقیله تمیزلیم » دیه
ایوجنسندن صابون آله رق قیر ، قیر بیقاناان برانکلین
خدمتکاری قدر حیثیت شخصییه مالک دکادر . بوفکر مه
« النظافه من الايمان » دستورینه مالک اولان مسلمانلردن
چوغنک اشتراک ایلیمه جکندن امینم .

قطار مز فلیب ویلی ترک ایتدی واوزونجه بر طاغ دلیکنندن
عبور دن صکره هر طرفی باغلق وچمنزار ایله محاط بروادییه
واردی . جزایری آفریقانک اشیرین اقسام معتدله ومنبتیه
سندن دیه چوق ایشتمش ایدم . فقط طوغریسی آفریقا
سوزی شمدی به قدر فکر مه ، صوسز دره لر . قوری قابالر

وصاری قوملرک کثرت موجودیتدن عبارت برلوحه
مخيله قسوت انکیز نقش ایدردی. حال بوکه حقیقتد.
دولت عثمانیه نك قدرینی بیله میهرک ضایع ایتدیکی اراضی
اسلامیه ایچنده جزایر قدر کوزل بر قطعه ارض بولمیدیغه
دها سفرمک مبادیسنده قانع اولدم. بوملک کتک بعض
جهاتی فرانسه نك جنوبندن دها لطیف دیمش اولسه مبالغه
عدایدیله مز.

§ قسطنطین شهرینه متوجهاً حرکت ایدن قطار مز
منحنی یوللارله تیه و طاعلر آشمغه باشلادی. قسطنطین
شهری سطح بچردن ایکی بیک و کسور قدم ارتفاعنده
ایمش؛ فقط کسورک مقدار صحیحی خاطر مده دکل.
کچدی کمزیرلر زمردکی بشیلک ایدی. اوفق درملرده
آز چوق صو جریان ایدیور و ایستیلین مواقعه آز
امکله صو بولنه بیله جکی ارضک علامتدن آکلاشیلیوردی.
مع مافیه اراضی، مزروع و باغقلر سیرک کورینیوردی.
یونک سببی نه اوله بیلور؟ فرانسلر بو قطعاته فتوحه
اسباب مسعوده تمدن ادخال ایتدیلمی، اوت، بورالری
ایضاحه محتاجدر. فرانسلر ایچون هیئت اجتماعیه

مسلمه نی تار و مار ایتک او قدر کوچ کلیه بیلور؛ فقط
اهل اسلامک یرینی قایلا یه جق قدر فرانسلر سکته سی
کتورمک بک مشکل اولمی. معلوم یا فرانسلر وطن
مادرزادیلرینی ترک ایتدیکی بک سومزلر و علی الخصوص
نفوس ملیه لرینک بر موجب دلخواه تزايد ایتمه سی سببیه
فرانسه دن خارجه کافی مقدار افراد مستمالکین سوجه
مقتدر دکلدرلر؛ چونکه فرانسلر قادینلرینک مشهور
آفاق اولان فعالیتلریله برابر وطنه کافی مقدارده اولاد
بخش ایتک وجیهه سنده کی تکامللری بوکا مانعدر.
یولمز اوزنده بر قاچ کویدن ماعدا اماکن مجتمعه
کورینیوردی، بو کویلرک خلق ده شهرلرده کورلدیکی
وجهله یالکیز فرانسلر دکل ایتالیان، اسپانیول و مالطیز
مثللو عناصر اخرادن بر خیلینسی حاوی اولسه کرکدر.
§ انکثره ده سیاحته آلیشان بر آدم ایچون «سرعت»
نامی ویریلان بر قطارک هر موقوفده طورمی خیلی
عذاب درونی بی موجب اولیور. بزم بیندیکمز سرعت
قطاریده بوغاز ایچنک دینلجی واپوری کی هر یرده
طوردی. موقفلرک اکثریسی ایسه بر کلبه دن عبارت

اولدیغندن تماشاسیله فکری راز اشغال ایدمک فعالیتدن
 عاری در . موقفلرک آدی اکثریتله اسماء عربیه دن
 ایسه ده هیچ ریسی عربجه حروفله یازیلی دکلدر .
 فرانسیزجه یازیلان بو اسماء خاصه ایسه خاطرده
 طوتیله میه جق قدر تحولاته اوغرا دیغندن افهام ایتدکری
 معایندن استنتاجات تاریخیه ده بولمق مشکل موقف
 اسمی دکل ایسه ده بوکار مثال اوله رق ذکر ایدمک :
 قسطنطین شهری قربنده بر محل واوردرکه اسمی
 « قودی یات آتی » در بو اسمک فرانسیز حروفلیله یازلمسندن
 طولانی ترجمه اولدیغنی بولمق رازا تعاب فکره محتاجدر .
 محل مذکورک وقتیه عثمانلی سپاهیله طرفندن قشله
 اتخاذایدلمش اولدیغنی تحقیقندن صکره بو اسمک معناسنی
 آکلایه یلدم .

§ اسماء خاصه اسلامیه نك هر پرده فرانسیزجه اوله رق
 تحریری شایان تدکار بر نقطه در ولسان عربیه معارفورور
 فرانسیز لرك اوردقلى زحمه تدینك بر نمونه سیدر . اوله
 قیرلرده کی مواقف اسمارینه نه حاجت بیوک شهرلرده
 بیله عرب محلاتی ازقه سنك وحقی مدارس مثلاًو مبانء

اسلامیه نك اسماری هپ فرانسیز حروفلیله یازیلیدر . نحفی
 شوراسیدرکه نکاح و طلاق کی بین المسلمین دعاوی به
 باقان نفس جزایر نالینک دائره سی دیوارنده قاضی و محکمه
 شرعیه مثلاًو اسملر بیله فرانسیزجه اوله رق محرردر .
 جهالت کامله ایچنده یاشایان بر خلق ایچون بوبله اسملرک
 فرانسیزجه ویاعربجه یازلمسی بردر دینیه یلور . فقط بن
 او فکره اشتراک ایدم . جزایر مسلمانلری آردسند
 اوقویوب یازانلرک آز دکل . شو قدرکه بعضیلرینه
 فرانسیزجه بر غزته و بر سه کز جایر ، جایر اوقودقلى
 حالده تکلم ایتدکری عربجه ده بر سطرارانه ایتسه کز
 الفی مرتک ضن ایدیورلر . ایشه بوجهتدن اسمانک
 یالکیز فرانسیزجه یازلمسی تأویل کوتوره بیلور سه ده
 مقصداصلی هرشی کی لسان مملکتی ده فرانسیز لشدیر مقدر .
 § انکلیرلردخی سودانک بعض یرلرنده هر اسمی یالکیز
 انکلیرجه اوله رق یازمق مسلکی اتخاذایدیورلر سه ده
 اومملکتده انکلیر متوطنلری یرلشدیرمک ممکن
 اولدیغندیمیدر ندر خطوط عربیه نك اوتته ده بروده تحریری
 تجویز ایلورلر ؛ مصرده ایسه ، معلوم اولدیغنی اوزره ،

حروفات عربیه نك بالاسته انكليزجه قید اسماء ايله ترویج
حس تفوق و محافظه و قار تقدم ایتکده لر در . حکومت
خدویه نك دوائر رسمیه سنده معاملات عربجه دن زیاده
انكليزجه اوله رق جریان ایتکده باشدی مسلمانلرک یرنده
بشقه بر خلق بولنش اولسه ایدی لسان ملیرینک تزیل
قدرینه ضراحت بر تعدیدن عبارت اولان حروفات مرجحه
اجنبیه نی کوردکلری یرلرده پارچه لر دی . بزترکلرک معامله
حاکمیتجه نصاری فاتحه یه اولان رجحانلرک براهینندن
بری ده ضبط ایتدی کمز ممالک اسلامیه ده لسان عربی
احترامه قبول و شاتی ترفیع ایتکده کمز و او لسان
احجابی زبان مادر زادلری اوزره اکتساب تفیض و ترقی
کی سهولت طبعیه دن محروم براقیدیغمز در . بوکا مماثل
فضائل می جزایر لیلر شیمدی آ کلا یه ییلورلر مصر لیلرک
دخی آره سی چوق کچمدن آ کلامغه باشلیه جقلرنده
شبهه یوقدر .

§ نه ایه سه زملاحظات استطرادیه نی اوزاندق . شیمدی
مبحث اصلی مزه رجوع ایدلم چونکه قسطنطنین شهرینه
داخل اولوق اوزره بولنیورز .

سر لوحه دن دخی آ کلا شیه جفی اوزره بو صحائفک
تحریرندن مقصد مفصل بر جزایر سیاحتنامه دی یازمق
دکدر بلکه اوچ یوزسه قدر تحت نفوذ عثمانی ده بولنش
اولان بر قطعه ده اجرا ایتدی کم بر - ولان صره سنده کی
مشاهدات و مسموعاتم حقنده بزجه باعث تلقی اوله بیله جک
خاطرلر قید ایتکدر . بناء علیا اکثر سیاحلرجه معتاد
اولان تعریف جغرافی محلات و تفصیل تاریخ قصابندن
مهما ممکن اجتناب ایده جکم .

§ قسطنطنین بلده حاضره سی یرنده رومالیلر زمانندن
مقدم دخی بر شهر موجود ایمش . موقعک حصات
طبعیه سندن اولوق کرکدرکه بعض رهنامه لرده
بو محک ازمئه اولین انسانیدن بری بر اقامتگاه تحفظ
بولنش اولدیغی مذکور در . فنکلرک قسطنطنین دیکلری
بو شهره عربلر نه دن ایه سه قسطنطنیه اسمی طاقشدر .
سامی بک مرحوم دخی قاموس الاعلا نه ده بو اسمی
« قسطنطنیه » طرزنده یازیورسه ده (قسطنطنین)
صورتی التزام ایدن متقدمین محررینمز واردر . ضرورت

قطعیه بولند قجه فرنك كهلرينك استعمالندن حظ ايدنلردن
دكلم. بونكاكه برابر (قسطنطينه) كې عرب آغزنده
چيكننوب بوزولمش برسوزى (قسطنطين) مثللو لينت
تلفظى بولنان برگاميه دكيشه م.

§ بوراده بلناسبه ذ كر ايتكم ايستديكم برشى وار :
چند كون مقدم تاييس غزته سنده يمن اختلالى حقنده
بربنده مخصوص او قودم؛ بونده تركرك عربلرجه دشمن
ابدى بولند قبرى ذ كر ايدىلور دى. تاييس غزته سنىك
بدخواهانى معلومدر. بو غزته يالكىز اقوام نصرانيه
شرقيه يي دكل عثمانىي تركيب ايدن عناصر اسلاميه دن
بعضيلرى بيله ترك ظلمندن خلاصه ميا برلوحه ايله تصوير
ايدة جك موضوعلى قاجيرماز. اصل تركركي ميدر اجانب
اوراسنى ذ كره يانا شمار. اعيار اجانبك قصدى شو عر بدر،
شو كر ددر، شو آراووددر يوللو وسائط مفسده تفرقه كارى
ايله امرجه عثمانىي تحلل مهلكه سنه دوشور مك و بناء عليه
اسلامك قوه مقاومه باقيه سنه قولايقله برضربه محالآ تمقدر.
بزجه ايسه عثمانيت تركك و تركك عثمانيت ديمكدر. رابطه
ديانت بى او قدر مزج ايتشدرد مقصد اجانبك بروجيه

منوال اولدنى بديهى ايكن عنصر عثمانىي تشكيل ايدن اقوام
مسلمه يه منسوب بعض هوائلرك بلالاي حاضره مزي كوره رك
« بن ترك دكلم » قول سقيى ايله داعيه انفكاكه دوشملرى
وبو وجهله افرنجه عرض تبصص ايتلرى اغيارك اومقوله
مفسدت نشر يه سنه بادی اولان حالاتندرد. عثمانيت شوكت
قديمه نى ضايع ايتسه ايدى بو هوائلر « بزفان قومسه
منسوز » ديه تركك كدن تجر بد نفسه چاليشمازلردى.
برملتك شوكتدن متفع اولمق و ايام مصيبتنده الامنى
تحقيقدن محتجب بولمق مرداك شاندن دكدر. بزم اومقوله
فرصتجويان جبانته قارشى اتخاذ ايدة جكمز مسلك
« مادامكه سوريمزدن آيرلمق ايستيورسكز؛ ابشته يوليكنز.
جزاير ليلر وساثر محكوم اجانب اولان مسلمانلر كې
عقلكنز باشكزه كلدكدن صكره قدر اخوتكاريمزى
آكلار سكز اما بزرده آرتق سزدن دريغ اخلاص و ظنداشى
ايتمكده معذوريت حس ايلرز » ديمكدر و ديلى دونين
برعرب طرفندن تغليط ايدلمش برلفظى عربدن كلديكى
ايچون كويا بركله مباركه ايش كې اتخاذ عادتندن واز چكمكدر.
ها، برنقطه ده اوار. موضوع بحث اولان بلده، استانبولك

بانیی برخی قسطنطین طرفدن تجدیداً بنا ایدلمش
و آنک نامنه نسبت اولمشدر. حکمدار مشارالیهک ابقای
نامنه مدار اصلی اولان استانبول شهرینی سکه لر مزده
قسطنطینییه صورتنده حک ایدیورز. پیغمبر دیشان افندمر
طرف مبارک لرندن فتح استانبول حقنده ایراد بیوریلان
و آیاصوفیه جامع شریفنک بر دیرکنده محکوک بولنان مشهور
حدیث شریفده پایتخت سلطنت عثمانیه نک اسمی (القسطنطینییه)
شکلنده محرردر. بوکاستناداً دخی (قسطنطین) لفظنک
« قسطنطینه » کله ثقیله سنه مرجعیتنی ادعا ایدرز.

شیمدی بوشهرک تدقیق اسمندن و از کچه لمده تقشیش
جسمنه باشلیه لم. شهرک احاطه ایتدیکی ارض جداً شایان
تماشادر. یالکیز بر جهندن طاعنه متصل و اوچ طرفندن ده
غایت دیک قیالره محدوددر. بو قیالرک دینندن بر چای کچور.
اگر قسطنطین شهری طهارته میل طبیعیسی اولان و صحیه
بلدییه فرانسزلر کی نظری صورتده دکل بلسکه انکلیزلر
کی فعلی بر حالده عطف اعتنا ایدن بر ملت النده بولنسه
ایدی سلامت هوایه مالک بلاد عظیمه دن بریسی اولوردی.
فقط سواقلرینک حال حاضری - واردات بلدییه سی ضابطه

خفیه به عنوان ساخته کاریسی آلتنده اختراع تهمت ایله
مشغول بر آلاهی حشراته مأ کل اولان -- استانبول
شهرینک از قه سی قدر پیسدر ؛ هر طرفده بر تعفن و خیم
حسن اولنیور. کرک بنده کز کرک دیگر بر آرقداشم بوشهرده
کچور دیکمز اوچ کون طرفنده عاداتا حمایه طوتیلمش کی
قیرغینلق نوبتلری حسن ایتدک شهرک. قیالرک منتهاسنه
قدر اوزانان. عرب و یهودی محله لر نده کی اولرندن چیقاریلان
کافه مدفوعات مستکرمه ایله دباغخانه لرندن آقان میاه ملوئه
قیالردن آشانی دوشیور و دنیانک عظمتی کچیلرندن
بریسی بولنان دره نک منظره سی بر باد ایدیور.

§ بزبو کچیدک شهره مقابل اولان جهندن کچرکن
بر دلیمز واردی. دیانته اولدینی کی همان انسانیتدن
دخی یک آزعلاقه دار اولان بو کنج عربک روایتیه کورم
وقتیه قسطنطین بکاری تحت اداره سنده زبا ایله محکوم
اولان عورتلر قیالرک نامتهاسنده کاش اولان والیوم خراب
بر حالده بولنان جامعک دیوارندن قیالره آشانی آتیلوب
تجربیم اولنورلر مش. بوکی بر جزای اعدامی وحشت دیه
توصیفده آوروپا متمدنلرینک ذهابنه مشترک ایه کز

بوابده سزدن اعتزالمی معذور کوریکز. بنده کزک
 بوکی خصوصاً صـورت ملاحظه م بشقه در . عفت
 عمومیه طاری اولان شنایع حاضره بی تدقیق ایدنجه
 انسانک « کاشکی اواسکی زمانلر احبا ایدلسه » دیه جکی
 کلیور. اگر مجازات شدیدة قدیمه تجدید ایدیله بیلسه ایدی
 فحش کسب ندرت ایلردی و خشک زوالی مذکور معامله
 وحشیة تجریمه نك الغای طبعیسی انتاج ایلردی. عرض
 و اخلاقی زوال تامه یوز طومش بر خلق اضمحلال کلیدن
 قورتار مق محالدر. عرض و اخلاق محافظه ایتک و بنابرین
 بر ملق اسباب مضرة انقراضه قارشى مدافعه ایلک ایچون
 نه قدر تدابیرشیده اتخاذ ایدلسه وحشت دکل بلکه اصابت
 ایدلمش اولور. حریت مشروعه انسانلرجه پک مقدسدر.
 یار جان انسانیت اولان بو حق مقدسه هیمز مالک اولمق
 ایسترز. فقط فرانسه مدینتک کتوردیکی سربستی
 اخلاق اسلامیه بی کوکندن صارصنجه آنی حریت
 نامشروع دیه تلعه نده کندیمزی حقلى بولورز.

خوارق خلقتدن اولان مذکور دیک قیالرك وقایعی
 چوقدر. بونلر دن بریسی ۱۸۲۷ تاریخ عیسویسنده فجیعه نمای

حدوث اولمشدر. شویله که : فرانسلرلر شیخ عبدالقادر
 مرحومک قوه مقاومتی صارصندوقن صکره جنرال
 (واله) قومانداسنده بر آورد و ترتیب ایدرلر و قسطنطینی
 والی نیم مستقلى اولان احمد بکدن قطعاً استرداد ایچون
 شهر مذکور هجوم ایلرلر. یاغدید قلعی دهشتلی کوللرلر
 و خیمه لر ایله دیوارلری ییقارلر و جسارتلرندن زیاده مالک
 اولد قلعی وسائط متفوقه حربیه ایله طبعی مسلمانلری
 مغلوب ایدرلر. سواقلرده قان کوده بی کتوردیکی صروده
 یوزلرجه قاری. چو حق و اختیار قیالردن قعر وادی به
 آتیلوب اتلاف جان ایلرلر. عربلرک روایتجه بوفاجعه
 اختیاریه خونخوار قلعه شهرتی شایع اولان افرنجک دست
 غدرینه دوشمه مک واشکنجه ایله اولدیرلمه مک ایچون
 اجرا اولمش. فقط فرانسلرلرک بوابده روایتلری بشقه در
 مثلاً :

Histoire de L'Algérie par ses Monuments

نام کتابه نظراً بوفاجعه زدکان اورغانلرله. قوشاقلرله
 آشانی صارقوب دهره طریقله قاقچق ایستمشلر ؛ لکن
 زیر زمینک بعدی و بناء علیه وجودلرینک ثقلت متضاعفه

سببیه سی سببیه قوشاقلرک ، ایپلرک هپسی قیریلوب
قویدیفندن او یوز لرجه بیچاره لر تلف اولمش . بوروایتده
اک زیاده شایان حیرت نقطه : او یوز لرجه قوشاقلردن ،
ایپلردن هپسنگ چوروک بولمسی و حق چوجقلری یله
تزیله متحمل اولمامسیدر ! ایشته تاریخ بویله یازیلور .
مترجم عاصم افندی مرحومک « معاییزی مهمما امکن
کتم ایلدم » یوللو بر قید اعترافینسی بولوبده سقوط
اعتبار و ورخینی موجب نقصانی تنقید و احای حقایق
شائبه لیری یالکنز کندیمزده موجود ظن ایدن و بناء علیه
ملال یاسه دوشن بعض محرر لر مزه ایشته تسلی بخش
بر عبرت !

بوقیالر حکایاتندن برنبده ده :

رومالیر قیالرک آرسندن آچدقلری برمدخل ایله
قسطنطین شهرینک آلتنده مغاره یوللری حفر ایشلر .
تحت ارضده بولنان بومعبریک زیاده شایان تماشا ایمش .
میاه معدنیه طامله لرندن حاصل اولمش متحجر صالقملر
مغاره نك طوانلرنده آویزه زینت کی صارقارلر ایمش .
مغاره نك تماشاسی ایوم ممکن دکلش . چونکه عربلر

بومغاره طرفندن قسطنطین شهرینی آتوب برهوا ایده
ییلورلر دیسه فرانسلر مدخلی سدا تیشلر . بیچاره لر !
آنرک باروتی چوقدن پاطلاماز اولمش : دینامیتک
ماهیتندن ایسه کلیاً یخبردرلر . ذاتاً هیچ برشئی آکلایوب
بجربیلیمکه محالری قالماش اولان جزایر مسلمانلری
شویله طورسون ما که دونیاده سنه لر دنبری بونجه آرداشلر .
ینک برهوا ایدلمسینه ، یارچه لئوب اولدیرلمسینه وسیله
اولان بو داهیة ناریه نك ماهیتندن عساکر و ضابطان
خلافت بیله غافلدرلر ؛ غافل قالملری ده قصداً التزام اولتیرور
و التزام اولنه جقدر : تا که اوروپادن فك ارتباط
عثمانی حصوله کتورمک ایچون وقوع بوله جنی بدیهی
اولان محارباتده طوپدن ، تفنگدن ، قلیجدن ، سونکیدن
ییلیمیان او یکتیلر دینامیت خبره لریله دوچار هرأس
وهزیمت ایدیله .

فکر عاجزانه بجه فرانسلرک بویر آلتی یولنی قاپاتملری
(اولادریعه) خبیعه سنه نمائل بر وقعه نك ده حدوشه
میدان بر اقامق و بو سببیه جهانک تعیینه ایکنجی بر
وسيله ویرمه مک مقصدینه مبنی اولسه کرکدر . اولاد

ریعه و قعه سی جزایر تاریخی لرنده شو و جهله مرویدر :
عبدالقادر مرحومك فرانمزلر علیهنده آج دینی جهاد
صره سنده (په لیسه) نام میر آلائی قومانداسنده کی
فرانمزر عسکری شدت معاملات اعدادن خوفاً اولادریعه
مغارده سنده کیزلنمش اولان بشر یوز مسلمانانی - که
اکثریسی قاری و چوجق ایش - مغاره آغزنده
یاقدقلری آتش دومانانی ایله احناقاً تلف ایدرلر .

یوقاریده ذکر ایتدیکم ﴿ جزایرک هیاکلنه مستند
تاریخی ﴾ نام کتابک مؤلفلرندن ادوارقات مرقوم میر -
آلایک پکده مستحق تقییح اولمادینی حالده وقعه زماننده
بعضی آوروپا غزته لرینک تنقیدات شدیدده بولنمش
اولملرینه تأسف ایدیور . الک بیوک وحشتلرینی منفعت
مدنیت نامنه تأویلدن حیا ایتین بر خیلی آوروپا محررلری
کوردیکمز ایچون (ادوارقات) ک تأویلنه یکی بر عجیبه
نظریله باقازیر .

۴

قسطنطینک زیر زمیننه متعلق حکایاتده جولان قلم
ایتدیرمکی براقه لمده بر آزده داخل قصبه ده کی ماجرای

دور انمزدن بحث ایدلم : عمرمک الک قیمتلی زمانندن آلتی
سنه قدر بر مدتی جوامعه ده تدرس ایله امرار ایتیش
اولدیمغندیمدیندر بوشهرده ایلاک هوسم مساجده موجوده -
نک معروفلرینی زیارت اولدی . علی الخصوص بومساجدک
- اصول معماری مغربی ده بولمقوله برابر - عربلر
طرفدن دکل جزایر داینلرینک نصب ایلدکاری نیم
مستقل ترک بکاری واسطه سیله انشا ایدلش بولمغیری
زیارت حقنده کی حس هوسمی تزئیده سبب اولدی . ابتدا
اوطوردیغ اوتل قرینده کی جامع کیری زیارته کیتدم .
§ بر بیت عبادتک تأثیرات روحانیه سنی آرتیره جق
اسبابک باشلیجه سی اویت مبارکک شایان احترام بر حالده
طوئل مسیدر ؛ عابدین و زائرینک حسیات احترامنی الک
زیاده دعوت ایده جک شی ایسه سنت سنیة نظافته اعتدادر .
مذهب مالکی ده اولان اهالیء مغرب حنفی المذهب اولان
عثمانیلر قدر مساجد حقنده لازمه نظافته دقت ایتدیورلر .
فرنک متغلبه سنک سلمه السلام بومساجده دخول ایتدکیرینی
کورمکه آلیشدقلرندیمدر ندر بر آدم خاک ناباک ازقه بی
محتوی اولان قوندره سی ایله مسجدلرینی طولاشسه

عربلر ممانعتده بولميورلر. کيم نه ديرسه ديسون اسلام
ايچنده قواعده طهارت مساجده اك زياده اعتبار ايدنلرينه
تكراردر. اوقافك سوء استعمالات فاحشاسي و خدمه
سنك جهل و بيقيديسي ايله برابر استانبول و يابروسه
جامعلرنده كوريلان انتظام و نظافت عرب جامعلرنده
كوريله من. شوراسي ده قیده شاياندرکه زیارت ايتديكم
جزاير جامعلريني مصرک مشهور جامع الازهرندن ده
نظيف و طويلی بر حالد بولدم. ازهره داخل اولديغ
زمان سجده كاهك صول طرفندن چكان اوفق بر حولى ده
كورديكم حصير پارچه لری و سائر پيس سوبريتيلر ايله
بونلر آره سنده كزينن بر كوپك ياوريسي هېچ خاطر مدن
چيقماز.

قسطنطين جامعلرينك اك زياده كوزل كورينن يرلری
ديوارلرنده كي چينيلي قاپلمه لر ايله منبر و محراب جهتهنده كي
ممر طاشلر و دير كلردر. قبارتمه لي خطوط ايله مشكل
كلمات مباركه ده خيلى نظر ربادر. جامع كيرك بومقوله
محاسنى سكتهدار ايدن شى قديم مناره نى حاوى اولان
ديوارك كسيلمسيدر؛ جامع يانندن بر جاده آچدقلى

زمان فرانسر مأمورلری محافظه استقامت طریق ایچون او
دیوار و مناره نى هدمه لزوم حس ایتشلر؛ بر آزدها ایچریدن
یا بیلان یکی دیوار ایسه جامعك هیئت اصلیا سنی طیبی
اخلال ایتش. آچیلان چاده اوزرنده جامع دكل قديم
بر کلیسا بولنسه ایدی آنی دخی توزلی طور اقلی بر جاده نك
كشادی خصوصنده بر عارضه حیدیه فرض ایدرلر میدی
ظن ایلر سکن؟ کوکلیرنه کبریت صوبی دو کولسون، بزده
حالا بر طاقم کیمسه لر واردرکه فرنكلرك حسب التمدن
ناسك حسیات دینه سنه تعرض ایتدکلرندن و آثار صنایع
قدیمه مسلمانلره دكل کیمه عائد اولسه مظاهر صیانتلری
اوله بیله جکندن دم اوردرلر. فکر عاجزانه حجه جامع تخریب
ایتمك و یا کلیسایه قاب ایلیمك مثللو اکثریتله اسلاو
نصارا سنده کوریلان مجاوزات و حششکارانه دن فرانسر لرنده
بری دکلدرلر. جزايرك ضبطی متعاقب ارتکاب ایتدکلری
تعرضات متعصبانه دن بری ده بعض جامعلری کلیسا
یا ملریدر. جامع کیردن چیققدورن صکره مسجودن قاتولیک
معبدینه قلب اولمش بر قاته درالی کورمه که کیتدم. بومعبدك
مجدیده محتاج اولمیان یرلرنده عرب آثار و معماریه سنك
بقیه نى آشکار اولدی کی ایات قرآنیه نى حاوی خطوط ده
مشاهددر.

استطرداد

نتائج غلبه دن اولمق اوزره جامهك كليسايه و كليسانك
جامعه تحويل ايدليكي ازمئه قديمه ده چوق دفعه
كورلمشدر. خريستيانلر اولسون مسلمانلر بولسون
اجرا ايتدكلري بوكي تحويلاتي تاويل صدندنه «بزفان
وفلان معبدى فلان شكه قلب ايتدك امانه خالق رب العالمين
اوغورنده بر عبادتگاه اولمق حالندن چيقارمدق» ديه
بيلورلر. ظاهرده معقول كبي كورينن بو ادها احدها آخرك
حسيات مذهبيه سنى جارج بر تشبى تصويبه كافى دكلدر.
بو بر تجاوزدر كه ابتدا خريستيانلر طرفندن تصدى اولدى.
آيا صوفيه يي جامع يايديغمز دن طولاني حق مزده و حوشاه
انتقاملر بسلين متعصين عيسويه اسپانياده كي معابد مسلمينك
فتح قسطنطينه دن نجه زمان مقدم كليسا ايدليكنى هيچ
خاطره كتور منزلر. بزغلبه مزايامنده آيا صوفيه يي جامع ياپدق
اما خريستيانلره امان ويردك و امتيازات دينيه بخش ايلدك;
خريستيانلر ايسه او معابد مسلمينى خاچ ايله پت ايله طولدير دقدن

صكره اسپانياده اسلامدن اثر براقصامق كبي غدارلقره
قدر وارديلر. اوت. عداوت متقابله اسپانى احداث
ايدنلرينه خريستيانلردر. اوائلده مسلمانلر، اهل كتابدرديه
خريستيانلرك تاليف قلوبنه چاليشورلردى. عربلر دمشق
شامى فتح ايتديكلري زمان بر جامع تدارك ايدنجه يه
قدر (سن ژان) نام بيوك بر كليسانك تصاويردن خالى
بر طرفنده اداى صلاوة ايدورلردى: حتى بونك ايچون
خريستيانلرك رضاسنى آلمغه بيله مناسبت حس ايتمشلردى.
مذكور كليسانى جبراً جامعه قلب ايتكدن مسلمانلرى
او زمانلر كيم منع ايده بيلوردى؟ اهل اسلام سكران
سنه قدر سن ژان كليسا سنده بو وجهله عبادت ايتديلر و فقط
بالاخره خريستيانلرده عبادتگاهى بر قونسر حالنه بكمزتمك
موده سى ظهوره باشلا ديفندن آنلرك الهى تلاوتى يولنده
متصل آتدقلى نعره تغنيه عابدين اسلام تحمل آور
اوله مديلر و دينلرينك ساده ليكى ايله متناسب بر صورت
ساكنانه ده عرض تضرع خالق ايچون بر جامع بولمغه
مجبور اولديلر. زمانمزده بر كليسا جامعه تحويل اولنسه
نصرانيت يا يغيره يي افلا كه چيقارر و اويله بر «وحشت

اسلامیه بی « نه درجه شدتله نقیح ایده جکفی شاشیر؛ فقط تعالی افکار متمدنانه و ترقی حسیات انسانیتکارانه کی خواص رفیعہ بی کندیسندن ماعدا جهانده کیمسہ یه یاقیشدیره میان ینہ اونصرانیت وقتاً بوقت اوکی وحشتلر ارتکابندن چکنمز . هله هربری - تعبیر صواب ایسه - آورو بانک برر ولد زنای سیاسی اولان بلقان دول خرسیتیانه سنک مقامات مبارکة مسلمینہ وقوع بولان تعدیات غلیظله ری تعریبی محال معاملات وحشیہ دندر . « روسیہ اورتودوقس کلیسانک میسیونہ رلکی » عنوانی آلتندہ انگلیزجه تالیف ایتدیکی بر اترده روسیہ نک لوندره سفارتخانه سی راهبی ازمیرنوف جنابلری آورو پای غربی کلیسالرینہ عرض تفاخر ایچون نور نصرانیتک انتشارینہ موسقوفلرک پک چوق همتلری سبق ایتدیکنی یازیور و اونورک اسباب انتشارندن بری اولمق اوزره آسیاده بر چوق جامعلرک تحریب ایدلدیکنی ده کلیشی کوزل بر صورتده اعتراف ایلور . « شجاعت عرض ایدرکن مرد قبطی سرقتن - ویلر » دکلکی

قانه درال دن چیققدن صکره قسطنطین امرای نیم مستقله سندن بولمش اولان صالح بک انشا ایتدیردیکی جامع کیتانی به کیتدم . بونک بناسی خارجدن اوفق و کوستریشسر ظن اولنور؛ فقط زمین قانده حصیر دوشه لی و اولدجه کنیش بر آرالقدن کچلد کدن صکره مرمر باصه مانلی بر مردیوندن یوقاری قانده چیقیلورکه اصل سجده گاه بو اوست قانده در . داخل مسجدده کی حولینک شادروانی ایلہ آنک اوستنی سایه لطاقتنده سترایدن پورتقال آغاجلرینک منظره زرینی ککوکلده او یله بر حس محظوظیت او یاندیردی که اوزون بر مدت بورادن ایلرله مدم . جامعک صلاۃ کاهنده کی دیرکلرک علامات هلالی . منبر و محرابک طرز اعمالی ، لوحه لر ، خطیبه مخصوص اولان یشیل جبه و بنانک هیئت عمومیه سنده کی نظافت عادتاجوامع سلاطین عثمانیہ دن بریسنده بولندیغمی ظن ایتدیر سیوردی . غربی شوراسیدرکه یانمده بولان کنج امام اصلاً ترک اولدیغنی برطور افتخار ایلہ بکا حکایه ایتدی مع مافیہ جزا برده بولان بتون اخفاد عثمانیان کی بوکنچده ترکجه بیل میوردی؛ جزا برده مستعمل عربجه ایسه بنم کی لسان عربی ده ممارسه

تکلمه نیکه سنه لردنبری فرصت بوله مامش بر آدم ایچون
سهیل الفهم بر شیوه ده دکلدر. بناء علیه ترک قومنه منسوب
ایکی مسلمان، جزایری ترک کردن غصب ایدن و جزایر
مسلمانلرینی جبراً تحت تحکمه آلان بر اجنبی ملتک
لساننده یعنی فرانسه زجده مداوله افکار ایتدک.

استدراج

بوجامعه بولنان بر خطبه رساله سنه دقت ایتدم. فقط
ایچنده دعای خلافتی کورده مدم. بونک سببی کشف ایتک
مشکل برشی دکل شویله که: سلطان عبدالعزیز خان
مرحوم زماندنبری مقام - لطنت عنوان خلافتک اجنبی
تابعیتندکی مسلمانلر طرفدن خطبه نرده اوقوتدیرلمسنه
خیلی چالیشدی. حکومات افرنجیه آرمسنده بالخاصه
انکلتزه ایله فرانسه بونک نرقده کی سیاست مسئولیه لری
ایچون مضر اولدیغنی دها ابتدادن حس ایتدیلر و منعی
اسبانه تشبث ایلدیلر. اگر تبعه اجنبیه دن اولان مسلمانلر
بو باده جداً خواهش کوسترمش اولسه لر ایدی نفوذ
خلافتک وسیله خطبه ایله انتشارینی منعده مأمورین

نضاری اوقدر ایلری کیتمز لردی. اهل اسلامک
او خواهشنی تنقیصه سببیت ویرن ینه کندیمزدرد. دنیا ده
یا لکز بیوک بردولت محمدیه قالدی دیه مسلمانلر ممالک
عثمانیه نی بر قبله کاه امید ایتک ایستدیلر؛ فقط ینه عبدالعزیز
خان زماندنبری وعلی الخصوص شوکچن ربیع عصراق
بردورده اعاده عظمت قدیمه مزه حال اقدر تمز اولدیغنی ارا نه
شویله طورسون بیوک آلچاق قلعه استعداد من و ارمش
کبی عالمه یا کمش فکر لر ویره جک حالارده بولندق. سوء
اداره من و فساد مساکمز - ایچمزدن هیچ برنامو سکارک
انکار ایدمه جکی اوزره - رزالتک درک اسفلنه
واردی. مطبوعات اغیار - بالطبع مبالغات غرضکارانه ایله
- مساوی، اداره مزری جهانه یایدی. البته یایار؛ چونکه
« مصائب قوم عند قوم فوائد » مضمونندکی حکمتی یک
اعلا آکلار. بز حقمزده یوما فیوما شایع اولان سوء
ظنلرک خلافتی اثبات ایدر برشی یایه مدق. بالعکس عالمزده
مردار دیدکجه بز اداره مزک مردار لغنی آرتیردق. دیگر
ظرفدن ایسه مسلک سلطنتی طنطه لمغه، دیو آینه سننده
کوسترمه که و بنا برین کندی کندیمزی آو و تمغه دوام

ایلدک. اداره حاضره من اصلاح احوال حقنده کی بونجه
رجاری توصیه لری سمع تلقی یا آمدی و حتی مؤاخذات
شدیده اخذندن ده عاریتمدی. امدی حالات مسروددن
طولای خارجی مسلمانلر یزدن امید کی کسمکه باشدی لر
ومادی ویا معنوی بزه یاردم ایتمکک بیهوده لک کی
وبزدن کندی در دلی ایچون بر خیرکله میه جکی آکلار
اولدی لر. احواله نیچون خطبه لرده نام خلافت عثمانیه بی
اوقوتدیرمه اوغراشسونلر؟ نیچون استحقاق کوسترمک
ایستیمان بر سلطنته ادعیه خالصانه ده بولونسونلر؟

اوت - اورویا مفسدین سیاسیوننک تدابیر مانعه لرینه
رغمأ - جزایرک صاحب اذعان افراد مسلمه سی آرهنده
« دولت معظمه اسلامیة » حقنده برمودت صحیحه
موجوددر. فی الواقع شوصوک سنه لرده ممالک عثمانیه بی
وعلی الخصوص پایتخت سلطنت سنیه بی زیارت ایدن هندلی
ومصرلی مسلمانلر کبی جزایر لیلردن بعض ذوات دخی
مملکت مزده داغدار وجدان حمیت ایتمکده اولان احوال
ناروایی کور مشلر وبوندن ناشی جهان اسلامیتده خلافت
عثمانیه حقنده اظهار ایدیلان علائم حسن مودتک ناهمحل

اولدیغنه قناعت حاصل ایلمشلر. فقط بومقوله آثار یایی
تولید ایدن اسباب عارضیدر وانشالله بر دور تجدد و تیقظک
کشادی ایله زوان بوله بیلور. تبدل دور ایله مشیمه
فلکدن اهل اسلام ایچون بر امید اعتلا تولدی محالاتدن
دکدر. اجانبک بند تابعیتنه کردنداده اولان ارباب ایماندن
صرف نظر بونجه عثمانیلر بیله احوال حاضره دن بسبتون
مأیوس اولمشلر؛ خلافت بوشدر. بودولتدن امید یوقدر
دیهرک بر راه نومیددی یه صاپمشلر. بقای دولتدن امید
یوقش! خیر بز بویه بر فکری قبول ایدمیز. دولتک
امید استقبالی حالا باقیدر؛ فقط اشعه امیددی یاقق
ویا قدقدن صکره ادا مه سنه اوغراشمق ایچون ارلک،
متانت لازم. آثار جیانت و بیقیدی بی ارانه دن ماعدا هیچ
بر ماهیته مالک اولیان اوکی مسرودات فیلسوفانه نک
بطلانی - ابراز اولنه بیله جک ارلک ویا متانت ملیه
ثمر سیله - اثبات ایدیلر بیلور.

خلافت نه دن بوش اولسون؟ اوقوه مبجله ثمر سیله
عصر لردنبری ابقا ایدیلان موجودیت سیاسیة اسلامیه بی
نصل انکار ایتمی؟ عثمانیلق - یدضعای عربده سر نکون

سقوط اولق درجه سته واران — لواء مبجل پیغمبری بی دست امداد احترامکاری به آماش و شمشیر جلادت ایله مدافعه ایتمه مش و بناء علیه خلافت اسلامیة غلبه نصارا ایله ورطه انقراضه معروض قالمش اولسه ایدی بقای استقلال اسلام شیمدی به قدر نصل تأمین ایدیله بیلوردی:

سلطنت عثمانیه نك ادعای خلافتی صحیح دگش! ای معترصین کوته بین! شان اسلامی بو آنه قدر محافظه ایدن عربلر میدر؟ حضرت پیغمبر ایله خلفای راشدینك ارواح مبارکه لری دعوت حقّه مظهر اولدقن صکره چوق کچمدی عربلر فساد و زواله دوشدی و قوتلری قیرلدی؛ معارف اسلامیة نك توسعنه عجمك ذکای قوه اسلامیة نك بقاسنه ترک شمشیر شجاعتی عربك همتدن زیاده مدار اولدی. عاجز قالوبده مفتاح حرمینی برعثمانی سلطاننك یدقدرتنه تودیع ایدنلر عربلر دگلی ایدی؟ او مقدس اماتی شیمدی به قدر محافظه ایدن عثمانیلر در؛ آنلرک استقلالیتی میدانن قالمش اولسه قبر نبوی امدرمانده کی تربّه متمهدی به دوز؛ کعبه معظمه دخی خرستیان میسیونرلرینه مسکن اولور. عثمانیلر جهانك عداوتی مسلمان اولدق لری

ایچوندر. اولیه میسونر واعظلری، خطیلری ایشندک «ترکر مسلمان اولسه ایدیلر شرقك انجیب برقومی بولنورلردی» دیدیلر و مسلمانلق ایله حاشاتم حاشا مفسود الحال اولدیغمزی و بنا برین بقای ملیمزه خاتمّه چکمك منافع مدنیت ایجابندن بولندیقی تلقین افکار اجانب ایدیلر.

§ تحفشی، خلافت عثمانیه غیر صحیح ایش! مرور زمان انسانه برحق صاحبیت بخش ایدر. عثمانیلر اوج یوز بو قدر سنه دنبری لواء محمدینك امینی و حکومت حاضره لرینك بونجه مساویسی ایله برابر حالا حرمین شریفینك محافظی درلر؛ آنلرده کی حق خلافتك صحتنه بوندن دهابیوک نه دلیل بولنه بیلور؟

§ عجایب. شرف خلافت عربك حق ایش! اولیه ایسه بزوادعانی میدان آتالره شونی صورالم: خلافتکه — اساس تشکلی جهتیله جمعیت بشریه ایچنده بیوک برعائله به بکزه یین — امت محمدیه طریق هدایت و سلامتده رهبر اولمغه مأمورد، ایمدی یارو حانی بر مقام عداولنه بیلور یا خود رصورت استثنائی ده سلطنته قیاس ایدیلور. اگر خلافت

روحانی عداولنورسه او حالده پابلغه تشبیه ایدلمش اولور :
 پابلق ایسه صفات رهبانیه بی حائر در . رهبانیتک منشأ
 اصلیمی ازمنه قدیمه جاهلیه ده حکمفرما اولان کاهنلکدن ،
 سحرالقدن عبارت اولدیغنی وقوه خالقه اولان جنب
 واجب الوجود ایله مخلوق مدرك بولنان نوع بشر آره سنده
 هیچ برکروهک توسطنی موهبه عقلک قبول ایله میه جکفی
 بیان حضرت پیغمبر «لارهبانیه فی الاسلام» بیور مشلردر
 بناء علی ذلک مقام خلافت بر مرجع روحانی صایلماز ؛
 او حالده خلافتی سلطنته قیاس ایلمک ضروری کورینور .
 فی الواقع مصالح بشریه نک تنوع جریانی صنوف امت
 محمدک سلطنت واحده یه تبعیتته بر مانع طبیعیدر . نه کیم
 مسلمانلر شیمدی یه قدر مختلف سلطنتلرک ادا وسته تابع
 اولدقلری کی بر مدتبری دخی حکومات خرسیتیانیه نک
 مجبور رعیتی بولتمقده درلر . اما هر حالده یه نفوذ خلافتته
 طولایسیله عرض ربه مطاوعت ایدرلر . (اولیه اما ای
 ترکلر ، سزه وظیفه خلافتی تخصیص ایدن شی نه در ؟ »
 دیه برسؤال ایراد اولنه بیلور . بزده بوکا « طالع عقل
 و قدر در » دیه جواب ویریز و او بابده کی استحقاق ترک

مرور ازمان ایله ثبوت بولدیغنی تکرار ایلرز . « فقط سز
 آیینک تا او بر اوجندن چیقوب کلدیکنز ؛ قوم عرب
 ایله مناسبات جنسیه کنز یوقدر ؛ خلافت ایسه سلاله پیغمبری
 حاوی اولان او قومک حقیدر » دیه بیلورلر و شرح المواقف
 ویا مقاصد بوبابده شویله یازدی یوللی ادعالرده بولنه
 بیلورلر . فقط بویله شیلر هپ سفسطه در . بومسئله بی
 مواقف و مقاصد شرحلری بی و امثالی کتابلری یازان
 مبارک ذاتلر قدر بزده بیلورلر و بعض عرب مؤلفلرینک
 خلافت مسئله سی حقنده هر دیدیکنی عین اصابت عدایده جک
 درجه ده کوته بین دخی دکلز . ایچنده خلافت عربیه بی
 تصدیق ایدراشارت بولندیغنی ایچون حکومت حاضره
 سلطانیه بخاری مثلوا حدیث جموعه لر بی مصادره ایتدیرمش
 ایمش . آه او حکومت حاضره آه ! تشبث ایلدیکی او مقوله
 نا معقول تدبیرلردن متولد بونجه ضررلر میدانده طور کنینه
 متنبه اولمدی . احای مؤلفات واماته ادبیات خصوصلرند
 عادتا مسلک هلا کوی تقلید ایلدی و بی آجی آجی اعتراضلر
 مجبور ایتدی وشاعرك :

تحمل ملکنی بیقدک هلا کو خانمیسک جابر

کلامنه نظیره اوله جق درجه ده فریادلر قویارم قلع مزه
سبب اولدی. نه ایسه بوراسی بحث دیگر. اصل مسئله خلافت
عثمانیه ایدیلن اعتراض واهی بی ابطالدر.

خلافتک سلطنته مقیس اولمسنده کی مجبوری بالاده
ایضاح ایتش ایدک. مادام که وظیفه خلافت سلاله نبی دن
اولان عربلره عائد دیه ادعا اولنیور. او حالده مدعیلره
شونی صورارزکه: انتقال سلطنتده اولاد ذکور کی
یوقسه اولاد انانک می شرعاً حق توارثی بولنور؟ یا لکن
اولاد ذکورک حق توارثی بولنور دیرلر ایسه اوتقدیرده
شوراسی. سؤال ایدرزکه: حضرت پیغمبر اولاد ذکور
براقیدی؟ براقادی ایسه او حالده خلافت نیچون عربله
مختص اوله جق؟ بالفرض اولاد انانک شرعاً وارث عد
ایدلش اولسه وینا برین قادین جهتندن اصللرینک حضرت
پیغمبره اتصالی اولان کیمسه لک خلافتی شرط قوی
بولنسه اصالتی کر چکدن تابی، ذیشان قدر واردره بیله جک
هیچ برکیمسه بولنه بیلور می؟ شبهه سز آسیا و آفریقانک
هر طرفنده حتی عربک غیری اقوام آردسنده بیله
میلیونلرجه کیمسه لر واردرکه نسل نبویدن منشعب

اولدق لری ادعا ایله کوک لری نی فرحاندیر لر. فقط آنلرک
اوبایدن نقل ایدیه جکلری روایته، ابرازایلیه جکلری
شجره نامه لره علی العمیا اعتماد ایدیه جک زمانلر چوقدن
کچدی. شوراسی ده قیده شایاند که «امتی» دیه خطاب
ایلدیکی کافه موحدین آردسنده «بونم قوم مدر» کی اولاد
عربله بروجه رجحانیت ویرمک حضرت محمد علیه الصلاة
والسلام کی عدالت مشخصه اولان برذات پاکک شانندن
دکدر. بور جحانیتک موجودتی حقه ابراد اولنان
دلائل هب بعض عرب مؤلفلرینک قوه محب له لری
محصولاتندن اولدیغندن شرعی نظریله باقمده احتیاط
اولنمیدر.

§ برده خلافتده «انتخاب امت محمد لازمدر» دیورلر.
مبادیء قرن اسلامده بو انتخاب وقوع بولدی اما اوزمانلر
اهمیت خلافت مقامدن زیاده مقیمک شخصنده آرانوردی.
صکره لری ایسه خلیفه نک شخصی مقامنک علویتندن
طولابی واجب الرعایه عداولنه جق وسائل ظهوره کلدی.
شخصک انتخابی ممکن؛ فقط مقامک انتخابی جمهور ناسک
مراعاتندن عبارتدرکه بوده حقیقتده انتخاب دکل بر تصویب

ضمنی در . بر آلائی آوروپا بولتیقه جیلرینک تحریکات
دسیسه کارانه لرینی و بر سوری سوریه سرسرلرینک قوم
عرب نامنه علیهمزده و قو عبولان مغالطه اختلاف کاریلرینی
و خلافت عثمانیه یه قارشو قیام ایدن بر شردمه قلیله نک
اعتراض لرینی بر طرفه براقلم . اهل شیعه یی و مغرب
اقصى خاققیده حسابیه قائمیه لم . هل اسلامک اکثریت
کلیه سی ینه خلافت عثمانیه یه قلباً مربوطدر و دولت عثمانیه
عدل و شان ایله اداره اولنورسه بر مربوطیت الی ماشاء
الله دوام ایلر . بوکا مقابل اهل اسلامک بزدن بکلیه جکی
بر وظیفه مهمه واردرکه اوده امور خلافتی بر طریق
حقانیت و شرفده جریان ایتدیرمکه چالیشمقلغمزدر .
بو وظیفه مزده آرتق قصور ایتمه ملیر چونکه موقعمز
کیتدیکه نازکلیشور و اعدای خلافت حدود حرمین
شریفه یاقاشیور .

§ بو خصوصده بر نقطه دها واردرکه آنک حقنده
بر قاچ سوز سوبلدکن صکره بحث حاضری قاپاته جغم :
روایتیه نظراً سرای هایون حکمداران مستقله اسلامیه
ایله مناسباتده بولنقدن توحش ایدرمش و حکمداران

مشار الیهم حضراتی حقنده - اک اهمیتسز بر فرنک قرالنه
و حتی بر نسنه ببله کوستردیکی اکرام و احترامی دریغ
ایلرمش . بو مناسبتسز لککر آوروپا دولترلرینک اسنانبولده
بول بول صاحب دقلری رشوتلرله چویریان دسائسینک
نتایجنندرکه افرنج راشیلرینک مقصدلری اسلامک و حید
روابط سیاسیه سنه مانع اولمقدر . سلطنت عثمانیه نک بر موقع
تمیزی بولنه بیللمسی سائر حکمداران اسلامیانک تنزیل
قدرتی ایجاب ایدرظن ایلمک قدر منطقه سزاق تصور اولنه ماز .
سرای هایون فاس حکمدارینه «سلطان» لقبی ویرلسنه حدت
ایدیورمش و امیر افغان حضرتلرینک اخیراً اتخاذ
ایلدیکی «حشمتو» معناسنه اولان عنوان افرنجیه یه
دخی رسماً اعتراضده بولنش اما تأسس روابط اسلامیه یی
منع ایله اوغراشان اغیارا جانبک اکمکنه بو وسیله ایاده
بر ایی یاغ سورمش . بو حاللری کورنجه انسان شو
صره ده استانبولده بولنان بعض مشایخ کرام حضراتنک
بر همت مرشدانه لرینه هر وقتدن زیاده لزوم بولندیغی
حسن ایدیورکه بویله بر همت مشار الیهمک عربستانک
تسکین و اصلاحی حقنده ویزه کلدکلی لایحه لردن دها

فائده‌لیدر . زیرا حکومت حمیدیه تدبیر دولت لایحه‌سندن
زیاده عقل نسخه‌سنه محتاج کوریندور .

۶

دور حاکمیت اسلامده تامساندن صکره جزایرک
اک بویوک مرکز معارفی قسطنطین شهری ایدی . بوجهته
شهر مذکورک بویوککی مرتبه معارفندن دخی برازبحث
ایتمک مناسبدر ظن ایلرم .

جانم ، مدارس قدیمیه نه اولمش ؟ معارف اسلامیه
نه دن انقراضه دوشمش ؟ کتب منسوخه فصل اورته‌دن
قالقمش ؟ بومقوله خصوصات انقراضیه‌ده کی اسبابی نه سز
صوریکزنه‌ده بن ایضاحه چالیشه‌یم . کایکیز اسباب انحطاطی
جلوه فلکه اسنادایده‌لم ؛ فلکک حکمتندن ایسه سؤال
اولتماز ایش .

قسطنطینده مدارس قدیمه‌دن هیج بر اثر قالمماقله
برابر کرک یهودیلرک کرک مسلمانلرک برقاچ اوفق مکتبلری
وفر نکار طرفندن آچیلمش بویوکجه بر « لیسسه » واریسه‌ده
هیج بریسی شایان زیارت ظن ایتمدم ؛ آرایه آرایه بر مدرسه

Supérieur Musulman یازیلی ایدی . بونک آلتنده دخی
« مدرسه » اسمی ، فرانسزجه حرفلر ایله ، محرر ایدی .
بومدرسه قسطنطین امراسندن صالح بک مرحومک عائله‌سنه
مخصوص مقبره اتصالنده انشا ایدلمشدر . تربته‌نک حویلیسی
مدرسه‌نک تنفسخانه‌سی خدمتی کورینور . فقط بیاممکه
کوزلرینک اوکنده مقبره کوروب طورمغله طلبه‌دائما
حیاتک فانیلک فی بالخطر سعی وغیرتک بیهوده لکنه
ذاهب اولمازلرمی ؟ مدرسه دروننده بولنان حجره‌لر
سکنایه صالح اولیه‌جق قدر طار یابلمشدر . بوسیله
طلبه‌نک اکثریسی خارجده ساکندر . تحصیلی لایقوله
اکال ایدن طالبدن بعضری نابلک ، معلمک کی خدماتده
استخدام اولنورلرمش .

§ مدرسه‌نک مدیرتی ایله لسان عربک تدریسی برذاتک
عهده‌سنده جمع اولمش ؛ بوذات ایسه طبیعی برفرانسزدر .
« طبیعی » دیورم چونکه براداره‌نک ویابویوک کوچوک
برمؤسسه‌نک آمریتی فر نکار اویله قولای قولای برمسلمانه
قاپدیرمازلر . حکومات اسلامیه‌نک هر درلو خدماته عجزه
وادانی بی قایرملرندن واهل اسلامک بیقیدیسندن استفاده

ایدن فرنکلر هر ایشمزی المزدن آلیورلر و بزى اداره امورہ صلاحیتندن طبعاً عاجز تاقی اتمک قدر وادیورلر. کک فرانسز کک انکلز برخیلی قسمت قووالایچی حریرلر کوردک که شرقه کیشملر. مأموریتلریاقه مشلر، شهرت آملر، یوکلرینی طوتمشملر. مهندس وماکنه جی ومعمار کبی هنرندن استفادۀ مادیه ممکن اولان بر قاجی مستثنا طویتیورسه بوفر نکلرک مسلمانلره پکده باعث تفوق بر صفتلری، کوریلهمز. کذلک مسلماندن برخیلی اصحاب ذکا بیلوروزکه معلومات ومساعی جهتیه اوفر نکلردن هیچده اشاغی اولدقلری وبلکه متانت اخلاق ولازمه خواص انسانیتکارانه جه آنلره متفوق بولندقلری حالده کندی مملکتلرنده بر بالطهیه صاب اولمغه لایق کورولمه مشلر. فرنک مأمورلر بر تدبیر ادا ریده بولنسلر مهارتلی شعشعه لندیریلهرق اعلان اولیور؛ حالبوکه مسلمانلرک اک حیتلی کچینلری بیلہ ایچلرندن یتیشه بیلن او مثللو اصحاب لیاقت ومساعی حقنده اغراض حسودانه یی منسوب اولدقلری قومه خیانتی مؤدی بر درجهیه واردیر یورلر

وبناء علی ذلک مصالح وطنیه لرینک اداره سنی یاقه لمق ایچون فرنک قسمت قووالایچیلرینه وسیله لر ویریورلر. § جزایر مؤتمرنده کوردیکم بعض مسلمانلر اسان وعلوم عربیه ده جداً صاحب کمال اولدقلری کبی فرانسز جه یی ده فرانسز متشرقلرینک بیلدکلری عربجه دن قات قات زیاده بیلورلردی. ایچون بولردن بریسی مذکور مدرسه اسلامیه نک مدیرینه و هیچ دکلسه ادبیات عربیه معلمه کینه لایق کورولماش ؟ ومدرسه نک مدیری فرانسز لر طرفندن بویوکبر «آرابزان» تلقی اولیوردی. بوذاتک درجه تکملانی تعییندن عجزی اعتراف ایدرم. شو قدروکه اک بیوک فرنک مستشرقلرینک بیلہ چوق کره کندیلرینی اوائه جهل تهله کسنندن سترایده مدکلرینی ایجه بیلدیکمدن مدیر مومی الیهک علوم اسلامیه ده کی ید طولاسناک براز مبالغه ایله تلویل ایدلمش اولدیغنه قانم.

§ قسطنطنیه کلان سیاخلر آره سنده عثمانلی کورمکه آیشمدقلرندن اولمق کرکدرکه مدرسه یه کوردیکم زمان هوتمدن خبردار اولان صارقلی نیتیلی شالوارلی برنوسلی برخیلی طلاب اطراف یی آلدی وبونی متعاقب

آره مزده خواهشلی برحاوره باشدی. آکلادیغمه
 کوره لسان و ادبیات عربیه و فقه درسلرندن ماعداحساب،
 تاریخ و جغرافیا کبی شعبات علمدن بعضیاری دخی تدریس
 اولنورمش. جغرافیا و حساب کبی مباحثک فرانسه
 اوله رق تقریر ایدلدیکنده شبهه ایدلمسون؛ چونکه لغت
 ادبی عرب تذلل تامه اوغرا دیغندن مباحث مذ کوره
 اوزره یازلمش کتب جدیده تدارکی طبیعی محالدر. فی الواقع
 طلبه نك همی ده فرانسه جه بی لایقلی بر صورتده بلیورلر.
 بوجه تله تفهم دروس خصوصنده پك ده مصادف صعوبات
 اولیه جقلری مسلمدر. مع مافیه بر طالب علم وهنره
 کندی لسان مادرزادی ايله تعلم البته تسهیلات عظیمه
 بخش ایدر. عربلر بودقیقه بی پك اعلا بیلدکلری حالده
 بر اجنبی لسانی اوزره تدرسه احتیاجدن کندیلرینی تخلیصه
 مقتدر دکلدرلر.

غریبدرکه طلبه دن بریسی همان کینوب ترکیه و عربجه
 بر قواعد لسان رساله سی کتوردی و بر ایکی، اوچ دیه
 اسماء اعدادی او قومغه باشدی. ترکیه او کر نمک ایستیورمش
 اما اوکرده جک بر کیسه بوله میورمش. ظن ایدرم لسانی می

بر مقصد حجر تله او کر نمک ایستیوردی. اوت. ممالک عثمانیه
 هجرت والتجا جزایر لیلر آره سنده ده موجود بر آرزودر.
 فی الواقع آناتولینک منبت و خالی یرلرنده بو کبی مهاجرین
 موروده اسکانی ايله عنصر عثمانیتی تزیید ایتک بر تدبیر
 اهمدر. علی الخصوص پك جوغی صاریشن. بیاض تنلی
 متناسب اندام بولنان وهنوز امراض سقیمه ايله مبنای
 وجودی تخریب ایتمه مش اولان فعال و ذکی « قیل »
 نام جزایر لیلرله امتزاج جنسیت اصلاح عنصر نقطه نظرندن
 عثمانلیلق ایچون فائده دن خالی اوله ماز و بویه مهاجرلرله
 وطنک بوش یرلرینی طولدرمق ترقی وهنرلرندن ایشیده
 ایشیده اوصان دیغمز آلمان مهاجرلرندن بیک فات خیرلیدر.
 چونکه آلمانلرک آسیای عثمانیه کوندرمک ایستدکلری
 خلق حقیقتنده مهاجر دکل بلکه مسئولیدر؛ بر کره
 مملکت مزده کوک صالارلرسه وای حالمزه!

§ بوطلاپدن بریسی ده جینندن مصرده فرانسه
 اوله رق نشر ایدیلان « عرفات » غزته سندن بر نسخه سنی
 چیقاردی و مذکور غزته بی دائما او قویوب استفاده
 ایتدیکنی سویلدی. اوروپا لسانلری اوزره محرر کتب

ورسائل اسلامیه نشرینه طرفدارم حتی کندم ده علی
قدر الحال او یولده بعض خدمت لوده بولندم. شو قدر که
او غزته نك یایدنی وجهله ام اسلامیه نك احوال اجتماعیه
وسیاسیه سندی کی پریشانی حاضری براجنی لسانی اوزره
تشریحك فائده دکل بلکه خطر وزیان تولید ایده جکنه
قائم. اوروپا متمدنلرینه قارشو آغلیوب سیزلقدن و آمان
محو اولیور زدییه فریاددن بر نتیجه چیقار ایسه اوده کندیلرینی
محموز خصوصنده کی تشبثلرنده تشجیع دن عبارت قالور
بومتمدنلرک یورکلری چوقدن قایلاشمش وهله اسلامك
مصائب الیمه سی حقنده کی طویغوسزلقلری، مرحمتسز-
لسکلری شیمدیلر ده اهل صلیب دورلرینه ککندن
زیاده آرتمش. فرنك لسانلری اوزره نشر اولنه حق
مطبوعانده دائما اسلامك محاسنی کوسترمك و نقایصی
تهوین ایتمك وهلال و صلیب مسائلنده مدافعه امر مهمنی
بر مسلک اساسی اتخاذا یلمك مقتضیدر. یأسمزی فرصتجویان
اغیارك چشم ترصدندن سترایدلم و قصور لر مزی کندی
لسانلر مزی اوزره تشریح و تنقید ایلم و واسکی یونانیلرک
بر قولی وجهله کیرلی چاهه شور لر مزی اپجریده بیقایهلم.

مکالمه ابتدائیه دن صکره طلبه بزى آلدی مدرس. معاوننك
یانه کوتوردی. بومعاون صابجه صقاللی خوش چهره لی
بر ذات ایدی. بر نوسنه بورونش اهل اسلامك صاحب علم
وتربیه اولانلرینه مخصوص بروقار ساکنانه ایله پرند
اوطوریوردی. اسممى ایشیدنجه نزا کتله قالقوب
سلاملاشدی. فرانسرجه بیلمدیکی ایچون کندیسيله بك
آزقونیشه بیلدم. بیشقهلرینك ترجمانلغه خواهش
کوستردی. ظن ایدرم بواحتیاطلی ذات بر ترک ایله تعاطی
افکارك فرانسر آمرلرینی خشنود ایتیه جکینی دوشوندی.
کندیسندن مدرسه ده کتبخانه بولنوب بولندیغنی صوردم
اوده بکا چارشو جهتته بر کتبخانه اسلام بولندیغنی خبر
ویردی. مدرسه دن چیقنجه اورایه کیتدم.

§ بو کتبخانه نك بناسی قدیم ایسه ده جمع کتبه باشلانلی
دها چوق زمان کچمه مش اولمق کر کدرکه رافلر همان
کاملأ بوش ایدی. ایچریدکی کتابلر بر قاج یوز جیلدن
زیاده دکلدی؛ بونلرک اکثریسی ده مغرب و مصرک طاش
باصمه سی محصولات قییه سندن ایدی. کتب منسو خه پك
آزیدی؛ بونلرک چوغنی ده نفاست تحریر و نقوش

خطاطان‌دن عاری کورنیوردی . اهمیت مندرجات
وصنعت خطاطانه جهتیله نوادردن عد اولنان کتب
منسوخه چوقدن اورویاه آشیرلمش . پارسده کی « بیلیوتهک
ناسیونال » نام دار الکتب ملیک آثار شرقیه دائره سنی
کورمش اولانلر ممالک اسلامیه دن کتوریلن کتابلرک
مقدار و قیمتلری حقنده البته بر فکر حاصل اتمشلدرد .

اورویا کتبخانه عمومیلرنده کوریلن بونجه آثار منسوخه
اسلامیه یالکز فرانکلرک مزایای فضیلت پرستیلرینه دلالت
ایتمز برده اهل اسلامک محصولات علمیه و صناعیه
اسلافی تقدیر ایدهمیه جک بر موقع غفلت و بیقیدییه
دوشدکلرینی کوسترد . فرانسلر جزایر و تونسده انکلز لر
هندستانده مصرده مال بولمش مغربی کی بوتون کتب
نادره نی قایمشلر . آتی یوز سنه دنبری محافظه موجودیت
سیاسیه اتمش اولان ممالک عثمانیه ده دخی آردسی چوق
کچمز بحال واقع اولور . قدیم کتبخانه لر مزقید سر اغمزدن
ناشی کتب نفیسه دن تجرید ایدلمکده در . چالوب آوروویاه
آشیریلان وقف کتابلرک حسابی یوق . بوندن ماعدا
بوتون ماملکمزه کوز دیکمش اولان آلمانلر کتب نادر ،

مزی ده برر برر چکیورلر . سرای هایون بویغماجی
دوستلره بو خصوصده دخی بول بول هدیله لرایتمکده در .
اوله یاه ، ماکیاولینک « پرنس » نام اثری جیزویت و آنارشیت
تاریخلری و انکلز جه دن مترجم « شهرلوق هولم » کی
ضابطه خفیه و اسرار جنایاته متعلق رومانلر و سائر
بومثللو آتون یالذیزی جلدلرله ییلدیز سراینده محافظه
لایق کتابلر وارکن اوکته آثار اسلافک موجودیتنه نه
احتیاج قالور ؟

§ کتبخانه اسلامدن چیققدن صکره چارشویه کیردم
خیلی تحریدن صکره کتابجیلوق و آتیقه جیلوق ایله
مشغول بر صحاف دکانی بولدم . بوراده دخی مغربی
و مصری برخیلی طاش باصمه سی وار ایدی . آثار عثمانیه
صوردم . یالکز اوفق بر رساله بولدیلرکه اوده مرحوم
غازی عثمان پاشانک معلومات نام غزته مطبعه سی طرفندن
نشر اولمش عربجه بر ترجمه حالی ایدی . بر قاچ ده کتب
منسوخه کوستردیلرکه بونلر آره سنده کوردیکم « الشب
اللامه فی السیاسة النافعه » اثر — که آلتنجی قرن هجری ده

مغرب اقصی رجال حکومتدن بریسی طرفندن تألیف
ایدلشدر — خطی قدیم دکسه ده مندو جاتی مهم اولدیغچون
اشترا ایتدم.

۷

مؤتمر مستشرقین ایچون نفس جزایره کیتمزدن اول
ملحقانک شایان تماشا یرلری زیارت ایلمکه قرار ویرمش
ایدم، زیرا انعقادک ختامندن صکره اعضای مؤتمر ایچون
رسماً ترتیب اولنان سفر تنزهده کی قیودات مشکلاتدن
قاچنمق ایستمش ایدم. قسطنطین زیارتندن صوکره
تامنتهای جنوبده بولنان « بیسقرا » قصبه سنه قدر کیتمک
ده قرارمده داخل ایدی. باشی بوش پاره سی چوق
فرنگلره تبعاً آتلاس طاغلرینک منتهای جنوبیسنده
و صحرای کبیرک بر نقطه شمالیسنده بولنان بو قصبه یه
کیدوب قوملر اوستنده و کونش آلتنده ینتیلیه جک موسم
مرور ایش و انسانی قاووره جق صیجاقلر باشلامش
ایدی. بنا علیه یول آرقداشلرم بیسقرا یه عزیمتدن واز
کچدیلر. بوکا ممنون اولدم؛ زیرا آنلرجه اورایه قدر

کیتمکدن مقصد اصلی چوللرک هوای مصفا سنده مهتاب
و طلوع و غروب کبی لوائج طبیعت تماشاسی اولدیغندن
بو مناظر ذاتاً بنجه مجهولاتدن دکل ایدی. عاقبت یالکیز
یاری یولده بولنان «باطنه» شهرینه قدر کیتمک و اورادن ده
عمریه ایله «یمقاد» خرابه لرینه وارمق قرارینی ویردک.

قسطنطینی ترک ایتزدن اول برکره دها عرب محله
سنده کی چارشویه کیتدم مقصدم صنایع محلیه دن بعض اشیا
تجری واشترا ایدی. تحریاتمده دباغلق و سراجلق دن ماعد
همان هیچ بر یرلی صنعتی قالمامش اولدیغنه قناعت کسب ایندم.
کافه اشیا و ملزمه آوروپادن و خصوصیه فرانسه دن جلب
اونیور. بزم — قدیم بر علامت اسلام ایش کبی
کیم نلرمزی همان تکفیر دره جه سنده بر شدت متعصبانه ایله
تلعین ایتدی کمز — فسار مثللو عربلرک بر نوسلری دخی
آوروپادن کلیور ایش. چارشوده الک مبذول کوریلن شی
انسانلر و حیوانلر ایچون صایلان مأکولاتدر. مأکولات
ذخائر صائان دکانلر دخی غایت پیس بر حالده کورینیور؛
چارشوده کررکن دافع تعفن اوله بیلور امیدیه متصل
صیغاره ایچیوردم. یهودیلر هر ملتدن زیاده طهارتلی اولمق

ادعاسنده بولندقلری حالدہ آنلرک خانہ و دکانلری جوارنده
حس اولنان قوقی انسانک بورتی دوشوره جک برشدتددر.
فقط اصل تأسف اولنه جق شی تغسل و تطهر کبی صحتی
واجتماعی بونجه منافعی جامع اولان خصوصاتده اوامر
وارشادات حکمیة نبویہ یہ مظهر اولان مسلمانلرک امر
نظامفده کی تغافل واهمالریدر. معلوم اولدینی اوزره بو
قیدسزاق یالکز جزایرده دکلدر؛ اسلامک مراکشنده،
مصرنده، سوریه سنده و اناطولیسنده دخی کوریلور.
حکومات اسلامیه دن بوبابده خیر بکنمیه جکی چوقدن
آکلاشیلدی. آنلر قصابات و محلاتی دکل دستور شریعتی
بیله تلویث ایدلمش کورمکدن متأثر اولیورلر؛ دوائر بلدیہ
دیہ آوروپا حکوماتی تقلیداً آچدقلری اداره لر تنظیمات
قصابات و تنظیمات محلات ایله دکل بلکه اختلاسات و سؤ
استعمالات ایله مشغولدرلر. فقط سزه نه اولیور ای
مسلمانلرک بوقدر پیسالکده یشامقدن استکراه ایتیمورسکز
نیچون عزیز جانکزی مولد امراض اولان تلویثاته عرض
ایدیورسکز؛ فرستجویان افرنج سزک تجدد نظامتپرستی
لازمه سنده کی قیدسز لگیزی دخی شریعتکک لوازم

اجتماعیة تمدنه مساعد سز اولدیغنه و تجددی مانع بولندیغنه
عنو ایدیور؛ بومقوله اسنادلر کوجکزه کیتیمورمی؟
سزده هیچ بر حس تیقظ قالمادی می؟ قالدی ایسا نیچون
اصلاحات تنظیمیه اجراسنه جهدا ایتیمورسکز؟
§ چارشوده کر دیکم صرده پیس منظر دلردن و مردار
قو قولردن کولم بولاندی، باشم آغیرمغه باشلادی. ینہ
ایستر ایسته مز فرنگ محله سنده صولوغی آلم و بوراده
دور ازقه ایدرکن امرای سالفه دن احمد بکک سرایی
کوردم که الیوم فرقه عسکریه دائره سیدر. بوسرایک حال
حاضری مربع الشکل ایکی دائره یه منقسمدر. دائرلرک
اورته لری آچیق در. و بو آچیق قلقدہ تفنه لیمون آغاجلری
وار و عادتاً درت جهتی حجره لرله محدود بر مدرسه حولیسنه
مشابهدر. بو آچیق قلغک دیوار طرفلرنده کی کزینتی
محللرینک چینی قابلامه لری و مرمر دیرکلریله اوطه لره
آچیلان قابولرک ظریف ایشلمه لی تختہ لری مزینات
معماریه دن آکلایانلر ایچون کر چکدن موجب تماشادر.
دیوارلرک قسم سفلیسی چینیلی اولدینی کبی قسم بالایی ده
استانبول. شام، قاهره کبی بلاد مشهوره نک اوافق

قطعه کرده شکالربنی حاویدر . فقط بو شکلبرده نه تشبیه
حقیقی خاصه سی وارنده نقاست صنعت ؛ دهاطوغریسی
اسکی زمانلردن قالمه عثمانی اولرینک دیوارلرنده کوریلان
سرویلی چنزار نقشلری قدر قبادر .

§ سرائیک قابوچیسی بنی کزذیرکن بنانک تزینات
معماریسنک و قتیله جزایر داییلری الارینه دوشن
آوروپالی اسرا طرفندن اجرا ایدیلدیکنی سویلدی .
تحفدرکه جزایرده موجود اولان کافه آثار اسلامیهنک
مهارت انشائیهنی منسوب اولدقلری ملتله تخصیص
ایتمکده فرانسزلر ایله ایتالیانلر بر دورلو اوزلاشه میورلر .
بو بایده بر نقطه مهمهدها واریسهده بونی بو مدعیلردن
هیچ بریسی قالمق ایسته میور ؛ بو نقطه ده دخی :
تربیات انشائیهنی وجوده کتورن ، اهل هنردن نصل
استفاده ایدیله جکنی بیان او متین ققالی اسکی ترکلردر .
بو کون باشمده فس یوق ایدی . باشمده بر سیاحت
تاکیه سی بولمنسندن طولای دلیل بنی آوروپالی بر زائر
ظن ایتدی . بناء علیه عقل و منطقه مخالف مبالغه لریله
برابر فنکر طرفندن اینانیلان و تمایلات ^۱ . هابیحویانه لری

افهام ایدر بر ذوق استهزا کارانه ایله استماع اولنان شو
معهود حرم حکایه لرندن برینی نقله باشلادی ؛ شویله که :
فرانسزلر قسطنطنینی ضبط ایتدکلی زمان سرایده
اوج یوز قدر عورت وارمش . فرانسزلر بو بدبخت
قاریلری آزاد ایتمشلر ! انعام حریت پرستی لری مزداد
اولسون ! ذاتاً فرانسزلرک عورتلره هر درلو حریت
بخش ایتمکده سائر ملتله تفوقی قابل انکار دکلدر .
شو قدرکه وجدان حقیقی جرح ایدن شو چپرکن حرم
ماصالارینی صبر ایله ، آغر قانلیلق ایله دیکلمک بجه پک
مشکلدر ؛ هر نه ایسه اوبابده کی اراجیف غلیظه نک
حدوثنه سبب اولانلری ینه اسلام آره سنده آرامیلدر .
متغیلین امرای اسلامک ابتلای شهوات حیوانیه ایله شرع
واخلاقه مخالف و معاشرت حقیقه عائله نی مغایر بر صورتده
سرایلرینه عورت طولدیرملری ایشته بویله حسیات اهل
حقیقی جارح روایات ترتیبه اغیاو افرنجی تشویق ایدیور .
هر زائر کی بکا دخی نقل اولنان بو حرم حکایه سی جانمی
صیقلدی و و قتیله عثمانلی قومنه منسوب بر بکت یابدیردی
بو سرایده فرانسز ضابطلرینک اوطوروب یان کلری

کوکله کوچ کلدی . فی الاصل عثمانیلره عائد سرائلرده؛
قلعهلرده اجنبی مستولیلرینک اقامتی کورمک مسجده
ط . . . ز کورمش قدر ضدیعه کیدن بر حالدر .

§ ایشته بویهجه حدت وحزندن مرکب حسیات ایله
معذب اولدیغم حالده اوتله عودت ایتدیکم زمان قیافتندن
ایسز، صاپسز اولدینی آکلاشیلان بر عرب یانمه صوقولدی
ویواشجه بکا برا کلهجه محلی توصیه ایتدی که بوراده کنج
عرب قیزلری کوبک آتارلارایمش . نه حکمته مبنی ایسه
شو آنده بر اجنبی لساننده بر طلاق فوق العاده ایله سوز
سویلر اولدم . حریفه ایجه بر چیقشدم . « بن بر ترکم ،
مسلمانلر آردسند اخلاقمزلی تشویق اتمک المدن کلز »
دیه باغرنجه حریف شاشیردی . براز اوزرینه طوغری
ایلرولدیکی کورنجه اوتلك مردیونلرینه طوغری طبانی
قالدیردی ، بن ده اقشام طعامی یدکدن صکره ایرتسی
کون علی الصباح شو مفسود الحال بلدهدن خیرلیسی
ایله قاجق اوزره اشیای طویلادم .

ایرتسی صباح بر قاج آرقداش ایله « باطنه » به متوجهاً
حرکت ایلدک . باطنه قصبه سی قسطنطنیه ۱۱۸ کیلومترو



قدر مسافه سی اولان بر جهت جنوبی ده کائندر . نومسافه یی
قطار درت ساعتده قطع ایدیور . یول اوزرند آوروپالی
متوطنلره مسکون برایی کویدن ماعدا خاقی طویایجه
بر محل کورولمز . اوتیه برویه سرپایمش ایکی کلبه ویواچ
چادیره ایسه البته کوی تعیر اولنه ماز . بیرتق بز و چووال
پارچهلریله ملبس اولان و حیاتلری چوبانلق ، ورنجیرلکدن
عبارت بولنان بو عربلری — آنریقادهدیشدار تمدن اولان
فرنکلرک اک قبادایسی کچینن — فرانسزلر نهدن ایسه
حالا عالم بدویتدن قورتار مامشله . بدیدرکه انسانلر آز
چوق طویلی بر حالده یشایه مازلرسه اسباب رفاهی تأمین
ایده جک صنعت و حراثت کبی شیلردن بی نصیب قالورلر ؛
نه قولایقله دین و اخلاق وظائفی اوکره نه جک واسطه لر
بوله بیلور نه ده لوازم ترقی یی تلقین ایده جک بر محل تعلمه
مالک اوله بیلورلر . عجبا عربلرک اکثرینسک بومقوله
اسباب تعلم و ترقی ایله حال بدویتدن جیقمالری و بناء علیه
تزیید نفوس و قدرتی موجب اوله جق و سائطه مالک
بولملری فرانسه نك بقای حاکمیتی و فرنک عنصرینک
دها زیاده کوك صلمسی ایچون مضرمی عداولنیور؟

§ باطنایه وارد یغمز زمان اولجه کندیسنه تلغراف
چکدیکمز تیمغاد اوتانک صاحبی تیموریولی موقفه بزم
ایچون برلاندو عربیه سی کوندرمش ایدی . بناء علیه
باطناده اوکله طعانی ایتدکدن صکره مذکور لاندویه
راکباً و تیمغاده متوجهاً همان یوله حیققدق . باطناده برمدت
اوطورمغه دکر هیچ بر موقع تماشا یوقدر . آلتی بیسک
قدر تخمین اولنان اها لیسنک قسم اعظمی فرنک متوطنی
و بونک ده بر چوغی عسکری طاقی در . بو موقع سوق الحیش
عد اولندیغندن شهرده بر خیلی عسکر اقامه ایدیایور .
ذاتاً جزایرده بویوک کوچوک هیچ بر شهر یوقدر که
عسکر لرله دولدرلش اولماسون . ایشته اهل تمدنک نیچه
سفسطه ابله فریبانه ایله تفایدایده کلدکبری « اداره
عادلانه » نک مسلمانلرجه نه درجه به قدر مقبول اولدیغنه
بوده بر نمونه در . جبراً ادخال ایدیلن واهالی مغلوبه جه
هیچده مقبوله کچمین بر حاکمیت یالکیز قیلیچ ایله ادامه
اولنه بیلیور دیمکدر .

§ رومالیلرک دخی شمیدیکی باطنه شهری جوارنده
« لامبه سیوس » اسمنده بر بلده عسکر یلری وارمش که

الیوم بونک خرابه لری اوزرنده حفریات اجرا اولمقده در .
« تراژان » نام ایمره طور زماننده تأسیس ایدیلان « تیمغاد »
تجاری و ملکی بر بلده اولدیغی حالده « لامبه سیوس » ده
یالکیز روم محافلری ساکن اولورلر مش و سحر اجهتندن
غنیمت و غارات اجرایی مقصدیله تیمغاده و سائره یه طوغری
لشکر عرمرم کی آره صره هجوم ایدن قبایل بدویه
جنوبیه یی بو محافظلر کیری یه پوسکور تمکله اوغرا شیرلر مش .
§ باطنه دن تیمغاد خرابه لرینه درت ساعتده وارده بیلدک .
یولار ایچه منتظم اولدیغندن اوتوموبیل کتوره بیانلر
بویاکی موقع آرمه سنده خیلی صفالی بر سفر یاییورلر .
« اوراس » طاغلرینک انعکاس ضیاء شمس ایله پارلایان
قارلی تپه لری ساعتلرجه بعدی اولان مسافه لر دن کوریلور .
حتی خرابه لر بیله یولک کچدیکی واسع اووانرک پک اوزاق
بر نقطه سندن کورنمکه باشلار ؛ اوله برشکلده کورنمکه
باشلار که هیچ بر احترام انسانیت کارانه به مظهر اوله میان
اسلاف عثمانیان قبرستانی ظن اولنور .

خرابه لر جوارنده یالکیز اوفق بر اوتل واکا متصل
بر بقال دکانی ایله برده آخور وارد در . پارمقلقلرله چویریان

خرابه مبادیسنده دخی حفريات مأمورينك خانه سيلاه
موزه خانه موجوددر. حفريات ايشلرنده جبرأچلشديريلن
عرب محبوسلرينه مخصوص وسواری آخورينه مشابه
اولان سکننايسه براز اوزاقده ياپلمشدر. حريفلر
بکجیلرينه غلبه ايدوبده برکزه بوشانسالر وای اوزمان
اوتلده بولنه حق سياحلرک حالته! تیمغاده واردیغمز کون
خرابه لرك يالکز اوفق بر قسمی کوره بیلدک. زیرا
وصولزدن بر مدت صکره قراکلی چوکدی. کيجه نی
بولطیف هوالی ولکن هجری موقعده کچوردکدن
صکره فرداسی صباح هر طرفی طولاشمغه قویولدق.

فرانسزلرک تیمغاده «آفریقا پومپهئی» سی دیملری
پکده مجلسزدکدر. دیکلی طاشلر، طاق ظفرلر، ابری
قالدیرمی منتظم یولار، حاملر، تیاترو، بیوک اولر، درس
عمومی محلی ویا موقع خطابت الحاصل شهر قدیم خرابه سنک
هیئت مجموعه سی حقیقه شایان حیرتدر و اوقوجه رومالیرک
آثار فعالیت وصناعتلری آفریقا اچرولرنده بیله ابراز
ایتدکارینه مثال مجسمدر. تیمغاد خرابه لری حقه ده ایکی
فرانسز بر رساله یازمشلر؛ مناسبت آلسه ایدی بونک بعض

محللری بوریاه نقل ایدردم. چونکه ماسبق اعمال انسان
وماجرای احوال ازمان حقنده فکر بشری عمق تخیلاته
طالدره جق حکایانددر. موزه خانه ده حفريات ایله بولنان
قیمتلی قیمتسز کافه اشیای منقوله کمال اهتمام وانتظام ایله
محافظه اولنیور. اوله ممالک عثمانیه ده بولنان آثار واشیای
عتیقه کی قولایجه خارجه آشیریلیور. هر بولنان شیئی
پایتخته کوندرمک موده سی ده یوقدر. زوار مأذونیتله
موزه خانه کیره بیلور. دخولیه فلان ایسته نیلمز ذاتا
زاوری رسماً اوله بر تصدغه مجبور ایتمک اسکی سرایده کی
موزه خانه هایونه مخصوص کی بر حالدر. شرفی بیلن
دولر اکتساب معلومات ایتمک ایسته بیلر ایچون اویولده
قبودات ومکلفات تصعیه وضع ایتزلر.

§ «استیلای اسلامک آثار تخریبانه سندن» صکره
بوقدر انشآت قدیمه بقایاسی بولنه بیلنمنسه آوروپازواری
تعجب ایدیورلر. حالبوکه بوتعجیلری ده سوء ظن
مذهبدن متولد خطایای تاریخیه اثر بدر. آفریقاده آثار
عتیقه فتوحات اسلامیه دن اول «واندالر» طرفندن
تخریبات عظیمه یه اوغرادی. بو وحشی خاق رومالیرلی

قووالیوب در کما ایچون آفریقاه قدر کیتدیله و اوکلرینه کلن روما آثارینی ییقبوب بوزدیله. تخریباته دائر محاکمه یه کیریشجه فرنکلرک خاطرینه بونقطه تاریخیه نهدن ایسه هیچ کلز و محاکمه لرینی یالکمز استیلای اسلام نتایجی حقنده کی فرضیات اوزرینه یورودیله. یقین وقتله کلنجه یه قدر آوروپا نصارای متمدنه سی تخریب آثار قدیمه خصوصنده مسلمانله رحمت اوقوتدیله. بوکون آسیای صغرا ده کوریلن آثار عتیقه — ایتالیا مستتا اولمق اوزره — اکثر بلاد نصاراده کی مبانی قدیمه دن ده آذ تخریب کومشدر.

تیغاد خرابه لرندن حرکت مزک ایکنجی کونی نفس جزایره واردم. کرک قطار دیکشدر دیکم مواقفه کرک بونجه ساعتله داوم ایدن سفرم ائسانده موجب مطالعه اوله جق خاطرله قید ایتدم. ذاتاً پکده قیده شایان بر شی کورمدم. شو قدر وارکه نفس جزایره طوغری ایله ولدکجه مواقع ارضیه نک درجه درجه تزايد ایدن

محسنت طبعه و آثار انباتیه سی جداً ذکره شایسته بر حالده ایدی. کاشکی اسکی ترکر او یورولمق بیلمز قوه جهدیله لرینی آوروپا ایچریلرینه ایله و لمکه حصر ایتیبوده عنصر اسلام ایله ملو اولان آفریقا شمالینک بو جهتلرینه تخصیص ایلسه لردی! اعصار اخیرده نصرانیت غلبه چالیدی ده آوروپا ده هر قاریشنه بدل بر بکیت شهید ویردیکمز طوپراقلری المزدن یواش یواش آلدی: اورالده جامع، مکتب، چشمه، عمارتخانه، یول، منزلخانه و سائر کی اسلاف مزک یادیغی هر شیئی ییقدی: مسلمانلردن برکیمسه، مسلمان آنارندن بر شی بر اقدی. برده دیرلرکه ترکر فتح ایتدکری بو بلاد ده عصرلرجه اوطوردقلری حالده بر شی یایما مشلر! نه بیوک بر افترا! اعمار بلاد قضیه مهمه سی اسکی عثمانیلر هر کیتدکری برده اخص وظائف عدا ایدرلردی. لکن نیچون اوقوجه حریفلر خزائن فعالیتلرینی عنصر عثمانینک دیار اهل حربده کولکشدرلمسی اوغرنده صرف ایتدیله ده هر طرفی مسلمانله ساکن اولان آفریقانک بو هوادار، منبت و معتدل اقلیمینی یالکمز بر آوج جنکاور رئیس البحرلرک

داییلرک ، عزبلرک و قول اوغللرینک عهده سنه براقیدیلر
آ کلایه مم . لسانمز عادآمز و عنصرمز آناتولی ده اولدینی
کی بورالرده دخی اساسلی بر صورتده انتشار ایلردی .
جزایر خلقنی بستیون عرب جنسندن ظن ایلمک و جزایری
مصره ویا عربستانه قیاس ایلمک خطادر . نه اصل
مصریلر بشقه بر قومه مزج و قلب اولنه بیلور نه ده
عربلر بشقه بر خلقه بکرتدیرله بیلور . اوایکی قومک
جنسلری نوعلرینه منحصردر . فقط ترکلر ایله جزایر-
لیلر آردسنده بر چوق نقاط متشابهه مشهود در . نه ایسه
بز بوراده بو خطایای اسلافی چوق قاریشد بر میه لم .
بیوکلک لریله برابر آنلرده تأملات دقیقه سیاسییه پک بیوک
استعداد یوق ایدی .

§ جزایر شهرینه تقرب ایتدکجه معموریت و مزو عیت
علائمی آرتیور . فرانسه زلر بو جهتلره خیلی متوطن
طولیدر مشلر ، مسلمانلری بو جهاتدن پوسکوردمشلر
واراضی نی کندی جنسلرینه تخصیص ایلمشلر . شورا-
سی ده ذکره شایاندرکه فرانسه زلردن جزایره کیدوب
یرلشه جکلر ایچون تسهیلات و تشویقات اجرا اولنه کیکده در

دیگر طرفندن ایسه فرانسه — پروسیا محاربه سنی متعاقب
وقوعبولان قیامک باصدیرلمسی اوزرینه املاک و اراضی
مسلمه نك اوج یوز بیک هه کتسار قدر بر قسم مهمی
مصادره اولنمشدر . بو سببله آوروپالی مهاجر و سائط
ترقی و رفاهه مالکدر و هر درلو و سائطدن محروم اولان
مسلمانلر ایسه بو جهتلردن قانقمشلر قاله بیلنلری ده
فرنکارک خدمتکارلری منزله سنه اینشلر .

§ جزایر شهرینه واصل اولدیغ زمان کندی می فرانسه
ده ظن ایندم . چونکه هر شیء فرانسه زلشمس بولدم .
فسلی ، صارقلی حمالار و یاسائر خدمتکارلرده اولسه
انسانه آفریقاده بولندیغنی آ کدیرر بر حال کورنمز .
موقفدن چیقدقدن صکره اوتل عربیه سنه یینه رک و شهر
اورته سندن کچه رک طوغریجه Mustafa Supérieur . چقدم
اوطوردیغ اوتل بو مصطفای بالا جهته ده ایدی .
شهردن خیلی مسافه ده و یوکسک تبه لرده بولنان مصطفای
بالاده دکره متوجه بر خیلی صیفیلر واردرکه بعضیلری
وقتیله مسلمان اعیانه ، ترک رئیس لرینه اقامتگاه اولمش .
حتی مصطفی اسمنی بیله بو جهتلره ویرن مشهور

دایلدن مصطفی رئیس در . والینک اقامت ایتدیکی یاز
سرای دخی بوراده در .

§ وصولک فرداسی کونی شهره ایندم . بوراده اک
اول کورمک ایستدیکم شی نه اولدی ظن ایدرسکز ؟
ایلك ایشم آثار اسلاف آرامق اولدی ! ارباب استیلای
افرنج بو آناری بیقمشدر ، یاقشدر ، یک آز بر قسمی
براقشدر ؛ کیت کیده آنی ده احما ایده جکار . حتی بن
بوراده ایکن اسکی سورلردن قالان بعض کمرلری ییقبوب
عظمتلی بحرانلر کچورمش بیوک بیوک طاشلرینی کسیونلردی
آنلری آپارتمان انشاسنده قوللانیورلر ایش . منقول
ویا غیر منقول نرده بر اثر اسلاف کورسهم بالطبع
مشاهده سیله روحم ذوقیاب اولور ؛ زیرا آثار اسلافی
تجیل ایتمک قدرشناسلغک خواض بر کزیده سندن
اولدیفنه و تجیل اسلافدن هر نه وجه ایله اولورسه اولسون
اغفال معاصرین نتیجه سی استدلال ایلمکک بر خطا
ایدوکنه قائلیم . هم بز ترکر اولیه شانلی ، عظمتلی اسلافه
مالکزه آنلرک آثارینی لایقینه تبیع ایتمک و مهمما ممکن
اثرلرینه اقتفا ایلمک شو صوک زمانلرده دوشدیکمز

ورطه ذلیله تدنیدن خلاصمز ایچون روحزه بخش حس
غیرت ایده بیلور . واسلافک کوستردیکی بونجه خارقه
فعالیت و متانت حقنده اعمال فکر ایلمک اویوشمش
قلمش اولان حسیات ملیه مزده شراره ابتباه حصوله کتورر .
§ آثار عثمانیه نک بقایاسی لیمان جهتمده بولنیور .
اوراده بولنان تیمور قابلی قلمه قابوسی ، برجلر ، کمرلر ،
چشمه و چشمه نک بالاسنده کی نفربه تاریخیه ، باقدجه
انسانک فکری فرحلی . انبساطلی تأملاتله طولدیریورر .
بوعتیق مرصاده بولندیغ زمان ذهنمی ایلك اشغال ایدن
شی قوجه خیر الدین ایله برادر اکبری بابا اوروجک
سوابق جلادتلری خاطره سی ایدی . بو مجاهد مدیرلره
« قورصان » تعیر ایتمکله بیوک بر قدر ناشناسی ده
بولنیورر . اصل قورصانلری دکز خرسزلرینی
— بحریون اسلامیه نک سر فرازی اولان بو مجاهدلره
« قورصان » نامی طاقان — فرنکر آره سنده آرامالیدر .
عربلرک سیلاب انقراض اوکنده سوریلوب کیتدکری
زمانلرده فرنک بحریونی جزائر و سواحل اسلامیه
هجوم ایدیورلر ؛ یاقیورلر ، ییقیورلر ، مسلمنانلری
یاقتل ویا مجبور تنصرو یا خود ربط بند اسارت ایلدیورلردی .

— بعض فرنك مورخلرينك يانه ياقيله ذكر ايلدكاري
وجهله — اعتلاي خرسيتاينتك آفريقاي شالي ده حكمفرما
اولمغه باشلديني زمانلر اولور عثمانلي رئيسلري ميدانه
چيقديلر و آفريقاي شالي ده تحكم نصراينتك تاسسني اوچ
يوزسنه قدر آليقويه جق و سائي استحضار ايلديلر .
بر كره جزاير ليمانك مظفريات سابقه بجهريه مزه خليج
استانبول قدر خدمت ايلديكني تصور ايتدم ، برده شو
صوك دورلرده قوه بجهريه مزك بعض آمال دنائتكارانه ايله
محو تامة اوغرا دلديغي دوشندم . كندى كنديه « وقتيله
نه ايدك شيمدى نه حاله كيرمشز » ديمكه باشلادم . بز
يالكلر اسكي بولنديغمز مقامدن دوشمكله قالمامشز بللكه
احوال سابقه مزى ادراك ايله ميه جك قدر طريق نادانيه
صايتمشز . بو كون مواقع سابقه ظفر مزك اسملريني بيله
بيلنلر مز آذر . مثلاً اينه بختي جنككنك تاريخ بجهريه مز جه
اولان اهميتي معلوم اولديني حالده اينه بختينك نره سي
اولديغي بيله مزده آنك حقننده برشي يازمغه و يا بر
راي بيان ايامكه يلتنديكمز زمان « له پت » اسم افرنجيسي
استعماله محتاج قالوروز .

§ بو مرساي قديم ده طاشلر اوزرينه محكوك ايكي
تاريخ منظوم كوردم بونلردن چشمه اوزرنده بولناني پك
اسكيمش و عاتا چوق يري اوقونميه جق بر حاله كلش .
ديكري ايسه فرانسزلرك استيلاسنندن براز زمان مقدم
حسين پاشا نام ذات طرفندن ياديريلان بعض تعميرات
خاطره اولمق اوزره نظم و حك ايتديرلمشدر . بو حسين
پاشا جزايرك صوك بكلر بكيدر . خيلي آثار وجوده
كتورمش بر صاحب غيرت اولملي كه موزه خانه ده بولنان
احجار محكوكه تاريخيه مياننده كندى نامنه منسوب
برخيلي يازيلي طاشلر بولنيور . بيانه لزوم اولمديغي اوزره
بوتاريخي يازيلي طاشلر فرانسزلر طرفندن تخریب ايدلمش
اولان مباني عثمانيه دن چيقارلمشدر . قصبه نك تايوقاريسنده
و قلعه قابوسي خارجنده بيك تاريخ هجري سنده بربارونخانه
انشا ايدلمش . مرور زمان ايله مشرف خرب اولان بو
بارونخانه ده تركجه ابيات تاريخيه بولنديغي اوكرندم . ذاتاً
آثار اسلاف عثمانياندن اولان بو قلعه يي كورمك دخی لازم
اولديغندن ليماندن عودتله بالاي قصبه يه كيدن الكتريق
ترامواينه بيندم و طوغريجه قلعه يه چيقدم . مذكور

بارونخانهك يوكسك قابوسنك بالاسنده مرمره محكوك
 تركيه بر منظومه تاريخيه وارسهده يازيسي اوراق و مساقه
 سى كوزك سيچهميه جكي قدر اوزا قدر . فقط ۱۲۳۰
 سنه سنده ينالك تعميرى مشعر ديواره وضع اولنان
 تاريخى زورله اوقويه بيليم شويله باشليور : -
 شادمان اولسون جزائر شليك ايتسون مدام
 حمد لله بولدى بارونخانه سى شمدى نظام
 حسد داننده بو الزم اولديغندن جمله دن
 طرز نو ايجاد اولوب شاننه اولدى اهتمام
 غازى بككر باروتندن طولديروب تفهنگرى
 آتاك اول كفاره قارشى آلك آندن انتقام
 بو يتك باقىسى قىله زمين مقال مساعد دكلدر .
 بارونخانهك حد داننده بالمله مهام مصالحدن الزم اولدينى
 ايمايديليور نه قدر طوغرى بر ملاحظه ! چونكه
 تعرضدن مصون اوله رق ياشامق . چالشمق و ترقايمك
 ايچون مصونى وجوده كتوره جك اسبابك تهيه سى
 هرشيدن الزمدر . بناء عليه حيتلى اولان بى رولى امر :

حاضر اول جنكه اكر ايسير ايسهك صلح و صلاح
 بو مثل ايله بولور جمله دول فور و فلاح

كلامى هيچ بر وقت نظردن دور ايتمه مليدر . قداما :
 Si vis pacem, para bellum « صلحه نائليت ايسترسهك
 حرب ايچون ميا اول » حكمة العوامى وطن و ملت لر ينك
 منفعت عامه سنى نظر اهتمامه آلهرق ايراد ايلديلر .
 Après moi le déluge. ديهرك سلامت استقبال وطنى
 دوشونميو بده هر دورلو تقيدى يالكز محافظه شخصيه لر ينه
 حصر ايدن خود كاملره معاصر ين نفرت و اخلاف لغت
 ياغديرر . وطنك تا انتهاى اقسامنده كى نقاطك اسباب محافظه
 سنى تهيه ايلمكى الزم لوازم عد ايدن اسلاف قالقسه لر ده
 پايتخت دولت عثمانيهك قابولرى مثابه سنده اولان بوغازلر
 حالى كورسه لر نه ديرلر ايدى ؟ حكومت حاضره « بوتمكين »
 نام موسقوف زرهليسك اختلالندن و بوغاز ايچنه كله بيله
 جكندن قورقندى ده على العجله بوغاز ايچى استحكاملرينه
 برقاق طوپ ايله همان برقاق ده كوله كوندرمك ايستدى .
 حكومتك باباسى طوتمش زنجى قاويسى كى بردن بره
 كوسترديكى بوتلاشى غافل خلق برغريت حيتپورانه يه
 حمل ايدى بيلور . فقط تاريخ اوتلاشى دخى محافظه مملكت
 امر اهمنده بو آنه قدر قصدا اهمال كوسترمش اولديغنه

دلیل طوتار ویناء علیه افعال خائنه قیلندن اوله رق
ذکر ایئر.

§ جزایر باروتخانه سی اصلاح و تعمیر ایتدیرن ذات
آماسیه لی حاجی علی پاشا ایمش. قاموس الاعلام
«سید علی پاشا» عنوانی آلتندده ذکر ایلدیکی ذات
بو آماسیه لی علی پاشا اولسه کر کدر. فقط سامی بک مرحوم
کندیسی آماسیه لی دکل زعفران بولیلی اوله رق ذکر
ایلیور. علی پاشا قبودانه هایون یاپلیدی زمان قلعه
سلطانیه اوکارینه کلن انکلز تکنه لریله جنک ایدرک
کوستردیکی شجاعتر ایله سلطان سلیم ثالث حضرتلیری
بک محظوظ ایمش و هیچ شبهه ایدیله مزکه انکلز لرده
خاقان مشارالیهک اویله کوز داغی ایله قورقار، کورولتییه
پابوش براقور، قوری تهدیدلر اوزرینه حدود ممالیکی
تسلیم ایدر بادشاهلردن اولمیدیغنی انهام ایلمشدر.

باروتخانه یی خارجدن تمانا ایتدکن صکره قلعه یه
کیردمدم. چونکه وقت عشا یاقلا قشمش و مصطفای
بالایه عودت ایسه خیلی اوزون بر مسافه قطعنه محتاج
بولنش ایدی. فرداسی صبح شهره کلدیکم زمان ایکی

انکلز آرقداش ایله برلکده تکرار قلعه طرفنه حیقدم.
قلعه کمرندن مرور ایلدیکمز صرده ایدی که بوجو اوده
کثرته کزیمکده اولان فرانسز زواف نفرلرندن
برسی یانمز طوغری صوقولدی و عسکری برطرزده
سلامدن صوکره ایستر ایسهک قلعه یی کزیمکده بزه
دلالت ایده جکئی نزا کتله آکلادی. نفرک تربیه سی،
معلوماتی بک یولنده ایدی. ذاتا عموم اهالی ایچون قرعه
عسکریه موجود اولیان انکلتره دن ماعدا آوروپا بلاد
معظمه سنک اردولرنده بویله معلوماتی نفرلر چوق کره
تصادف اولندیغنی بیلیوردم. فقط بزه دلیللکئی عرض
ایدن نفر انکلز جه، آلمانجه وایتالیا نجه دخی قونوشیوردی
همده بولسانلری سلاستله سویلدیکی آشکار ایدی. بوندن
پیدای وسوسه ایدوب کرک آرقداشارم کرک بنطبیعی
نفرله احتیاط اوزره قونوشمغه باشلادق؛ بو احتیاط ایسه
هیئت عسکریه طرفندن زوار اجنبیه نک مسافرلرندن
بولندیغمز سببیه مناسبتسزجه اداره کلام ایلمکدن خوفاً
ایدی. یوقسه اجنبی بولندیغمز، بر مقصد خسی ایله
کزمدیکمز حالمزدن عیاناً بللی ایدی. فرانسز تبعه سندن

بولمش اولسهق وياشبهه لی براجنبی صورتنده قلعه
واستحکامات جوارنده کزسهک بيله برتهلکه آنی به
معروض اولمازدق یا. اویله شبهه لندکری آدمیری
یاقه پاچه طویارلیوب تحقیر و تعذیب ایلله همان باب ضبطیه
ویا بشیکطاش قره غولنه طیقماق و « سنی کیدی دین و دولت
خائی، پادشاه دشمنی » دهرک پالدر کولدر صویا آتمق
منللو وحشتلر بودورده بزم مملکتدن ماعدا دنیانک
هیچ بریرنده کورولمور.

§ نفر بزی آلدی. قلعه نك تا ایچرلرینه کوتوردی
هر شیئی تعریفه باشلادی که تعریفاتی آرقداشلمدن
زیاده بنی مستفید ایلوردی. زیرا بو قلعه دخی و قتیله
ترکلرک مالی ایدی. نفر بنم ترک اولدیغمی بیلیموردی.
بور جلره چیققدق. او حکایه لرنده دوام ایلور بنده و قتیله
بورالره صیغینه رق بحر سفیدی تحت تهدیده بولندیرمش
اولان اسلافک افعالی حقنده تعمیق خیال ایلوردیم.
قلعه نك ایچ وطیش قابولرینک اوستنده مرمره محکوک
ابیات تاریخیه کوردیم و نفره بویازلرک نه لسانده اولدیغنی

صوردم عربجه در دیدی. حال بوکه بن او ابیاتک اوقویه
بیلدیکم کلماتدن ترکیجه اولدیغنی آ کلامش ایدم.

§ قلعه دورننده و بنانک تا اوست قاتنده حولی به
ناظر شه نشین قلقلو بر او طه واردرکه فرانسرلر بوکا
« یلپازه کوشکی » اسمنی ویرمشلردو؛ جزایرک استیلاسی
ایچون آرادقلری وسائلک باشلیجه سنی بوکوشکده
بولشلردی. نفر بزه بو کوشکی کوستردیکی زمان « ایشته
حسین دایی فرانسر قونسولوسنی بوراده تحقیر ایتمشدر »
دیدی. بو حسین دایی جزایرک صوک بکلرکی اولان حسین
باشدرکه قاموس الاعلامده عن اصل از میر زیبکلرندن
اولدینی یازیلور. جزایر داییلری ایلله فرانسرلر آره سنده
قدیمدنبری منازع فیه بعض مسائل وارمش. بونلردن
برسی ده جزایرک فرانسه به کوندره کلدیکی بغدادی و آربه
بدلی ایش. ناپلیونک مصری استیلاسی آواننده مصطفی
رئیسک باب عالینک امری خلافته اوله رق فرانسرلره
کوستردیکی معاونت سییله دخی جزایرک فرانسه دن
مطلوبی اولان آچه آرتمش. فرانسرلریدی میلیون فرانقه
بالغ اولان بو بورجلرینی اعطاده تعلل ایتدکدن ماعدا

جزایرک بعض سواحانده کوک صالیویرمکه تثبث ایلمشله.
 بونی متعاقباً — الیوم برچوق فرنک مأمورلرینک ممالک
 عثمانیه ده یلقلری کبی — حقسنز ووجدانسز بر صورتده
 میدانه چیقاردقلری نیجه مطالب ایله داییلری ازعاج
 وتضییقه باشلمشله. بیرام کبی ایام مبارکه مزده خرسیتیانلرک
 اهل اسلامه نیات فساد جویانه ایله تعرضده بولندقلرینک
 تاریخده امثالی چوقدر. ایشته جزایرده فرانسز قونسولوسی
 بولنان موسیو «ده وال» جنابلری ده حسین پاشایی
 بر بیرام کونی اومطالب جعلیه ایله تعجیزه قویولمش و بو
 حقسنز لقلر او یوم مبارکده بیله کوستریلن آثار عدم
 حرمت ترکک جاننه طاق دیمش. «سکالایق اولان بودر»
 آل کاوور «دیه انده کی یلپازده بی قونسولوسک قفاسنه
 بر ایجه ایندیرمش. بو حرکتدن طولانی حسین دایی بی
 تحطئه اتمه ملیدر. کندیسنک یرنده بالفرض بحری پاشا،
 انیس پاشا کبی مدبر الامور الجمهور اولان و سلطنت خارقه
 عبدالمجیدخان حضرتلرینه بحق شایان اوله جق بر صورتده
 تدویر مهم مصالح ایلین ولایه کرام حضرتای ده اولسه
 آنک کبی یایارلردی. فقط «کاوورک» ایستدیکی ذاتا بو

کبی بر معامله اولدیغندن در حال وقوع حالی دولته
 بیلدیرمش و فرانسه استیلاسی ایشته بو حادثه بی تعقیب
 ایلمشدر. اوزمانلر پایتخت سلطنتده نفس هایون محافظه سی
 کبی مدافعه حیات وطندن بیله مهم عد اولنان برغائله
 یوق ایدی ایسه ده دوات علیه فرانسه بی بو استیلادن منع
 ایده بیله جک بر اقتداره مالک دکلدی بناء علیه فرانسه
 دونهاسنک و رودینی کوردیکی کبی حسین پاشا قاجدی
 سائر داییلرده مستولیره مقاومتدن کلیاً عاجز بر حالده
 ایدیلر بناء علیه حادثه آنف الذ کردن بر مدت صکره
 جزایرده نفوذ عثمانیه خاتمه چکیلدی.

§ نفریزی قلعه نك طیش بور جلرینه کوتوردی بورادن
 قوش باقیشی صورتنده عرب محلاتی ولبانی لایقوله
 تماشا ایتدک. نفر تمدح صد دنده شهرک غرب طرفنده کی
 یوکسک تپه لک است حکاماتی و کور فزی شرق جهتندن
 قوشادان بورونک طایبه لرینی نظر دقتزه عرض ایدیور
 و بو است حکاملرده ایکی یوزاللی یاره بیوک چاپده طویلر
 بولندیغنی آکا لادیور ایدی. قصبه نك — که شهرک
 عرب محله لرینه ویریلن براسمدر — بعض موقعلرینی

تعیین ایتدیکی صروده مسلمان اهلینک وحشی حریفلر
اولدیغنی اخبار ایلیوردی. ذاتاً بو مسلمانلرک وحشتی
شیعمدی به قدرکک فرنگلردن کرک جزایر یهودیلرندن
برقاچ کره ایشتمش ایدم احتیاطسزلق ایدرک نفرله
اوبابده مباحثه کیریشمدم و افعال وحشیه یونسندن عالم
نصر اینک هر پرده و هر زمانده اهل اسلام رحمت او قوتدیغنی
نفره ایضاحده بر فائده کورمدم. بورجندن ایندکندن
صکره نفر بزی غرب محله لرینی کزدیرمکه کوتوردی
واوراده کز مکده بر تهلکله اولدیغنی ده تأمین ایتدی.
عربلرک فرانسزلردن قورقدقنرینی وهله فرانسز
عسکرلرندن کوزلری پک ییلدیغنی اشراپ ایلدی که تمامیه
طوغری در. فرانسه نك حاکمیتینی ادامه ایدن شی شوایشیده
ایشیده اوصانیدیغمز حسن اداره، عدالت و یا حریت دکلدر
بلکه صنوف مختلفه دن آلتش بیکی متجاوز عسکری
حاوی اولان بیوک بر قول اردودر. جزایرک بر طرفنده
فرانسه نك بویوندریغنی قیرمق مقصدیه بر حرکت وقوع
بولسه هان اوطرفه بر قوه کایه کوندریلور؛ مسلمان
کویلری، چادیرلری طوبه طوتیلور، خاک ایله یکسان

ایدیلور؛ اهل اسلام ده قتل عامه معروض اولور. «انتشار
قواعد تمدنه قارشى عصیان ایدن وحشیلرک» بو وجهله
تأدیپ اولملرینه کیمسه سننی چیقارماز. حق اشقیای
خرستیانییه یی تأدیبه مجبور اولسندن طولانی دولت
عثمانیه یی، نیجه تحقیرات غلیظه ایله مؤاخذه ایدن شو
ساخته وقارلی انکلز «انسانیت پرورلری» بیله برشی
سویله مز.

قلعه دن آیرلقدن صکره قصبه ده دالدق. ایلك
واردیغمز سوقاق محل ادا و مغایر اخلاق افعاله
مخصوص اولان خانه لری حاوی ایدی. اطوارمزدن
تبع احوال ایچون کردیکمز ظاهر اولدیغنی حالده
مستکره تکلیفلرله متصل بزی ایچرویه دعوت ایدیورلردی.
بوراسی - عساکر شاهانک بیراملری سیل کبی آقوب
کیردکلری و تعریفی سرای هایونک تحت نفوذنده بولنان
استانبول غزته لری طرفندن بلا حیا یازیله کلن بر مدهش
خسته انی یا قهلدقلری - غلطه خانه لرینه بکره یوردی.
شو فرقه که غلطه ده کی اولرک سکنه سی خرستیان و
یهودیدن عبارت اولدیغنی حالده بوراده کی اولرک قاپولرندن

نچره لرندن دعوت مارین و عابرین ایدن مخلوقات سفیه نك
 بر چوغی عرب ایدی. قصبه نك هر سوقا غنه، چارشولرینك
 هر طرفنه کیردك چیققدق. ديك و طار، تنفس هوايه
 غیر مساعد بر صورتده یاییلان اولر، قالدیریملرده
 براقیلان پیسایکالر، اوتیه برویه اوزانوب یانان اختیار
 وخسته لقلی کیمسه لر تعریفی محال بر لوحه مذلت تشکیل
 ایدیوردی. بو عرب محلاتی کز مک آوروپالی سیاحلردن
 اکثرینک پک خوشنه کیدیور. فرانسلر جزایر
 بلده سنک هر طرفنی ضبط واستملاک ایتدکاری حالده
 بو محلاتی تشکیل ایدن موقعی حالی اوزوره بر اقلشیر.
 مقصدلری ایسه زوار اجنبه فرانسه نك ادخال ایتد-
 یکی آثار عمران ایله اهالی، اصلیه نك سفالت حیاتی مقایسه
 ایده جک بر موضوع عرض ایلمک تعمیر اخرله آوروپا
 مدینتی ایله « وحشت اسلامیه » دیدکاری حال آره سنده
 کی فرقی کوسترمکدر.

§ غریبدوکه جزایر ایالتنک سائر برلرنده اولدینی
 کبی بو قصبه نك عرب محله لرنده دخی بر چوق قهوه
 خانهلر واردر. بو قهوه خانهلر کوندوزک ایش وقتی

صاییلان ساعاتنده بيله عربلرله تولیدو. حریقلر یاییکله
 اوزرینه اوزانوب یایورلر یا کاغد اوینایورلر و یا چکه
 چالیورلر. هپسنک صورتنده آثار یأس ومسکنت وعلائم
 عجز وعطالت ظاهر در. دکانلرده دخی بر بطائت
 معامله مشهوددر. حالبوکه قصبه دن چیقیلوبده فرنک
 محلاتنه کیریلنجه بر فعالیت، بر حرکت متمادی انسانک
 نظر ترصدنده در حال نحلی ایدیور و بناء علیه تدنی
 اسلامک حکمتی ایله ترقی افرنجک اسباب موجبیه سی
 مواجهه مترصدده تجسم ایلیور.

جزایر شهرنده کی مبانی و مواقع مشهوره نك دور
 و تماشا سنی مؤتمرك یوم افتتاحندن اول بیتورمک لازم
 ایدی؛ زیرا اوکوندن صکره و قتمزک رسمی ضیافت
 و زیارتلره انحصار ایده جکی مستدل ایدی. بناء علیه
 شهر اینجده بر کره داها دوره چیققدم. بو جولانده
 ابتدا کلیسیایه قلب ایدلمش اولان بر مسجد قدیمه کیردم
 که اسمی رهنامه ده Ketchawa صورتنده محرر اولان بو
 عبادتگاهک شکل اصایسی تعمیرات متعاقبه ایله تحولات
 کلییه اوغرامش و طرز مغربیسی کیبی تأثیرات

روحانیة محمدیه سی دخی زائل اولمش . یوقاروده اسمی
ذکر ایتیش اولدیغ مصور جزایر تاریخنده بو معبدک
بر تصویر قدیمی مندرجدر . بو تصویره باقیلنجه
برطرفده — شائبه ماسوادن تجرید قلب ایله — سجده
رحمانه وارمقده بولنان اهل ایمان کورینیوردی و دیگر
طرفده مشاهده اولنان قومرال صقالی ، بیاض قاووقلی
بر واعظ — بر طور وقار ایله — بر النده کتاپ طوئیور ،
اوتکی النیک حرکات تفهیمیه سی ایله تشریح مسائل ایدر
بوللو بر وضعیت کوستریوردی ؛ گویا که مواجهه سنده
اوطوران یکچیری قیافتنده کی سامعینک اذهانیه «جاهدوا
فی سبیل الله» کلام جلیلک مفاهیم مشتمله و مضامین
حقیقیه سی القایه چالشیوردی . فقط معبده کیردیکم
زمان هیئت حاضره کنیسایه ایله اوراده بولنان جماعت
خرستیانیه نیک آیین تعبدینی بالمشاهده مذکور تصویر
سبیلله ذهنیه انعکاس ایتیش اولان شیئک بر خیال اولوب
حقیقته مستند حسیات روحانیه دن بولمدیغنی درحال
ادراک ایلدم . سطحیجه شورایه ، بورایه براز باقدقدن
صکزه طیشاری حیققدم .

کلیسانک یانی باشنده کائن اولان شتائیه سراینه کیردم که
بوداتره رسمیه جدأ و حقیقتاً برطرز زیبای طراوت
وانتظام اوزره محافظه اولتمقده در . فرانسه نیک صنایع
ترسیمیه سنه عائد مزینات و آثار ایله بر شکل نو اراائه
ایدیورسوده مبنای سرای اسکیدر و تمامیه طرز معماری
عربده در و شکل و هیئت قلم حقیقک تعریفنه قطعاً مقتدر
اوله میه جنی صورتده کوزلدر . شتائیه سراینک قارشوسنده
هر جهتی مرمر و چینیلی طوغله لر قابلی برده قدیم
حرمرسرای واردوکه و قتیله داییرک عائله لرینه منسوب
نسوانک مقری ایتیش . بو حرمرسانی بو سبوتون باشقه
برحس اهتمم ایله تماشایه قوبولدم ؛ باعث احساس مهم
اولان حالت ایسه سرای مذکورک الیوم جزایر
اپسقپوسلغنک مقرر رسمیه سی بولمسیدر . الوان مزینه یی
حاوی اولان جاملرنده حالا اسمیء صحابه کزین منقوش
اولان بو محله اوزون مدت جزایرده باش اپسقپوسلق
ایتیش اولان متوفی قاردینال (لاویژدری) نیک بویوک
قطعه ده بر تصویر معلقدر . ایشته بو محله ایدی که

قاردينال (لاويژه رى) اکتساب شهرته بويوك برواسطه
اولمش اولان « اسارت اسلاميت » عليهنده کي تهيجات
نشریه صلیبيه سنک موضوعی استحضار ايلميشیدی.

استطراد

معلومدرکه اون سکزنجی قرن میلادینک نصف
اخیرنده وعلی الخصوص اون طقوزنجی قرن میلادی ده
عالم نصرانیتک اساس مبنای اسلامیتی صارصمق غرضیله
وقوع بولان تعرضاتک وسائله عذرتکار یسندن بریسی ده
اسارت ماده سیدور. کویا اسلامیت نیجه مصائب اجتماعی
بشریه کبی الم اسارتی دخی مروچ ایمش! حال بوکه شریعت
محمدیه — ازمنه عتیقه و جاهلیه دن توارث ایده کلن
عادت ثابته رقیقی ازاله یه یول آجدی و تحفیف الام اسرا
ایچون احکام اعتدال وشفقت وضع ایلدی. بوبابده کی
آیات قرآنیه و احادیث پیغمبرییه پک معروف اولدیغندن
اقتباساً بوراده ایرادلرینه حاجت یوقدر. خرسیتانلق ایسه
اومقوله احکام عادلانی تأسیس ایتدکدن ماعدا اسیرلرک

— عیسی الله اولان خوف عبودیتلری درجه سنده —
مالککریینه مطیع اولملری یولنده قیود حریتشکنانه وضع
ایلدی. (یوحنا انجیلک اون ایکنجی بابنک قرق یدنجی
آیتله ینه عهد جدیدک Eqhesian لربختنک آلتنجی
بابنک بشنجی آیتله مثال ایچون مراجعت اولنه بیلور)
یوندن طولاییدرکه صوکرلری السنه مختلفه یه نقل اولنان
اناجیلک « اسارت » معناسنده اولان برکله اصلیه سنی
ارکان کنیسا « خدمتکار » لفظی ایله ترجمه ایدرک تاویلده
تصدی ایلدیلر. فقط مدعیات جعلیه تاویل قبول ایده مزه
اسارت ایسه تواریح جهانک شهادات بالغه سی ایله ثابت
اولدینی اوزره مغایر انسانیت نیجه شدائد ایله اقوام نصرانیه
آره سنده بیک سکزیوزسنه یه یقین برمدت دوام ایلدی.
شو قدرکه اون سکزنجی قرن میلادی اواخرینه طوضری
بعض غربیلر وعلی الخصوص انکلیزلر آره سنده — اساساً
ملاحظات قواعد اقتصادی و مقتضیات منافع زمانیه
نتایجندن اوله رق — الغای اسارت کیفیتنی ترویجه خادم
برخیلی ذوات میدان جداله آیلدی. اسرای زنجیه
صید و فروختی انکلیز ملتته و غربک سائر اقوام بحریه سنه

منسوب بونجه اشخاص طرفدن آرتق حسیات رحیمه انسانی
طغیان کتوره جک بر درجه ده سوء استعمال ایدلمش اولدیغندن
انسانیت نامنه اسارت علیهنده میدان مناظره یه آیلان
ذواتک اوبابده کی تهییجاتی خلق آرمسند پک جدتیه
ایدیلور اولیشیدی . غرب دولتلری فرداً بعد فرد
اسارتک الغای رسمینی اعلان ایدیلر . ایشته بودورلرده
ایدی که آوروپا میسیونه ر جمعیتلری تشبثات جدیدیه
و منتظمه ایله ممالک شرقیه ده نشر نصرانیتیه و بوسیله
اوغورنده جر نقود ایچون اصحاب خیرک جلب قلوبنسه
دسترن شروع اولیورلر و طرف طرف میسیونه رهیلر
کوندیریورلردی . مسلك رهبانیت اصحابی تجدد ازمان
ایله هیئات اجتماعی نصرانک احوال روحیه سنجه وقوعه
کلن تحولاتی کمال اعتنا ایله تتبع و تعقیب ایده کلدکلرندن
الغای اسارت امرنده کلیسا طرفندن ابراز اولنسه حق
خدمات شفقت و آثار همتک انتشار نصرانیت مقصدینه
بر وسیله عظمای اوله بغنی تیقن ایدیلر : نته کیم مقدملری
دخی ضبط امرانک تزید اعداد نصاریه مدار اولدیغنی
ملاحظه ایلیمشلردی ؛ زیرا تبدل ازمان ایله تدابیر سیاسیه

نک اصولی دخی دیکشور و قدیمده صواب صاییلان بر
قاعده تدبیر مستقبلده باطل عد اولنور و العکس بالعکس .
غریبونک افکارنده ماده اسارته متعلق وقوعه کلن
بو انقلاب صره سنده اقوام اسلامیه بر زمان دنبری
دوچار اولدقلری غفلتک تأثیرات و خیمه سی ایله بوسبوتون
سرسم بر حالده ایدیلر . بناءً علیه غریبک خلوص نیتدن
زیاده ریاکارلغه مستند اولان بو چیغرینه اتباعک بر
خدعه مشروعه سیاسیه اوله جغنی ملاحظه ایده میورلر
واسارتک الغای رسمینی وضعده تکامل ایلدیورلردی .
بوندن صرف نظر امرای متغلبه شرق — بر عضو مفرز
بشرک وجوددن فکری ایله وقوع بولان و افرنج طرفندن
وجدان وحشیانه نک بزده حالا عدم زوالنه بحق بر
دلیل اولمق اوزره کوستریان — حرم اغانی اصولنک
ادامه سیله اغیار اجانبه بویوک بر وسیله تعرض تأمین
ایدیورلردی . ایدی استقلال اسلامک افعال احثایه
سندن مستفید اولمقده بولنان سیاسیون غریبه ایله گروه
رهبان کویا اسلامده کی قیود رقتک مصائب الیه سی
ارائه صددنده متمادی علیهمزده تهییج افکار جهان ایدیلر .

ایشته قاردینال (لاویژه‌ری) اسلامده کی اسارته
— ظاهرده انسانیت نامنه اوله‌رق — شدت تعریض
ایله کسب شهرت ایلین گروہ متمدنه افرنجک سرفرازاندن
اولمشیدی .

بالاده مذکور حرمرایدن چیققدن صوکره جامع
کیر ایله جامع جدیدی زیارتہ کتدم . جامع کیر پک
قدیمدر و طرز معماریسی مغریدر . بویوک ستونلری
مستثنا طوتیلنجه نظر اعتنایی جاذب بر صنعت انشائینی
قالمامشدر .

جامع جدید ایسه اطرافی اماکن افرنج ایله وتراموای
خطلرینک مرکز التصاق ایله محاط واسع بر میدانک
ساحل جهتده کائندر . بووایه کیردیکم زمان جماعت
زمانه مصادف دکل ایدی ایسه دهینه بر خیلی کیمسه‌لر
اوتده بروده منفرداً نماز قیلیمقده ایدیلر . بو جامعده
نفاست نقش و تحریر جهتیله نوادر دن معدود بر قرآن
کریم نسخه‌سی بولندیغنی المده کی رهنامه ده کورمش
ایدم . جامعک قیومنسدن بونک امکان مشاهده‌سی

صوردیغ وقت مومی الیه اوبابده قاضیدن رخصت المق
اقتضا ایده جگنی ومصحفک جامعده محفوظ اولندیغنی
مقام اعتذارده ذکر ایلدی . بو معذرتک ادای افاده
سنده کی جعلیتدن نسخه مبارکه مذکورده نك اهتمام ایله
صیانت اولندیغنی آشکار ایدی . مشاهده‌سندن بویله‌جه
محروم قالدیغمه مایوس دکل بلکه ممنون اولدم ؛ زیرا
اوبابده اهتمام وقوع بولامش اولسه فرنکلر و یا — دست
حرامیوستلرینی اغتصاب افرنجیه واسطه ایده کلن —
یهودیلر طرفندن آشیریله بیله‌جکی پک محتملدر . مصحف
شریف مذکورک وقتیه بر عثمانلی پادشاهی طرفندن
بر مظفریت بحریه‌نک تذکاری ایچون تبرکاً جزایر
داییرینه کوندرلدیکی مرویدو .

جامع جدیده عائد شایان ذکر بر حال داها واردرکه
اوده خارج قبه‌سی ایله مناره‌سنک ایام مخصوصده کیجه‌لین
دونادلمسیدو . اوت ، بونقطه شایان ذکر در ؛ زیرا
ایام « مخصوصه » دن مراد امت اسلامیه‌نک اعیاد
مبارکه‌سی دیمک دکلدر . ایام مبارکه امت محمدده بودونمانک
اجرا اولنوب اولندیغنی بیله‌م . فقط انکلتزه قرالی

یذنبی ادواردك بالتصادف بزم مؤتمرك انعقاد ابتدائی
مدت ظرفنده برای زیارت جزیره ورودی کونك
اقشامی مبانی رسمیه کبی بو جامع دخی دونادلیشیدی که
قبه و مناره سنی دائراً مادار احاطه ایدر رنگا رنگ قنادیل
برقیه و سائر ذوق سلیم اصحابك حسیاتی اوقشایه جق
بر شکل حسنده اشعه پاس اولمقده ایدی .

شو قدر که قلبنده احساسات اسلامیه پرورده اولان
بر عثمانلی ایچون بو منظره فوق العاده دن متحصل ذوق
مسرتك جزوئی بر تأمل اوزرینه مبذل کسورت اوله جغنی
ادعا ایده بیلیرم : مکرکه اوعثمانلی مایتنی و ارکان فاخره
اسلامیه سنی هنوز ادراکه مقتدر اوله میه جق بر سن
صغرده و باحق و باطلی تمیز ایده میه جک بر حالت
نادانی ده فر نکستانا دوشوبده دأب افرنج ایله اعتیاد خیال
خامنه قاپیلان قافله بد بختانه منسوب اوله .

§ مسلمانلرک اختیاری لری الرنده اولسه بر دکل یوز
فرنك حاکم دارینك زیارتی تقدیساً تضرع خدایه
مخصوص اولان عبادتگاهلرنده - دکل بیکلرجه قنادیل
حق - بر موم بیله یاقق ایسته مزلردی . نصل

آرزو ایده بیاسونلر ؟ زمانزده افرنج . اقوام شرقیه
اوزرینه اوقدر تحکم متغلبانده بولنیور که بر مدنیت
اصلیه مالک اولان مسلمانلری بیله «یرلیلر» معنای
محقرانه سنده اولان indigènes یا خود natives
تعبیرلریله علی الاطلاق توسیم ایدیور و کندیلرینی
حقوق بشریه کویا نصارا درجه سنده مالکیتیه مستحق
اولیان اقوام عادیه دن تلقی ایلپور و نشر مدنیت وسیله
دسیسه کارانه سی ایله استتلال اسلامی احما ایده ایده
حرص رفاه وهوس جاهنك تأمین اوغرنده مسلمانلری
اداره و استخدام ایله اوغراشیور .

مشار الیه قرالک قدومنی تبریکاً او کیجه جامع
جدید دونادیلیمسی فرانسز مأمورلرک امریله وقوع
بولدینی جای اشتباه دکلدور . وقایع سیاسییه یی تتبع
ایدنلرک خاطرلرنده اولسه کر کدرکه سلطنت عثمانیه ایله
خدیویت مصریه نك کرفتار اولمش بولندقلری غفلت
وفساد اخلاق سبیلریله انکیزلر مصری کویا موقتاً اولمق
اوزره اشغال ایلیمشاردی . بالاخره خطه مذکورده ده
دائمی صورتده یرلشمکه اوغراشدقلری صروده فرانسه

طرفدن بو بایده ازعاجاته معروض اولماق ایچون
فرانسزلره مغرب اقصایه تملک خصوصنده معاونت
سیاسیه تعهد ایتشلردی . ایدرلریا ! «حام صوبی
ایله دوست آغیرلق » مسالکنده انکلیزلرک کوستره
کلدکاری مهارتی کیم انکار ایده بیلور ؟ ایمدی آلمانیا
ایمپراطورینک « پیشمش اته صوغوق صو قاتماق
» یولنده طانجهیه وقوع بولان زیارتندن طولایی فرانسزلر
آکسزین بلرندن اورملشار کبی اضطرابه دوچار
اولشلردی . گویا فرانسه نك تسکین اضطرابی صنده
انکله تره قرالی جزایری زیارت ایدرک فرانسزلی
مغرب اقصی حقنده کی هوس فاتحانه لرنده تشجیع ایلمک
استمش ایدی . بو جهته فرانسزلر جزایرده حکمدار
مشار الیه فوق الغایه تشریفات استقبالیه کوستردیلر .
« بک اعلا اما آئی آقیشلمق ایچون اهالی اسلامیه بی
بر مقام مقدسلرنده نهدن ایقاد قنادیله مجبور طوتملی ؟
کال تفاخرایله یاد اولنه کلن شو یکرمنجی قرن تمدن
عیسوی ده بو مقوله جبارلق یاقیشیق آورمی ؟ شوکت
اسلامک اوج علوبته ایردیکی دورلرده بیله بز بو قدر

فضولیلک ارتکاب ایتدک » دیه محاکمات استفساریه
کیریشمیه لم ؛ زیرا تقدیر فلک حقنده قواعد منطقیه
اوزره محاکماته تصدی ایتک فامک جلوه لرینی آکلایماماقدن
ایلری کلورکه بویله بر غفلت عقل سلیم اصحابنه یاقیشماز
قضایه رضا کرکدر . بناء علی ذلک شمیدیلک اهل
اسلامه فرض عین اولان شی تغلب افرنجندن متولد
مصائبه تمکین ایله تحمل ایتک و حالدن متنبه اوله رق
امید استقبالك تأمین اوغرنده فوق الغایه مساعی
امپروورانه اراز ایلمکدر .

جزایره عزیمتی موجب اولان خصوص مؤتمر
مستشرقینه اشتراک اولدینی حالده آنک انعقادندن بحث
ایتمه مکلکم غریب کورینه بیلور ؛ فقط بنده کرجه
آرزوی اصلی مؤتمرده عرض اندام رسمیت ایتک
وبناء علیه بو مقوله بو اجتماعات رسمیه بی برطوور کامل جدیت
ایله تلقی ایدن زوزکر کبی - ادا صاتمق اولیوب بلکه
مشاهدات و تتبعات احوال مملکت ایله اشتغال ایدوکی
ملاحظه بویوریلور ایسه استغرابه پکده محل قالماز . مع مافه
مؤتمردن ده هیچ بحث ایتمه مک مناسب اوله میه جغندن

آرتق موضوع مقالی برارده انعقاد مؤتمره حصر ایدلم:
 رسم افتتاح جزایر والیء عمومیسی طرفندن اجرا
 اولندیغی زمان - بعضیسی صدره شفا و یرمیه جاک قدر قصه
 بعضیسی انسانی اسنیه، اسنیه او یوقلدہ جق قدر اوزور -
 برخیلی نطقلر ایراد اولندی. و فرانسه حاکمیتک آفریقایی
 شمالی یه بخش ایلدیکی خوارق تمدندن ده بر نیجه دملر
 اورولدی. معلوم یا، بو مثللو اجتماعات رسمیه ده
 و علی الخصوص انعقادات بین المللده جبرزہ لسانیه سی یاوز
 اولانلر لقلقیات میدانک برر قهرمانی کسیلورلر. اما
 بوبابده ابدال اولانن جیللرک والتفاتت متقابلہ نک کثرتی
 خلوص نیت و صمیمیت قلبیه نک فقدانی ایلہ ناقابل توفق
 بر درجہ ده اولوروش؛ اوراسنی قورجالا ماقدن حذر
 ایتلیم زیرا مدنیت آوروپانک آداب اجتماعیه سنہ آشنا
 اولانلر بونده بر طبیعیک، بر حسن جواز کوریورلر
 شیمدی بز قالقارده افرنجک دآب تمدندن کی بوکی ساخته
 نما تضادلری تنقیدہ جرأت ایلر ایسه ک آوروپانک اصول
 اجتماعیه سنی تتبع ایلہ و طنمزہ تطبیقه اوغراشان بر طاقم
 عقلای نوظهورک - العیاذ باللہ - غضبیرینه هدف اولوزر؛

صوکره بزى غيبک و قبالی ایلہ اتهامه قالقیشورلر و ماده
 تجریم ایددمسہلریله معنأً ضراره چالیشورلر: یعنی دو که مسہلر
 بیلہ سوکرلر.

مراسم افتتاحیه نک ختامندن صوکره اعضای مؤتمر
 عقد اجتماعه دعوت اولندی وانجمن - مذاکره
 قونیله جق موادک تنوعنه کوره - شعباته آیرلدی که
 یونلرک اک بویوکی مباحث اسلامیه شعبه سی ایدی؛ زیرا
 معروف آوروپا مستشرقلرینک اکثری بو شعبه کیردیکی کبی
 جزایرلی، تونسلی و مصرلی مرخصلارده بوراده ایدی.
 شعبات آره سندہ برده صنایع اسلامیه شعبه سی مذکور
 ایدی که اسمنی ایشتمک لکم اوزرینه جسمنی تحری به چیقدم.
 یونک اجتماعکاه عمومی ده دکل موزه خانه ده انعقاد ایده
 جکئی خبر آلدیم. تحریاتمه فی الواقع موزه خانه ده صنایع
 اسلامیه دن بر قاق پارچه اشیا کورد مسده نه شعبه مذکورہ ی
 اوراده منعقد بولدم نه ده آکا داخل اولمش اعضایه تصادف
 ایلہ بیلدم.

§ معارف و مواد اسلامیه ایلہ توغسل ایدن آوروپا
 مستشرقلرینک بر چوغی عجایب مخلوقاتدن عد اولنسهلر

بجادو . بونلردن بعضیلری صرف کهنه جولق و کهنه
فروشلق ایله اشتغال ایدرلر که بویله لرینک محصول عمللری
ذهنه غدای فضیلت بخش ایتمکدن زیاده کران قسوت
ویرور . بعضیلری ایسه قلیبلرند مضمیر اولان بر غیظ
تعصب کشیش پسندانینی نقاب علم ایله ستر ایدرک
اسلامه عائد هر درلو خصوصیات و کیفیاتی تزییفه
اوغراشورلر . هله بو مقوله لر آره سنده وقتیه برر
خدمتله شرفده بولنش اولانلرک خشونت تنقیداتی
چکیلور دردلردن دکدر . — مشرق اسلامی تجیل عالم
نصرانیته هیچ ده باعث توقیر بر خدمت عد اولنه میه
جغندن — مستشرقین آوروپا آره سنده شرق حقنده
صمیمی حسن ظن اوائه ایدنلر بولنسه بیله مساعی
بیطرفانه لری پکده مقبوله کچمز .

§ تهنه اسلامه عرض اولنان مباحث متنوعه اوقدور
کثرتلی ایدی که صندالیء ریاست هر بر communication
صاحبنه ویرلسی لازم کلن مدت قرائتی اون دقیقه
انحصاره مجبور اولدی . ریاستک بو قراری تبلیغ اولندی
زمان بونجه تعب ادمان ایله قوه بلاغت لرینه جلا ویره کیش

اولان معلوما تفروشانک یوزلرنده کی اشمئزاز خشونتی
کودومک بنی پک اکندیر بیوردی . هفته لر و بلکه
ایلرجه امک صرفیه التقاط و جمع ایدلمش اولان صحیفه لر
طولیسی هزیانی اون دقیقه طرفنده تلقین اذهان سامعین
ایتمک معجزه یه محتاجدور . فی الواقع مباحث مهمه و مفیده یی
محتوی اولان بر قاچ مقاله بو تحدید مدت سببیه دلک
دیشیک اولدی . فقط ینه بو تحدید وقت سببیه نیجه
سفسطه و لقلقه لرک ثقلت تحمل بر اندازانه لرندن روحمز
صیانت ایدلدی . شیمدی الله ایچون انصاف بو یورلسون
درمه چاته عربجه سی ایله مستشرقلق طاشلامق ایستین
بر فرانسه مستملکات مأمورینک جزایرک بیلیم هانکی
کوشه سنده اسقای اراضی یه دائر ایراد مقال ایتسنه حصر
کوش تلقی ایامک حوصله تحمله صیغارمی ؟

§ قلیلری مؤسسات و قواعد اسلامییه حقنده غیظ
بدخواهانه ایله طولی بعض مستشرقلرک موجودیتنه بالاده
ایما ایتمش ایدم . بو مقوله معلومات شریقه فروشلردن
بررسی بر اجتماعده قالدی ده قرآن کریمده کشف ایتدیکی
بر کله یی اوزون اوزادی یه افعلالیدی تفعلیلدی و قواعد

لسانیه جه اوکله نك خطای اداسنی کویا فنی بر طرزده اثبات صدندده عبارات قرآنیهدده مغایر آهنگ بلاغت نقطه لر کو ستر مکّه چالیشدی. حریفک مقصدی - آوروپالی و بعض مرخصلرک ادعایری کبی - لسان عربک اصول فصاحتی اوزرینه بر محاکمه فیه یوروتمک دکلدی؛ بالعکس آیاتک بیلیم کیملر و نه طرزده وجوده کتورلیدیکی حقیقه اشرا بات فتنه کاری ده بولنه رق اساس اسلامه بو وسیله جعلیه ایله بر زخمه تعرض آتمق ایدی. بعض فرنکلرک عالمانه بر طور سکینت و بیطرفی التزامیله میدانه سوره کلدکلری تأویلاتک ماهیت حقیقیه سنی - سنه لر جه آوروپاده قالدیرم تپه لیوبده ینه غافل قالان - بعض شبان شرقیه فهم ایتیمه بیلور. لکن مصرلی شیخ عبد العزیز شاوش حاشه ادراکی ارکان متمدنه اسلامییه ایله تقویه بولمش اهل شرقدن اولدینی ایچون غریبلرک ترقیات مادیه سنه باقوبده کوزلری قاشهامشدر. بناء علیه او یله آوروپا سفسطه سنه قایلماز، ترقیء مغنویه سنه طاینماز و فرنکلرک قوه متغلبه لرندن قورقوب صاقماز. کویا تدقیقات علمیه ولسانیه نامنه کتاب مقدس و موحدینه تجاوزده بولنان

ایکی فرنکلک فرانسوی عبارته ایراد ایتدکلری نطقلر کندیسنه ترجمه اولدینی زمان جناب شیخ کویلر میندی وانکلز جه اوله رق مجابویه قیام ایلدی. لکن مدافعه ایچون وقت تفریق و اعطا اولنه میه جنی کرسی ریاستدن کندیسنه تبلیغ ایدیلنجه « مادام که مؤتمرده اوقونق ایچون استحضار ایلدیکم مقاله اولجه قبول اولندی بناء علیه هر صاحب مقاله کبی بکا دخی اون دقیقه لق بر مدت تکلم اعطا ایدلمش اولدیغندن مقاله مک قرائتنه مختص مذکور مدتی امر مدافعه یه حصر و صرف ایتدکه مختارم » دیدی و نوبتی کلدیکی زمان حریفی عربجه بر طلاق فصحیحانه ایله ترسادی. واقعا طبع لرنده حلم و ملایمت تمایل بولنان ذوات نازکه کیمسه نك شکست خاطرینی موجب اوله جق تعذیری صواب کورمز لر. فقط حقمزده لغرض تحطئه یه قیام ایدن فرنکلرک فصاحتله ترسلندیکنی کورمک حس حقیق بولنان هر شرقلینک ذوقی اوقشاه کر کدر. صاحب مدافعه متجاوز اصلینک اکتشاف علمی پرده سی آلتنده اسلامیتی کویا حیلغه حیقارمغه علناً تصدی ایتسنی بین الملل بر مؤتمرک ارکان نزا کتته مغایر

بولنديغى وقرآن كريمده نقصانىء قواعد كشفنه قالقيشان
اك قبادايى بر مستشرقك بيله حكاسىز بر قاج سطر عربجه
يازه ميه جفى و متمدنلر بو مقوله شارلاتانلقلرده دوام
ايدرلر سه كوندن كونه نظر ترصد و تحريسى احوال غريبه
عطف ايلمكه آليشان شرفيونك استخفافنه دوچار اوله.
جغلايى كرميله ميدانه سوردى .

غريبى شوراسيدركه اصل معارضى بر آلمان ايدى كه
مقدما حكومت مصريه نك خدمتمنده بولنش در. خدمتى
بر انكليز مأمورينه قايدى بر مش اولسه كر كدر كه حريف
اوفكه سنى غالبا اسلامدن آلق ايستيوردى. معلوم يا،
شوصوك زمانلرده فرنكلر شرقده كى اغتنام متغلبانلر نده
بر برينه كلاه كچورنجه اسكسى كى يكديكرينك غير تلاغفه
آتلميورلر. آلدانلر الدن قاجير دقلى فرصت غصبك
آجيسى بشقه بر صورتله ينه اهل شرقدن چيقارمى
دها زياده موافق سياست بوليوولر. بزده بر طاقم آدملى
يتشمش ايدى كه انكليزلرك ممالك سياسى خارجيه لر نده كى
تلون دقيقى هيچده تفحص ايدمه مدكلرى حالده بجران
زمانلر نده نجات وطنمىزى على العميا انكليزلرك سياستنده

بو صوك جوانى ايشندنجه فرانسىز تعريضى يارسكوت
لاقيدانه ايله كچورمك ايستى ويا مكله انكليزجه جريان
ايتديكندن نه يه ايهام ايتديكى آ كلايه مدى. هولاندهلى
ايله سوالى صوران انكليزده كولديلر. فقط او بر انكليز
بك سيكىرلى بر حريف اولديغندن او طور دىنى برده ديكى
وارمش كى قيميلد انواب طور يور و هچير. هچير ايچى
چكيوردى. حريفك شرقليلر و على الخصوص عثمانليلر
حقنده كى سوء ظنى بيلديكمدن علام عجبى اغبر اريه سنه
بك سونيدم.

§ بزده اسمى «كلنار خانم» ديه شايع اولان روسيهلى
مادام دوله به دهف دى بو مؤتمرده موجود ايدى. خانم
مشاراليه عربى العبارة اسكى بر اثره ابتداء كورجستان حقنده
فرانسىزجه نشر ايتمش اولدينى بروسالينى مؤتمره عرض
ايتدى. بونده كى بعض مطالعات طبيعى روس نقطه نظرندن
سرد اولتمش ايدى. مثلا كورجىلرك عصر لرجه اتراك
و اعجامك تجاوزات مستولىه سنه كوكس كره درك ادامة
موجوديت مليه ايتدكلى تصريح اولندقدن صوكره
صانكه موسقوفلرك ربقة تابعيته داخل اولمقله حوضه

سلامته واصل اولدو قبری یولنده ملاحظات سرداولینور.
حال بوکه روسلره مجبور تابعیت اولان بونجه اقوام صغیره
کبی کورجیلرک دخی نصل بر طریق نجاته کیرمش
اولدقلرینی بر زماندنبری روسیه ده ظهوره کلکده اولان
حادثات الیه لایقیله میدانه چیقاردی. نه ایسه خانم
مشارالیه وطنی سور برروس قادینی اولدیفندن منافع
ملتی مروج افکارک سردنده کی میلانلری پک طبیعی
کورونور. السنه اسلامیه نک اک مهملرینی اکتساب
خصوصنده و شرمش اولدقلری ذکوت و غیرت فوق العاده
جداً موجب تکریم اولدیفندن مادام دوله به ده نک اورساله ده
ترکر حقنده کی ملاحظاتی تنقیده کیرلشمک حققلرنده کی
حسن احترامزه پکده موافق د شمز.

§ شعبه اسلامده اوقونان اوراق مباحث ایچنده اک زیاده
استفاده ایله تلقی ایتدیکم شی شعبه مذکور نک رئیسی
هولانده لی معلم (ده هو یا) حضرت نلرینک ورقه سی ایدی.
جناب معلم مختصر و فقط غایت معیندار اولان بو مقاله سنده
ظهور اسلامده و آندن بر مدت صوکره لری ماتم طوتمک
وطننله لی مراسم جنازه اجراسنک عدم هوینی براهین

تاریخیه ایله اوانه ایلدی. اسلامیت عادات موروثه
مجوسدن اولان و اوایلای ماتمک و تکلفات زانده
تکفینییه نک ترکیفی التزام ایتش ایسه ده افسوس که اقوام
اسلامیه افرادی موتالری حقنده طبیعی الحصول اولان
حسیات اکداری بر صبر سا کتانه ایله کچیشدیر مکده کی
فضلی و آثار الملك بر طاقم باطل آینلر ایله تشهرنده کی
بدعی لایقیله ادراک ایدمه مشلردو. باخصوص شو صوک
زمانلرده — هر درلو مراسم اجتماعیه لری کبی ماتملری
دخی عادات مجوسیه یی کولکده براقه حق درجه ده
نمایشلی اولان — شایقه لی متمدنلری تقلید ایچون
اجرا ایتدی کمز مکلف جنازه آلایلری احکام حکمت
اسلامیه یه کلیاً مخالفدر [*]

سودکرمزک بزدن افتراق ابدیلرینی کور مکله متحصل

[*] سلطان مراد خامس حضرتلرینک نمایش دن عادی اوله رق
دفنه تأسف ایدنلر سلطان حاضرک منسوباتندن ایکن فوت اولان
بعض ادانینک آلایلر، نمایش لر ایله دفن اولنلرینی میدانه سور مشلر
ایدی. فقط بو منقدر بیلیمورلردی که او یله نمایشلی جنازه آلایلری
او مقوله مخلوقاته یاقیشور. سلطان مرادخان کبی عالی و عادل
بر حکمدار مسلمانه سنه کومولدی دیمکدر. ظالمک نیت باطله سنندن
بامرالله صورت حق وجوده کلدی دیمک اقتضا ایدر.

حس حزینزی نیچه صور نمایشگاه وانه ایله اظهار آنلر حقنده بر اثر مر حتمیدر؛ البته دکل. آنلر بو دارالفنادن کیتمشلر و خلاق الباقی اولان تکرریه قاووشمشلر. بزم آیین ماتلر من عادتاً تقدیر ازلی به قارشو بر سرزنش معترضانه حکمنده قالیور

اگر صورتی الله ایده بیلسه ایدم معلم ده هویانک مقاله سنی بالترجه بورایه نقل ایلردم چونکه آنده جنازه حقنده ایراد اولنان احکام معقوۃ اسلامیة جداً نوادر معلوماتندرد. عارف بك مرحوم دخی «بیك بر حدیث شرحی» نام اثرینک قبور وامواته متعلق مباحثده بو مسئله حقنده شایان دقت برچوق ملاحظات مفیده ده بولنمش اولدیغندن آنلرک مطالعه سی صاحب ادراك اولان هر بر مسلمانان الزمدر.

§ مؤتمره تقدیم اولنان اوراق آوه سنده میرزا حسین خانک مسلک صوفیه حقنده یازدینی رساله دخی جداً تذکاره شایاندر. بو محرر خلوقک اسم کاملی شو وجهله یازلمق اقتضا ایدر: السید الحاج میرزا عبدالحسین خان کاشانی ایرانی. مؤتمر حقنده تقدیم ایتدیکی بر لایحه

غیرا مناسبتیه شاه مظفرالدین حضرتلری کندیسنه «وحیدالملک» عنوان مفخرتی - که مع التأسف برعائده تقدیه سی یوقدر - اعطا بویورمش اولدقلرندن او سهل الذکر اسم «جناب وحید الملک» تعیرینک علاوہ سی ده وجیه نازکه رسمیه دن ایش. میرزا عبدالحسین خان چندسنه مقدم جانب حجازه کیتمش ایدی. اوراده حاجیلق عنوان شرفی قراندینی صروده حجاز و احوال حج حقنده لوندرده بر انکلز غزته جیسنه کوندرمش اولدینی مکتوبلر «مورینگ بوست» غزته سنده مقالات متفرقه صورتنده ترتیب ونشر اولنمشیدی. بالاخره بو مقالات منتشره نك هیئت مجموعه سندن بر کتاب وجوده کتورلیدی. حجازده مشاهد اولان عادات وارکان مسامیه دائر انکلز قارئلرینی اکندیره جک نقاطک بو کتایده کثرت بیاتی میرزا حسین خان معاون تألیف اولان انکلز غزته جیسنه عطف ایدیور. فقط بز - مناسک حبی صحنه ضحک افرنجده ارائه ایلمک کی - بر نکته دانلنی جناب وحید الملک چوق کورمیز. مع مافیه بعض سوءظن اصحابی شرقیلرک ادعای وجهله

بو حالڪ وقوعی جناب حاجينڪ باد منفعاتك جانب
فرنڪستاندن دها مفرحانه اسديکني پڪ اعلا بيلمسندن
ناشي دکلدرد. بلڪه مشرب فيلسوفانه لری حسييله قيودات
متعصبانه تابع اولقي ايسته مه مسندرد.

جناب حاجي خان حسن خلق صاحبي برذاترد. شويله که
ايراد ايتديکي بر قولك وياميدانه آتديني بر فکرك غراقي
حقنده وقوع بولان اعتراضکزه خشونت مزاج ايله
مقابله ايتک ايسته مز. ياتسم ايله قول وفکر مسروديني
تعميره چاليشور وياقولنک ماقوع حاله عدم تطابقي ستر
ايدمهيه وک اعتراضکزه اوده سزکله برابر قهقهه لر قوپارر.
فقط مسلك صوفيه حقنده کی مقاله سنک شعبه اسلامده
جواز قرائتي خصوصنده تعلل کوسترلديکي زمان حاجي
خلوق خلاف معناد غضبالندی. بو تعللک سبب حقيقيسي
شودر ظن ايدرم: حاجي خان کوچوک ياشنده ايراني
براقه رق بومبای شهرينه ککش واورادن ده انگلتره يه
هجرت ايتمش اولديغندن مسلك صوفيه مثللو امور فلسفيه
شرقيه ايله کويا اشتغالی يوق ايتمش. جناب حاجي خانه
قارشو وقوع بولان بو ممانعت معترضانه يه بن جداً تأسف

ايتدم؛ چونکه آنک بيلديکي بر مبحث حقنده سرده مقال
ايتسنک سامعينجه هوس استفاده ايله تلقی ني موجب
ميدانه برشي چيقارميه جغني و حال بوکه اصل لطيفه نك
روحی جناب ميرزانك بيلمديکي مسائلدن دم اورديني
صرده ده ظهور ايله جگني تيغن ايتمش ايدم. بو غضب
اوزرينه حضرت حاجي مقاله سنی شعبه اسلامه ويرميوب
هند شعبه سنده اوقويه جغني اعلان ايلدی. بونده ده
پک اصابت ايتدی؛ چونکه مقاله انگليزجه يازلمش و هند
شعبه سنده دوام ايدن اعضا ايسه اکثريله انگليزلردن مرکب
بولنش اولديني کي صوفيه مذهبنک احکامي دخی اساساً
هند قديمين انتشار ايلمشدر. مقاله نك شعبه هندده نه
وجهله تلقی اولنديغني بيله مم.

حاجي خان فرانسز لساني مکملأ بيلمينلردن فرض
اولنه بيلور فقط مؤتمرك شرفنه ويريلن برضايفت رسميه ده
بيلديکي فرانسزجه بر آلاي تعبيرات جيله يي کليشي کوزل
بربرينه چاهرق ايراد ايلمش اولديني برنطق طويله هر
کسله برابر بن ده حيران اولدم. حاجي خانک قدرت علميه سنی
اعترافده تردد ايدنلر بولنه بيلور فقط جرأتی تحسین

ایتمه مك انسانك لندن كمر. حامل اولدینی بر قطعه
شیر و خورشید نشانی کردندن آشاغی بروضعده طاقه ورق
مواقع رسمیه ده عرض اندام وقار ایلمسی حقیقتاً شایسته
نظر ایدی. « نه ظن ایتدك عزیزم؟ انسان بو فرنکاره
براز اهمیتتی کوسترمزسه صوکره دالنه بینرلر » دیوردی که
پک طوغریدر. فقط بزشرقلیلر اهمیتیزی صالوندره
قیریتقله دکل بلکه وظایر مژک اسکی عظمتلرینی احیایه
قدرتمز بولندیغنی اثبات صورتیه فرنکاره آکلاتسهق
بزه ده ا زیاده اعتبار ایلرلردی. شوراسنی علاوه ایدم که
ایران دوات علیه سنک مرخصی اولان حاجی خانک بو
مأموریتی یالکمز لوندرده کی ایران سفارتنک تسبیله
وقوع بولمش اولدیغندن لوندرده دن جزایره کیدوب کلک
مصارفی خزیننه شاهیدن دکل حاجینک کندی کیسه
حیتندن چیقیدی.

§ ایرانک بو انجمن بین الملله هیچ دکسه بر آدمی
بولنیوردی. بزم ای و فنا بر کیسه مزده یوق ایدی یا
بو اثرک ابداسنده کورولدیکی اوزره عبدعاجز بر انگیز
دارالفنونی نامنه کیدن مرخصلردن بولنیوردم. حکومت

سلطانیه بر عثمانلی صفتیه جزایره کیتدیکی کورسه
بلکه پارسده کی سفیری واسطه سیله بم اشخاص مفسده دن
اولدیغی ادعا ایدر و مؤتمرده بولمقلمغه مانع اولوردی.
نته کیم بونجه سنه لر وقت و نقد صرفیه انکلترده اسلامی
و عثمانیانی مدافعه ایچون وقوع بولان تشبیهاتی «تشریات
ملعونانه» دن اولمق اوزره استانبول غزله لرنده یازدیرمق
تشبث ناموشکناهنه سنده بولنمش ایدی. بناء علیه بنده کر
بو قونغرده - ولوکه غیر رسمی اولسون - بر مرخص
عثمانی صفتی اخذ ایدم.

فی الواقع استانبولدن ایکی مرخص کله جکی و حتی
بونلرک مؤتمره عرض ایده جکلری مباحثک عنوانلری
بیله جدول معاملات مؤتمرده مذکور ایدی. فقط
بو ایکی ذاندن هیچ بر اثر ظهور ایتمدی. مملکت مزده
ادوار سابقه دن بعض مؤسسات علمیه وارد - که اگر
قدرینی بیلمش اولسهق - بو کبی بین الملل اجتماعاته
اثبات هویت عامیه په پک اعلا صالحدرلر. شوقدر وارکه
بو عصر تغلب حصر سلطان عبدالحمید خانیه افراد
عثمانیه نک ممالک خارجییه ده نام عثمانیتک توقیرینه

مدار اوله جق تشبثات شخصیه ده بولملری قطعاً ممنوع
اولدیندن جدول مؤتمرده اسملری مذکور اولان
او ایکی ذاتک بر مأموریت رسمیه یی حائز اولدقلری
اغلب احتمال ایدی . او حالده بو رسمی مرخصلر یانچون
باش کوسترمدیلر ؟ بو بایده ایکی سبب ملاحظه اولنه
بیلور : یا بو ذاتلر خراجلریله رخصت حرکتلری
استحصال ایده مدیلر و یا — اکثراً واقع اولدینی اوزره
خرجراهلری آلدقدن صوکره رخصت حرکتلری
اراده متغلبه کبی چیقماز اولدی . جمله نک معلومیدرکه
اهم ویا عادی هر درلو مصالح وطنیه من اراده سنیه
صدوریه جریان ایدر ؛ چونکه سلطان عبدالحیدخان
قوجه بر مملکتی بر دهره بکلکی مالکانه سی صورتیده
اداره ایدرلر . ~~بوندیله حاکمیه~~ ؛ اوتوز بر
سنه دنبری میزان عقله صیغماز و وجدان انصافه یاقیشماز
مساوی ادویه نک ، خیانتلرک اوکی آلق ایچون متحداً
بر حرکت فعایه ده بولمغه استعداد کوسترمین بر خلق
عشیرت صورتیده اداره اولمازده بر مشروطیت متمدنه
واحرارانه ایله می اداره اولنور فرض ایدیلور؛ ایمدی

باش آغریسی ، دیش سیزیسی کبی نفس هایونی آز چوق
مضطرب ایده جک بر حال واقع اولسه — دکل او یله
مرخصلرک عزیمتی اراده سی — حتی حیات دولته تعلق
ایدن مسائل وخیمه نک فريضه عاجله تسویه سی بیله
قارغشه ده قالور .

مرخصلرک تعیندن صوکره عزیمتلرک ترکی بشقه
برسبیه دخی عطف اولنه بیلور ؛ شویله که : شوکتماک
بر تردد دائمی حالده یاشامسندن وهر بر جاسوس جورنالنه
کوره وسوسه معلومه هایونلرینک دیکشمسندن طولانی
نیچه قرار قطعیلر بر آنده سکتیه اوغرایه بیلور . بوجبات
تردد و غرابت وسوسه دن طولانی دکلیدرکه اون میلیون
قدر مسلمانانی حاوی اولان وانتشار اسلامدن بری —
نابلیونک استیلای قصیری مستثنا اولمق اوزره — همان
بالانقطاع اداره اسلامده قالمش اولان مصر قطعه مهمه سی
انکلز استیلاسنه دوشدی و اخیراً دخی — ینه اوسبیلردن
طولانی — بر انکلز مستملکه دائمیسی حالنه کیردی ؟
بناء علی ذلک مرخصلرک تمام عزیمته مهیا اولدقلری صروده
عقلای جواسیس هایونندن بریسی قالدی ده بلکه بر جورنال

ویردی و جزایرک — بوندن تقریباً سکسان سنه اول —
فرانسزلر طرفدن ضبطنک بویله جزایره مرخصلر
کوندیرمک صورتیه تصدیق ایدلمسی اوله ییله جکفی
وبناء علیه اوراسی ایله بر مناسبتده بولنق مقتضای سیاست
اوله میه جغفی حسب العبودیه عرض ایلدی. بو صورت
ملاحظه احتمالدن بعید طوتلما ملیدر.

شوکت مآب ایسه ذهن هایونلرینی اهل حیتک حقایق
اشعاراتنک تلقیننه دکل بالعکس اومقوله اقوال جواسیدنک
تفهمنه مائل بولورلر. نه دیمک افندم ، شیمدی دولت
قالقسونده بویله اهمیتی دون اولان بر مؤتمر وسیله سیله
حقوق سلطنت سنیه نك جزایردن فك ارتباطنی اعترافی
ایتسون؟ اما فرانسزلر جزایر وتونسدن صوکره سوریه لی
وانکلز لر مصر وقبریسن صوکره یمن وحجازی الله
ایتمک اوغرا شیرلر ایش. نه یاپارلر سه یاپسونلر سلطنت سنیه
آنحق آنلرک حرکتی تصدیق ایتمه مک صورتیه شان
عالیسنی محافظه یه مقتدر درو؛ دکل افندم؟

بین الملل مؤتمرلر انقادی نك برده مقصد اجتماعیس
واردرکه بوده اکنجه لر ومصاحبت مجلسلری ترتیبندن

وبناء علیه ملل مختلفه مبعوثانی بیننده وسائل معاشرت
تأسیسندن عبارتدر . بو سببله مؤتمرلرک ایام انعقادی
اکثریا مختلف اکنجه لره ، ضیافتلره ، فلانلره تخصیص
اولنور . ایسته بزم ده جزایرده بولندیغمز صروده بر
هفته دوام ایدن مدت مؤتمرد امانه وقت ایچون بویوله
بن خیلی ترتیبات اجرا ایدلمشیدی . بونلرک باشلجه لری
اعضای مؤتمر بیننده تأسیس معارفیه مدار اولمق اوزوه
ویریلن اقامت جایی که (Thé intime) تسمیه اولنمشیدی
والی، عمومینک صیافتی . بلدیهدا ژر سنک اولکله وقتی ضیافتی.
حج مکه (Pèlerinage à la Mecque) عنوانیه
ویریلن بر درس عمومی . والینک صیفیه سراینده ویریلن
بربالو . لقییات جنیدانه اجرایی وساره.

§ وسیله پیدای معارفه اولمق اوزره ویریلن جای
بر کیچه وقتی تقدیم اولنمشیدی . بوغایت بارد بر اجتماع
ایدی ؛ یعنی طرز مصاحبت — کلیتی اعتباریه — پک
صوغوق باشلیدی . یوقسه اجتماع ایتدی کمز او تلک اوفق
دیوانخانه سی آری قوغانی کبی طولوبده حاضر و بریرینی
دورته رک حرکتیه مجبور قالدینی زمان دیوانخانه حمام

کې تسخن ایتشیدی صوکرده تر قوقوسی انفاس ظاهرین
 وخفیه قوقوسنه قاریشوبده هوای افساد ایلینجه اورته لق
 — حیوانات اهلیه کوبره سی ایله ایصیدلمش — برآخور
 کې حرارتلندی. مفسود برهوانک میقروبلرندن زیاده
 جریان هوانک تأثیرندن قورقان فرانسزلرک پنجه قاپامق
 خصوصنده کی اعتنالی ملاحظه اولنورسه آرتق بوغوغاق
 ورطدسنه نه قدر تقرب ایتمش اولدیغمز آکلاشیلور .
 طرز مصاحتک صوغوغه جریانی ایسه طبیعی ایدی ؛
 زیرا اعضادن پک آزی بربرینی طانیور ایدی . فی الواقع
 بیلنلر بیلمینلری بربرینه طانیشدریور ایدی ؛ لکن
 آشنا لک باشلنغیجنده ملل مختلفه یه منسوب کسانک مصاحتی
 پکده گرمته جریان ایده مز . واقعا اورتهانی بر دغدغه
 تکلم قاپلامیشیدی ؛ فقط مکالمه پک هوایی وخاییده
 جمله لردن عبارت قالیوردی .

برکت ویرسون که بو اجتماع پک چوق امتداد ایتندی .
 بزده براز هوای مصفا تنفسی اشتیاقیه همان طیشاری
 فیرلادق .

§ والینک ضیافته حکومات اجنبیه ومؤسسات علمیه
 مرخصلری میاننده برر ویا ایکیشر اعضا دعوت
 اولمشیدی . مثلاً : که میبریج دارالفنونی طرفندن ترخیص
 ایدیلن بش اعضادن یالکز عربی معلمی مشتشرق
 شهر مستر براون جنابلری چاغریلدی . دیگر دروت
 اعضا ایسه کوشه نسیانده براقیلدی ، و — عبدعاجزدن
 ماعداسنک — داغ درون اغبرارلرینک آثاری زبان
 سرزنشلرندن صاحیلدی . هله بونلر آوه سنده بولنان
 بر زنکین مشتشرق — که السنه وعلوم اسلامیه دن
 زیاده عبرانی و سریانی لسانلری و تاریخ اناجل ایله اشتغال
 ایدر — بو ضیافته چاغریلدیغدن زوجیه مغروره سی
 فنا حالدیه بوزولدی . قارینک سائقه حسد ایله وقوع
 بولان مواخذاته پک ممنون اولیوردم ؛ چونکه بو
 اکسیکنک انکلترده « بالقان قومیه سی » « ارمنی قومیه
 سی » بیلم نه قومیه سی کبی چشیت ، چشیت نامرله
 تشکل ایدن وانسانیت پرده شعبنده بازیسی آلتنده ترکله
 عداوتی عالم سیاسیا تده پیدای شهرت ایچون بر وسیله
 یابان پولیتیکه جیلرک تشبثات خصمانه سی ترویج وتشویق

ایندردن اولدیغنی بیلور ایدم . بر کون بو قاری ما که
 دونیا امورندن دم اوررکن « نیچون بولغارلر، صربیلر،
 یونانلیر و سائر خرستیان خلق برلشوبده آوروپادن شو
 ترکری قوغوب چیقارده میورلر » دیمش ایدی . افراط
 عداوتندن مخاطبتک کیم اولدیغنی اونوتمش ایدی . بنده کز
 اویله یالتاقاق ویا تبصص ذیلانله ایلر فرنگلرک استیجلاپ
 حسن ظننه اوغراشان هیولالارک مسلککنده کی بهوده لکی
 آکلایانلردنم بناء علیه المدن کلدیکی قدر مقابله بالمشدن
 کیری طورم ؛ چونکه تجارب مدیده مله بو تدیری دها
 مؤثر بولدم . ایمدی اکسیلکنک بو کلامنه مقابل بنده
 کزده « یانچون هندوستانک اقوام مختلفه سی برلشوبده
 عدو عمومی عدایلکری انگلیزی هندستاندن سوروب
 چیقارمیورلر ؟ » دیه بر سؤال صورمش ایدم . قادین
 انگلیزلری معروف جوابلرینی تکرار ایتدی ؛ یعنی
 « بز عدل و حریت ویریورز الخ » دیدی بنده کزده
 « بونی انگلیزلردن چوق ایشتم اما دها آنلری تصدیق
 ایدر بر هندیله راست کلدیم » دیمش ایدم . بو سببله قاری
 ایلر آره مزده عادتاً بر قان کوتمک آرزوسی پیدا اولمش

ایدی . بو دفعه قوجه سنک ضیافته جاغرمدیغنی و بناء علیه
 کندیسیدی ده آلماسلرینی طاقه رق اوضیافته جلوه نمای
 لطافت اوله مدیغنی دیدی قودی به دوشور نجه بزده الدن کلن
 کولنجلی معذبلیکی اجراده قصور ایتدک و بو وسیله ایلر
 اولسون کندیسندن ترکارک انتقامی ایجه آلدق .

§ اصل بو یوک ضیافت بلدیله دائره سی طرفندن ویریان
 اولکه طعمی ایدی . بوکا اعضانک کافه سی دعوت اولندی .
 والینک طعام جمعیتنده کورولدیکی نقل ایدیان تکلفات
 قسوت انکیزک خلافتنه اوله رق بو ضیافته متصل برولوله
 شطارت حکمفرماییدی : هرکس یاننده ، قاوشوسنده
 بولنا نلر ایلر بلا انقطاع مصاحبت ایدیور ، هرکس مصاحبتندن
 ذوق آلدیغنی کوسستر بریولده اشمئزاز تبسم عرض
 ایللیوردی . هر سفرده کولن ده چوق ایدی کولدرن ده ؛
 کویا که مدعوین یکدیگرینی نشئه لندرمیکی بالمقابله درعهده
 ایتملردی . تمکین قسوت آمیز کی نشئه ونشاط دخی
 ساری بر حالدر . اجتماعات رسمیه نک احوال روحیه سنی
 تفحص ایدنلرجه معلومدوکه مبادیسی دونوق اولان
 ویا موهبه خوش کوییدن بی نصیب اولانلرله مملوبولنان

مجالس سکون تکلف ایله کیچر؛ فقط کلیشی کوزل بر
 صورتده باشلیان واهل ظرافت وعلی الخصوص مزاج
 آشناذواتی حاوی اولان اجتماعات اوپله اولور اولماز
 ملاحظات ایله شعشعه اذواقه سونوکلک ایراث ایتمز
 وحتی هوانک کثافت وظلمتی کبی حادثات طبیعییه نک
 اذهانه ایراث ایده بیله جکی عطالت بیله شطارت و نشاطک
 جریانیه پکده حس اولته حق درجه ده سکتیه کتوره مز.
 بوضیافتده کی لطافت معاشرتی نه شرابک قوتنه نه ده حسن
 وجمال صاحبه لرینک کثرتنه حمل ایتمه ملیدر. فی الواقع
 انواع مشروبات مسکره کثرتله موجود ایدی؛ فقط
 اکثر مدعوینجه اعتدال شرب وبعضلریجه اجتناب شرب
 مسکر لازمه سنه رعایت اولندیکی کوریلوردی. واقعا
 طائفه مرغوبه نسا افرادی پک اوقدوسیرک کورینموردی؛
 لکن مشاهدۀ جماللریله روحه انشراح ویره جک نازیتلر
 پک آز ایدی. بودورده مع التأسف بوتون ترکله عارض
 اولان علت غمدن بالطبع بنده کزده مضطربم اما آهنگ
 مصاحبتک روس عمومیسنه تبعیت ایچون برسوق درونی
 حس ایدیوردم. حال بوکه مسکراته ال سورمدیکم کبی
 یانمده مهیج قلب برآفتده بولنموردی.

استغفرالله، خطا ایتدم ! بالعکس یانمده برآفت
 اوطوریوردی؛ همده معنای حقیقیسی ایله برآفت.
 یارب، نیچون قوللریکک بعضیسنی بوقدر آفتزده ایدرسک؟
 طالع ناساز بوراده ده یتیشدی.

جناب حاجی حسین خان کاشانی قارشی طرفدن وضع
 پریشانی کورنجه آجیه حق یرده معذبانۀ کوز قیریور
 و(زن سرکار بسیار خوبست) یوللو آایلره کیریشوردی.
 بوسوزلرم بلکه اعتراضی موجب اولور وبلکه «یاهو
 بو محرر نه قدر خوبسز برآدم اولمی؛ هیچ برآدمک
 شخصی بوقدر دم اولنورمی؛ باخصوص اشکالنی تقییح
 ایتدیکی شخص بر قادیندر؛ آنک حقنده بودوجه
 زباندرازی بر مرد ایچون رعایتی واجب اولان قاعده
 زندوسقییه مغایر دگلکی؟» دیه سرد مطالعاته دخی کیریشیله
 بیلنور. خیر، طبعمه اوقدر خیرچینلق یوق؛ همده
 سبب جدی بولتمسزین مهاجمات قولیه دن غایت حذر ایدرم.
 قادین بئم حسیات ملیه م طوقونه حق بر خلاص ایتش ایدی.
 بوندن اولکی فصلده ذکر ایتدیکم اسبابدن طولانی
 وترک اولدیغم ایچون فرانسز خفیه لرینک ترصیله تعجیز

ایدیله بيلمکدن اجتناباً فس کیميور ایدم. غالباً قاری بی
 آوروبالی ظن ایتدی. طعامک نهایتنه طوغری بزم سفره نك
 اوکنندن برقاچ مصرلی اعضا طیشاری کیدیورلردی.
 قاری بونلری کورنجه «آی، باقک شو ترکله باقک!
 فنا آدملردر آنلردن استکراه ایدرم» دیمسونمی؟ بو عجوز
 جزایرده طوغمش. فرنکلرک مستمل کاتده تیشنلری پک
 قابا اولورلر. بو آنه قدر بر لازمه نزا کتدر دیه قاری
 ایله آرزوق مکالمه ایدیوردم؛ جبر نفس ایله هینه بوزمامق
 ایستدم «خانم، سزک ترکلری هیچ بيلمکدن کلاشیلیور.
 بو کچنلر مصر لیدرلر؛ همده علمو مانی، رابطه لی آدملردر.
 حقیقی ترک یانک زده اوطوریور» دیدم. بونک اوزرینه
 عورت «عا» دیه برندای تعجبه بولندی ده هیچ بر اثر
 حجاب کوسترمدی؛ غالباً حجابک نه اولدیغنی بيلمیوردی.
 ربم صاحبنه باغیشلاسون کندیسى جزایرده بر فرانسز
 مأمورینک قاریسی ایتمش.

ترک هر درلو مناسب ایله قدرینی تنزیل اتمک
 سیاسیون غریبه یه علی الخصوص ممالک عثمانیه نك قطعات
 مهمه سنی اشغال وضبط ایدن دولتلرک رجال سیاسییه سنه

ومأموریتنه مخصوص بر مساکدر. یغمالرینی واداره
 متحکمانه لرینی مدنیت وحریت ناملری آلتندده ستره
 اوغراشدقلری صره ده بزم اوقطعه لرده مقدما ارتکاب
 ایلدیکمز ادعا اولنان تخریبات و تعدیاتی دائماً اوکهورلر.
 بو قیاسلری ایسه بالطبع منطقی دکل بلکه سیاسیدر.
 فقط هر حالده بو فکرک نعيم انتشاری رقبای افرنج
 نظر نده پک مهم بر نقطه اولدیغندن افکار عامه دائماً
 عایه مزده افساد ایدیلور بو سیله بزی بیلوب بيلمسونلر
 عامه افرنج دائماً حق مزده سوء ظن بسیلر. بزم کندیمزه
 مخصوص بر چوق فضائلمز اولدیغنی تسلیم ایدنلر حقوق
 و حیثیت مزده تجاوزی روا کورنلر نه نسبتله دریاده بر قطره
 کیدر.

§ معلومدرکه مسکرا ته «ام الخبائث» نامی ویریلور؛
 لکن بویه رسمی ضیافتلرده اک دهشتلی چاقیجیلربیه
 اجرای خباثته میدان ویره جک قدر شرب مسکره متصدی
 اوله میه جقلرندن چاقیشدیریه بیان زقومک مقداری
 خباثت دکل یالکیز کودزه لک تولید ایدر؛ بو کوه زده لک ایسه
 محاوره خصوصیه دن زیاده - ختام طعامه طوغری -

عمومه خطاباً ایراد ایدیلن نطقلرده آشکار اولور. باشقه زمانلرده مواجهه عامه ده ایراد نطق ایتکدن خوف و حذر ایلینلریله بوکجه ضیافتلرده بعضاً عادتاً جرأت ايله نوبت کلامه مترصد اولورلر. ایچکی زورندن طولانی تمهالکله خطابت اصطلاحپردازی یه قویولورلر. آرتق بوسرده صرف اولنان جواهر افکارک اوکفی آلمق مشکلشور؛ فقط حقیقتده سویلتیلن سوزلر هپ جعلی التفات، هپ سطحی جمیله وهپ خاییده ادا شیلردر. بزم بوضیافتدهده کیمی قالدی فرانسهجه ظیرلادی، کیمی قالدی انگلیزجه میرلادی؛ کیمی قالدی آلمانهجه خیرلادی. هر ناطقه پرداز جوش و خروشه کلوب یاخود کلبورکجه کورونوب قدحی بالای رأسینه طوغری قالدیردقدن صوکره یامؤتمرك و یامؤتمر رئیسنگ یاخود فرانسهنگ و یاخود آفریقاده فرانسه مدینتنگ ودها ییلم نه نك نامه باده نوش اولدی. تقلیددن گلش برارمنی مبعوث دخی - غالباً اسقایه پک محتاج اولان - آرات طاعی ایچون رفع قدح شراب ایلدی. طبعی اومنیلك نقطه نظرندن پکده اصابت ایتدی.

بو آدجغزی قان و قتال تشنه سی ارباب طغیان هپج بکزهده مدیکمدن کندیسيله براز قونوشدم ومنصف برذات بولدم. ناشر ومؤلف ایش. قرآن کریم حقنده شعبه مزده بر مقاله او قومق ایستمش ایدی ده مقام ریاست آنک مطالعاتنگ دخی اعضای مسلمه بی تحریش ایده بیله جکی ظنیله قرائتنه مساعده اتمه مش ایدی. حال بوکه بوارمنی رفیقمزك مقصدی قرآن کریمک بونجه احکام انسانیتکارانه بی حاوی اولدینی معلوم ایکن مسلمانلرک آنلره توفیق حرکات ایلمدکرنی تنقید ایش. پک طوغری بر تنقیددر. اکر اهل اسلام ارشادات قرآنیه یه تبعاً طریق ترقی و تمندنه دوام ایده بیلسه لر ایدی شیمدی بویه افرنجک بازیمچه هوسات تحکمی اولمازلردی. مع مافیله ارمنی رفیقمزك قیاسی باشقه بر نقطه دن یوروديله جکدی؛ یعنی «قرآن قتال معصومینی منع ایلدیکی حالد مسلمانلر ماتداشلریمی کسپورلر» دیمکدن عبارت قاله جقدی. غریب دکه ارمنیلر - آره یه اجنبی دسائس فتنه کاریبی کیرنجیه قدر کندیلریله بویوک بر اختلافز اولمدیغنی اونودیورلر و آوروپا به مناشات صدندنه بزه مادی و معنوی بک بویوک

ضرر لر ایرانه سبب اوایور لر. عمق ملاحظه واصابت احتیاط لری مسلم اولان جماعت ارمنیه نك — شر قدده استیلای یغما کرانه اجرایی حریصیله بصیرت انسانیه لری بوسوتون باغلنمش اولان — سیاسیون غربیه نك اتحاد ایتدک لری مسالك مغفلا نه یه قابلماملری اقتضا ایدردی. ارمنیلر شرقلیدر لر بو جهته ینه بزدن صاییلور لر؛ فرنکلر ایسه بزم قدر آنلرده ییباخیدر لر. کرک حیات اجتماعیه جه کرک عادت و مشربجه بر ترک ایله برارمنی. آره سنده مشابعت قویه بولنور؛ فقط برارمنی ایله مثلاً برانکلر ییننده مناسبتی بر جهت جامعه و لمق مشکدر؛ مکرکه او اومنی یارس ویالوندره کورمش خفتمزاجان شباندن بولنه. اگر ارمنیلر سیاسیون و رجال دول غربك التزام ایده کلدک لری ریاکارلغك عمقی تدقیقه کیرشیه لر کندیلرینه محبتاری و قتیله بزه اولان محبتلری قیلندن اولدیغنی کورور لردی. کرک مسلمان اولسون کرک خریستیان بولسون — عمومی اعتبارله — غربیون شرقیونی صمیمی بر صورتده سوه میور والسلام. حسب الإيجاب کوستربله بیان توجه هب آنی، هب ظاهری و هب خلوص نیتدن عاریدر.

بز ارمنیلر حقنده عدالتسزك کوسترمك دیه میز. نه چاره که طبیعت بشرده مرکوز اولان هوسات ردیه دن بریسی ده اکثرک اقله، قوینك ضعیفه تغلب و تعدیسیدر. معافیله اگر ارمنیلر منصفانه بر صورتده تحقیقانه کیرشیه لر آکلار لر که بزم ایام غلبه و اقبالزده کندیلری حقنده اجرا ایتش اولدیغمز معاملات ناووانك یوزقاتی فرنکلر بوزمان تمدنده و بقیه تابعیتلرینه کچوردکاری مسلمانلر حقنده اجرا ایلمکده در لر.

§ طعام بیتدی؛ بیتدی اما کورولتییسی ده ایکی ساعت قدر سورمش و عادتاً عفونتدن، حرارتدن یینم اریمش ایدی هله یئلن مزخرفاتك معدده اوزرنده کی ثقلی اك قوی بر وجودی بیله سرسم ایده جك بر درجه ده ایدی بوراده «مزخرفات» تعیرینی استعمال ایتدیکمه تعجب اولمسون. نه قدر لذید اولورسه اولسون لکل ایچون مواجهه یه کتوریلن بونجه طعاملردن، طاتیلردن، یمیشلردن، میوه لردن و مشروبآدن برر مقدار آلبوده مخلوطاً بر جناق دروننده — معدده سی کمیکی دخی اریدن —

بر کوپک اوکنه قوینلسه پیز، قوقلارده کیری چکیلور.
او حالده عجباً حرص و طمع جهتیله انسانلر کوپکدن دمی
فنادور؟

«حج مکّه» حقنده ویریلن درس عمومی ویا «قونفرانس
بر اوکله اوستی وقوع بولیشیدی. بونده دخی-فرنکلرک
حقمزده هر فرصته دریغ ایتمدکاری-التفاتی مطالعات
وایهامانه مظهر اوله جغمزی سیاق حالدن استبدال
ایتدیکمدن تهالکه درس عمومینک استماعنه کیتمش ایدم
محل اجتماعه ایرکنجه کیردیکم حالده ینه طولمش بولدم.
یالکنز مؤتمر اعضاسی دکل زوار سائره و برخیلی فرانسر
مأمورلری خواهشله استماعه منتظر اولیورلردی. صاحب
مقال «بروناژ» نامنده طیفق-از، قوی الوجود، ذکی
صورتلی بر ذات ایدی آفریقانک شمالی و غرب شمالیسنی
باشدن باشه دور ایتمش و فرانسه نک او ممالک عظیمه ده
توسیع تحکمته مدار اوله جق پک چوق معلومات مهمه
جمع ایتمش اولمیدرکه بو قونفرانس مناسبتیه وقوعه
کن اجتماع مواجهه سنده کندیسنه فرانسه جغرافیا
انجمننک بر قطعه مدالیه سی ویرلدی. موسیو برونّاژ بلاد

حارده کی دور و سیاحتندن طولانی یا تمش عادتاً جنس
ایبضدن ظن اولنیه جق قدر سیاهلنمش ایدی. صاحب
مقال بر زمانلر جزایردن جانب حجه عزیمتک قطعاً
منع ایدلمش بولندیغنی و بو ممنوعیتک سکنز سنه قدر انفاذ
اولندیغنی و بو منعندن مقصد جزایریالتی مسلمانلرینک
حجازدن اتحاد اسلام فکری استحصالیه مملکتلرینده
نشرینه وساطت ایلهمملری ایدوکنی آکلاتدی. والی
حاضر زماننده بو ممنوعیه پکده لزوم حس ایدلمدیکندن
رفع اولنمش. عجباً نیچون؟ فرانسلر مقام مقدس
حجغمزی امال سیاسیه ایله دکل بلکه اکتساب فیوضات
معنویه ایچون زیارت ایلدیکمزه قناعت حاصل ایتدکلرندن
طولانی می بو ممنوعیتک تمادیء انفاذندن واز کچدیلر؟
خیر، نه مناسبت! فرنکلر او مقام اقدس موحیدی
شرقده کی تغلب یغما کرانه لرینه مقاومت ایچون برمود
تلاقیء مشاوره عد ایتمکده مصر درلر. حق بو سیبله
درکه انکلز لر آوروپا مدینتک شو معبود «فضائلنک»
شرقده انتشارینه مدار اوله جق تداییرک کرامت اتخاذینی
— عالم نصرانیت — نظرنده کندیلرینه حصر ایتمک

ایچون حجازه تعرضه اوغراشمقده درلر . بزم قیدسزلغمز
و حکومت سلطانیه نك كوشكلكی دوام ایدرسه حجازده
اوکی بر وقعه الیمه نك ظهورینی کوره جکمزده شبهه
ایدلسون . حجاز مسئله سنك بر مقدمه سی اولان عقبه
منازعه سنده سلطان حمیدخان نائینك کوستردیکی قورققلق
ودها طوغریسی - اوپله بر مسئله مهمه اسلامی نجیب
ملحمه پاشا کی اسلامه هیچ بر وجهله رابطه صمیمه
محبانه سی بولنه میان بر کیمسه وساطتیه تسویه قالدیشهرق
— ابراز ایلدیکی تدبیر سزك معرضینك حجاز حقنده کی
ترتیبانه بر وسیله تشویق اولدی .

§ ظممه جزایر مسلمانلرینك حجازه کیمه ملری
ایچون وضع ایدلمش اولان ممنوعیتك بالاخره رفعندن
مقصد باشقه در ؛ یعنی جزایردن حجازه کیدن کیمسه لرك
همان عمومیه افکار منوره دن محروم اختیار و امی
اولدوقلرینك آکلاشلمسی رفع ممنوعیته سبب اصلی
اولسه کرکدر . صانکه بر اثر عدالت ایش کی اجرا
اولنان بو رفع ممنوعیتله برابر فرانسز مأمورلری ینه
قلبلرینی شبهه دن تمامیه تجرید ایدمه مش اولسه لرك کرکدرکه

ایوم حجه کیدن جزایر مسلمانلرینه - گویا حمایت
مقصودیه - جدیه قدر بر فرانسز مأموری ترفیق
اولنیور . ایشته صاحب مقال موسیو بروناز بو صفتله
جدیه کیمش واوراده جریان خصوصات حجه تفحص
ایلمشدر . جدیده . قرانتینه محللارنده وحق حرمین
شریفینده وقوعه کلن ناقدیه اداریه نی و تعدیات مأمورینی
و نیجه مساویء مصالحی وعدم نظافت و اخلاقه تعلق
ایدر موادی و تجاوزات عربانی تفصیل صد دنده اوپله
شیلر سویلدی که استماعندن عادتاً توکرم اوپه ریور و صدمه
نزوله معروض اولمش ایش کی وجودمده بر هیجان
مضطرب حصوله کلیوردی . موسیو بروناز آوروپا دول
قویه سنك تبعه مسلمهلرینی بو کی مخاطرات و مزاحمه
معروض ایتمه ملری لزومندن بحث ایلدی . توصیه سی
طبیعی فرانسه وانکلاتره جه اهمیتله تالق اولنه حق مواد دندر .
بو توصیه نك حقیقه تسده اومسلمانلره مرحمه « وقوع
بولدیغی بیانه حاجت می ایتمز ؛ چونکه او دولتارک
اسلام حقنده ذره قدر حسن نظر و شفقتلری بولمش
اولسه حل و عقد امور ایاه مکلف رجال سیاسیه لری

هر فرصت دوشدکجه اهل اسلامي تعصب و وحشت ايله جهان نظر نده اتمامه قالقیشمازلردی .

موسیو پروناژک حجاز ولایتده کی مساویء اداریه و سائریه دائر اولان تقییحاته اعتراض ایتمک حق و حقیقی انکار دیمک اوله جغندن المزدن کلز ، مدعیانده براز مبالغه اولسه بیله ینه هر زمان کوروب ایشدیکمز سیاتی مصوردور ؛ فقط نه چاره که بو فوالقلرک اوکنی آلمق ممنعدور . مکرکه الله مملکتهمزده کی اداره حاضره مقبوحه . نک مسبب اصلیلرینی قهر ایلله .

§ والینک مؤتمره اکراماً و یردیککی بالو غایت پارلاق ایدی . مصطفای بالا جهتمده کی صیفیه سراینده وقوع بولدی . بو سرای دکزدن یوزمتر و قدر یوکسک برتبه اوزرنده سراپا آغاچلر و چیچیکار ایلله مزین واسع بر حدیقه دلاراده کائن و طرز معماری عرب اوزره مرمرلرله معمول بر بنادر . سرایک بویوک قابوسی میعاد معینده آجینجه مسامره البسه سیله ملبس بر جمع غفیر خیاباندن آقین آقین ایچرویه طوغری هجوم ایدیور و درون سرائی بر سرعت متهیجه ایلله اشغال ایللیوردی . ذکاو حسن خلق

صاحبی اولدینی وجهندن آکلاشیلان والی بویوک بر دیوانخانه نیک قابوسندن ایچری بر مواقع استقبال اخذ ایللهرک مدعوین مهاجمه یه فرداً بعد فرداً اجرای خوش آمدی ایللیوردی . بوتون مؤتمر اعضایی ، دول اجنبیه قونسولسلری ، مأمورین مالکیه و ضبط بریه و بحریه و بونلردن صاحب عائله اولانلرک قاریلری و قیزلری و بر خیلی رؤسای قبائل بر برینه قاریشدی . در عقب بر چوق کنجلر - کتمنه مقتدر اوله مدقلری بر تلاش عصیت ایلله موسیقی نک ترنم ایتدیککی جهته طوغری ایلرولیورلر و رفاقت رقصنه مظهر اوله حق نازنینلره التحاق ایتمک و تقدیم اولتمق ایچون اوغراشیورلردی . هله اها ، سیفدن اولانلر - میدان حریده طائفه مخصوصه نک جانی آلمغه نه قدر اهتمامله اوغراشیورلر ایسه - میدان رقصده دخی اویله جه بر اهتمامله نوع بناتک فتح قلوبنده چالیشیورلردی . طبیعی مظفریت معرکه رقصده ها قولای تأمین اولنور ؛ زیرا نسوان راقصه خصای محاربه نک عکسنه اوله رق مقاومت مانعه بی پکده التزام ایتمز لر . علی الخصوص جیحیلی جیحیلی اونیفورمانک قیزلر اوزرینه بر تأثیر مسحرانه سی

وارد . اما اونيفورما بعضاً بد اصل و بد طينت اولانلره
دخی ياقيشور ايمش وياچول ايچندهده اوسلان ياتورمش
عقول بسيطة بنات اورالريني تمينه قادر دكلدر .

صحنه رقص خنچا خنچ طولديغندن بر رقص منتظم
و مرتب اجراسي هان محال کي ایدی . حقیقتهده بو بر
رقص دکلدی بلکه قوجاقلیه بیلدیکی کر بر قادینی آلوب
اونه کیله بروکیله مصادمه ایدهرک دونمکن عبارت
قالیوردی . بویله بر آن جوش خروشی ده ایستر ایسه
کر رفیقه رقصسکرک وجود نازینه — قاعده مرعیه
خلافت اوله رق — ایوجه تماس ایده بیلورسکر ؛ حتی
اسلوبی بر صورتده صیقیشدیره بیلورسکر بیلله بویله بر
آن ضرورتده تربیه سز لکله اتهام اولنه مازسکر ؛ چونکه
بو بر قصادر قضایه ایسه رضا کر کدر . بناء علیه معذور
طوتیلورسکر . باقیه کر آفدم ، صحنهده ایکنه آتسه کر
یره دوشمز ؛ ایمدی بویله بر حالده ارکان مذهب تمدنه
مغایر اوکی خطایادن اجتناب انسانک الدن کلمز .
ذاتاً اداب تمدینه افرنج ایله پرورده اولمش بولندیغکر دن
نیتکرده فساد شهوت پرستی ده بولنه ماز بو سببله البته

معذورسکر . بو عبد حقیره اینانمازسه کر فرنکلرک حیات
اجتماعیه سنده کی دقایق نافعیه بالتبع مملکت مزده تطبیقه
چالیشان آوروپا کورمش بکدرن سوریکر آنلرده قول
حقیری تأیید ایدرلر .

صحنه رقصه قریب بر محله ما کولات و مشروبات
اعطای ایچون بر دستکاه استحضار ایدلیشیدی که
بونک اوزرینه اوشوشانلرک حد و حسابی یوغیدی . اهل
رقص ایوجه بر طبان بتدکن صوکره چیته ، چیته
بو دستکاهه کلیوردی . عورتلر رفقای رقصلرندن زیاده
قیزمش و ترله مش کوریندورلردی ؛ صورتلری پنبه
پنبه اولمش و وجودلرینک کرندن تا مملره قدر آچیق
براقیله کان یرلری پارلمقده بولنمش ایدی ؛ فقط بو حال
پک آزینه باشقه بر طراوت ، باشقه بر شیرینلک بخش اتمش
اولدینی حالده اکثر یسنه بر شکل عبوث و یرمش ایدی . زیرا
طبیعتک اعطای جمال خصوص سنده کی نقصانی عنایتی و یاسنلرینک
اوتوزبشی خیلی آشمش اولدینی تحطراتمک ایستمین قادیلر
بو جمعیتده کثرتلی بولنیوردی . بول ، بول یمکه وایچمکه
هر کسک صلاحیتی واردی اما دستکاهه یاناشه بیلیمک

ایچون خیلی ایتشمک، اوموز چارپشمق اقتضا ایلوردی. تسکین عطش ایچون بالطبع مېوله، بوزی شامپانیالره هجوم پک زیاده ایدی. شامپانیانک قصورلی اولدیغنی سویلنلرده آز دکلدی اما هرکس ینیه ایچمکه دوام ایلوردی. ایچرلریا، جابا سیرکه بالدن طاتنی دکلی؟ چرزلرک بعضیسی بو زوق دیه یواشجه کفتکولر ایدیلوردی اما خلق ینیه «کل داخل ینفع» نصیح معقولنه اتباعاً الله کافی همان طیفیشدیریوردی.

موسیقی رقص طبیعی طرز افرنجده بر اورکسترا طاقی ایدی؛ مع مافیله سرائیک باشقه برجهتمده بر عرب موسیقی طاقی اجرای آهنگ ایلوردی. صنعت موسیقی ایله — ولوکه سطحیجه اولسون — توغل ایدنلردن دکله؛ لکن روح حیوان اوزرینه بیه بر تأثیر جاذبانه سی اولان صدای دلارای سازک استماعنه — فن موسیقی به آشنا اولمیان — اکثرناس کبی بن ده پک مبتلا اولدیغمدن برده بو سازندکان عربک بولندینی طرفه کتدم. بو موسیقی عربی حقیقتده عثمانلی موسیقی طاقنک بر آزمانی — دها طوغریسی — قبا بر صورتده تقلیدندن عبارت برشی بولدیم. هله آهنگه

التحاق ایدن تغنی — ذوق سلیمی اوقشایه جق بر خاصیه مالک اولمق شویله طورسون — روح سامعی ازعاج ایدر برخراش صوتیهی حازایدی. افرنجک علی الاطلاق موسیقی شرقه اسناد ایلدیکی آهنگ حزن آمیز بوچالغی طاقی مناسبتیله دخی ذکر اولینوردی اما بن بوچالغی ده بر خاصه حزیندن زیاده بر عنصر قسوت انکیز بولیوردم. «حزین» اطلاق ایدیلن مقامات شرقیه من — استماعه کسب الفت ایدنلر ایچون — جوش و خروش روحی موجب اولیه بیلور فقط خواص تنفیدیسی اکثریا روح سامعی بهشتی بر ذوق ساکته مستغرق ایدر.

«شرق» دیجه منقدان افرنج همان هیچ بروجهله تدقیق کیفیته کیریشمک زحمتی اختیار اتمز؛ آنلرجه مغرب اقصادن منتهای آسیای شرقیه قدر اولان ممالک واسعه نك احوال کلیه سنده بر همجالتک، بر وحدانیت حیاتیه موجود فرض اولنور. حال بوکه عصرلرجه بر استعمال مخصوصه تابع اولمش اولان موسیقی عثمانینک طرزی نوعنه منحصردر. ترکلر موسیقینک جاذبه سحرانه سیله اوتهدن بری متحسوس اوله کش بر خلق

اولوب احداث ايتدكلرى مقامانده عربدن، عجمدن،
 بيزايتمدن اقتباس ترنم ايلمشر و بو مقتبساتى اهتمام تام
 ايله تصفيه و تنزيه ايتدكدن صوكره مزج و توحيديلمشر در.
 طريقت مرغوبه مولويه منسوبانندن صاحب سعى و ذكا
 بر خيلى ذواتك — عالم عثمانيك اعصار متابعده كچورمش
 اولدينى بونجه بحر انلك آثار مخربانه سندن — موسيقى
 مايمزى مهمما امكن صيانت همت ايتلرى جداً شايان
 شكران بر كيفيتدر. حيفاكه سلطان عبد الحميد خان ثانى
 دورنده موسيقى كى هيچ بر سوء تاويل جواسيسه قابليتى
 اولماي — بر صنعت نازينك اولسون سربستى ترقيدن
 محروم ايدلمه سى اميد اولتوردى. معلوم اولدينى اوزره
 — سائر نجه خصوصانده اولدينى كى — موسيقيك
 تعالى و ترقيسنده دخى اشخاصك مساعى منفردلرى كافى
 دكلدر؛ ادمان اشخاصك رواج و شيوع محصولانته
 جمعيات مخصوصه نك تعاون مشتركه سى انضمام ايلامك
 مقتضيدر. حال بوكه بوشوكتلو هر دورلو اجتماعاتك
 بر عدوبى امانيدر. كنديلرى يالكلز آوروپا طرز
 موسيقيسندن ذوقياب اولدقلرندن البته مى اولان بويله

برهنك تعاليسنه اهميت ويرمزلر مع مافيه آوروپا موسيقيسى
 عناصر آهنگنك بعض عثمانلى مقامات و آلات موسيقيه
 سنه تطبيقندن عبارت ميدانه بعض پارچهلر چيقارتدقلرى ده
 مرويدر. ايكي مستقيمىدن برسقيم چيقارمق ديمك اولان
 بو محصولات عجيبه كيم بيلور نه قدر دلخراش شيلردر.
 طبعنده اكمل و اصلاحه دكل بالعكس افنا و اطاله ميلان
 بولندينى اوتوزسنه لك آثاريله مثبت اولان بر حكمدارك
 احداثات اعجازكارانده بولنه بيله جكنى عقل سليم قطعياً
 قبول ايده مز.

§ بالوده كى مدعوىن آره سنده رؤساي قبايل دخى
 بولنديغنى يوقاروده عرض ايلمش ايدم. قيرمزي ويا بياض
 قفتانلرى، ايرى قاووق و نشانلرى فلانلرى ايله كان
 بوبدختلردن برچونى والينك هر سنده ويرديكى عمومى
 بالويه جلب اولنورلر مش. اوت، بولره « بدخت »
 دييورم. اكثرلىمى صاحى، صفالى آغارمش، مبارك چهره لى
 اولان بو آدمجىلر ك صورت محزونانه لرندن بدختلقلرى
 آكلاماق انسانك بك قصيرالفهم اولسنه دلالت ايدر.
 محكوم افرنج اولمش واعاده استقلال ملیدن بوسبوتون

امیدلرینی کسمش اولان بوزواللی رؤسای اسلام حقیقتده
نفسلرینه اکرام صدندده دعوت اولمقدلرینی پک اعلا
آکلا بورلر . رقص ایتک ایسه نه عادتلرندن نه ده اکتسابنه
مشتاق اولدوقلری اذواقندن در . بالفرض مشتاق اولان
خفتمشربان افراد شرقدن بولنش اولسهلر بیله سن
شیخوختلری اکامانعدر . بالوده کی زوار اجنبیه ایله
قونوشمورلر وحقی کندی آره لرنده بیله پک آرتعاطیء
کلام ایدیورلردی . بونلرک اکثری ابتدادن سرائک
دیوانخانه لرندن بریسنه بریکمشلر واوراده استحضار ایدیلن
قولتوق صندالیه لرینه کمال سکونت ایله اوطورومشلردی
وایشه بو وضعده زوار معاقبه افرنجک پیشگاه تماشاسنده
معروض قالیورلردی . فرنکلرده اوکارندن کلوب
کچرکن آنلره اماله نظر ایله « آمان نه قدرده کوستریشلی
آدملر ! نه مطمئن برمنظره ! نه زینتلی کسوه شرقیه لری
وار ! » یوللو کویا تحسینلر ایله بو بدیختلرک تماشاسندن
منبسط ومتبسم اولیورلردی . زواللی رؤسای طوائف
اسلام حاکم غالبلرینک — حقیقتده شوکتفروشلقدن
عبارت اولان — شو دعوتلرندن رنجیده قلب اولمقله

برابر اجابتنده مضطردلر . فرانسزلرک ظاهرده مکرمانه
اولان دعوتلری شووجهله تفسیر اولنه یلور : « کوریپور میسکر
ای زوار اجانب ؟ بز حاکمیت متمدنانه مزه تابع اولان
یرلیرله (Indigènes) حالرینه مناسب رتبه ونشانلر
ویریور . رسمی ققتانلر کیدیریورز و آنلری بویه رسمی
وتشریفاتلی موقعه دعوتله عدالت و مساوات رعایت ایلیورز .
بزم بو مدعیات طفره فروشانیه قارشو سوبلیه جکمز برشی
وار ایسه اوده شودر : « ای شرقده پیشدار تمدن کچین
فرانسزلر ! عالت ، مساوات وحریته مغلوب و مجبور
تابعیت ایتدیککز مسلمانلرک محتاج اولدوقلری بر طرزده
رعایت ایتسه کز حاکمیتکز قاعده تمدن وانسانیت ده
موافق دوشمزمی ایدی ؟ »

§ مؤتمر اناسنده ترتیب اولتان اکلنجه لردن بریسی
دخی لعیات جندیانه اجرایی ایدی . بونلری تماشایه
دعوت اولتان اعضای مؤتمر دعوتیه ورقه لری قپوده
ارائه ایتدیکلری زمان اجرت دخولیه ویرمکه دخی مجبور
قالمشلردی انکلز اعضادن بعضیلری بوکا پک حدنلندیلر
و مملکتلرنده بویه بر چنکانه لکدن اجتناب ایتدیکلرینی

ضمیمه سرزنش ایدیلر . انگلیز لرك بو شكایتلری
جیمربیلکدن نائی دکلدی ؛ چونکه مشکیلر هم زنکین
هم ده ذوقلری ایچون بول، بول پاره صرف ایده جك
طاقمندن ایدیلر . شوقدرکه ذاتاً جزایر ده مختلف
جمعیتلر . بین الملل مؤتمرلر اعتقادینی ترویج و ترتیب ایدنلر
باشلیجه امللری اجنبی جای و بناء علیه وسائط کسب
و تمتع پیداسی اولدیغندن بوطالب اجرت ماده سنه پکده
تعجب ایتک لازم کلمزدی .

امیات جندیانه فرانسه جه «قونفور ایپیک» تسمیه
اولنان بر طرزده ترتیب اولمشیدی . او یونه سواری
عسکرلری طرفدن ایدیلن بر آت یاویشی ایله باشلاندى
بونلر بیتدکن صوکره «سپاهی» نامی طاقدقلری مسلمان
سواری آلایلندن ایکی بولوك میدانه چیقدی . بونلر
آره سنه ترتیب اولنان جعلی هجوملر ده قارغی و قلیجلر
وتفنگ و طبانجه لرله پک مهارتلی و فقط خیلی تهلکه لی
جندیالکلر اجرا اولندی . تیز رفتار سواری بولولکلرینک
بر برینه هجومه کیتدکلری صرده تفنگلرینی هوایه
فیرلاتملری و دوشرکن طوتوب صوکرده ال چاپوقلغیه

آتش ایتلری و ایکی مخاصم بولوك شدتله، سرعتله التصاق
ایتدیکی افراذك سل سیف ایله چارشمغه قویولملری
جدا هیجانلی بر تماشا ایدی . بونکله برابر هیچ بر قضایه
میدان ویرلمه مسی الحق عساكر جندیالکلرینی بحران
اعصاب زماننده بیله بر احتیاط مستحسن و بر اعتدال
دم ایله اجرایه مقتدر اولدقلرینی کوسترر . موضوع
لعب بزم اسکی آت میدانی تعلیملرینی، چیریدلرینی و حتی
یاووز سلطان سلیم خان حضر تلرینک مصرده کولمن
طائفه محاربه سنه اجرا ایتدیرمیش اولدقلری مشهور
جندیالکی خاطره کتوریوردی ؛ فقط هیپات ! وقایع
سالفه عثمانیك تاریخلر ده قرائتدن حاصل اولان غلیان
حسن ماییت بر عثمانی قلبی ایچون ایلارک فعلاً اجرا
ایدیکی بویله مناظر جنگاورانه تماشاسندن داها هیجانلی
بیك کره ده ایتساطلیدر .

میدان لعبده اك صوکره وقوع بولان بر فصل تماشا
هیچ ده خوشمه کیتمدی . شویله که جزایر شهرنده
نه قدر ایشسر سیرسری ، نه قدر دیلنجی قلقلی مسلمان
وار ایسه بر آرهیه کتورمشلر . باش آچیق ، آیانی

چپلاق پڙمرده لباسی بو زوالیلردن بر آلائی ترتیب
ایتمشله . بعضیسنک تا صحرای کبیرک ایچریلردن
سورونوب کلدیکی وجهلردن آکلاشیلان بو عجزه
آلائی افرادی غالباً آجلقدن طوغریجه یوروپه بیهجک
بر حالدله دکلدی . کیسنک الله قیریق برقلیچ ویا قارغی
کیسنک الله قالین صویا ویا دمیر بارجهسی ویرمشله
وبعضیسنی ده کهنه شیشخانه وچاقاقلی طبانجهلر ایله تسلیح
ایلمشله . آلائیک اوکنده صیریغی آی ییلدز اشارتلی بر
بویوک باراق چکیلیور وبرده قوس قوجه بر طاوول
چالنیوردی . حریفک بری ده آته بینمش انده کی قامچی
ایله یوروونک ایسته مین او زوالیلری سوکه رک دوکه رک
صرهیه صوقق ایستیوردی . عجبا بو آلائی والایی لعیات
جندیانه میانسه ادخالدن مقصد نه ایدی ؟ ترقی ایله بدویتک
قوای متقابله سی آره سنده کی فرقی ارائه ایچونمی دیه
جکسکز ؟ بلکه او یله در .

لعیات صره سنده اجرای آهنگ ایدن عسکری موسیقیه
سندن باشقا برده طاوول زورنا طاقی وار ایدی که یرلی
طاوورلردن بریسنک باندوسی ایمش . اصلاح و ترتیب


کورسه طاوول وزورنا ده دخی -- حق طبع سلیمی
اوقشایه جق درجه ده -- بر ذوق بولنیور . بناء علیه
خیلی مؤثر هوالر چالان بو طاوول زورنا طاقی آلا
فراغه باندودن زیاده آلقیشلاندی . شوراسی ذکره
محتاجدرکه بش آلتی طاوول وبراقدر زورنادن مرکب
اولان بو موسیقیه بر اراز اوزاق مسافه دن استماع ایتک
لازمدر ؛ زیرا طاوولک سسی -- معلوم اولدینی وجهله
اوزاقدن دهایی کلور . اگر دقتله ملاحظه اولنورسه
آکلاشیلورکه بو طاقم دخی -- اکثرمواد کبی -- ترکلر
دووندن موروثه ر . یکیچریلرک اسکی کتابلرده کوردیکمز
موزیقه طاقی رسملینه مشابته تامه سی وار . عسا کر
شرقیه یی -- اوتنه دنبری استماعنه اعتیاد ایتدکری -- بویله
بر موسیقی آفرانغه باندودن زیاده شوق و غلیانه کتوره
بیلور . فقط بز آوروپا عسا کر موسیقیه سی ایله آلایلر-
مزنک تجیه زینی مناسب کورمشز . بزاصلاحات و ترقی نامنه
علی العمیافرنکی تقاییده پک مبتلا یز . فقط فرنکدن
آلدیغمز شیلری چوق کره آغزیمزه ، یوزمزه بولاشد-
یردقدن سوکره کندیمزده موجود اولان خصوصاتی ده


غائب اولمش كورورز؛ یعنی پرنجه كيدوكن اكثرثيا الدهكى
بولغوردن ده اولورز؛ الحاصل بك عجيب بر خلقز .
§ مؤتمرك مذاكراتی واكلنجهلری تمام اولديغندن
بزده مارسلیا طریقیله انكلترهیه عودت ایلدك.

ختم



TÜRK TARİH KURUMU





البر حار التا